

Tububihit mede Mosesdi youkuk

Bepaᅇdi Kwet Kunum yehitubumintagak.

1 ¹ Mebineᅇ tububihila Bepaᅇdi kunum eᅇ kwet yehitubumintagak. ² Kwet adi giyoᅇᅇgiyoᅇeᅇ eᅇ hamap hakuk. Kaᅇ mambip wapumdi ime wapum fuliᅇᅇᅇ hinek mambipnit u kufulaᅇa hakuk. Kaᅇ Wapum'walaᅇ Munabulidi ime foloᅇᅇᅇᅇ wole-kumuᅇkumuᅇeᅇ hatiguk. ³ Kaᅇ Bepaᅇdi indiᅇ yoguk, "Hautawek!" yobune hautagak. ⁴ Kaᅇ Bepaᅇ adi hauta kaune utumbaune hauta eᅇ mambip yehidaneguk. ⁵ Tiᅇa hautadok wou hadapmo yoguk eᅇ mambipdok wou bufa yoguk. Unduᅇ tulune kwet bufaaᅇ heleune melenai 1 tuguk.

⁶ Kaᅇ Bepaᅇ adi indiᅇ yoguk, "Ime lekiᅇᅇᅇ giᅇaᅇ kamehep fafaᅇeᅇniᅇ niᅇ mintaaᅇ wendiᅇᅇ ime danewek." ⁷ Unduᅇ yobune ime lekiᅇᅇᅇ kamehep wapum mintaaᅇ ime daneune fukuniᅇ wohiᅇkade loguk eᅇ fukuniᅇ komaᅇkade hakuk, kaᅇ lekiᅇᅇᅇ hamap mintagak. ⁸ Kaᅇ Bepaᅇdi wou hamap wapum yoguk. Unduᅇ tulune kwet bufaaᅇ heleune melenai 2 tuguk.

⁹ Kaᅇ Bepaᅇdi indiᅇ yoguk, "Kunum falipmeᅇ ime dambek niᅇkadegoᅇ wooᅇ bopneune kwet silidawek." Yobune undugoᅇ mintagak. ¹⁰ Kaᅇ Bepaᅇdi siliᅇ wondok wou kwet yoguk, eᅇ imeᅇᅇwaᅇ wapum wondok wou luhi yoguk. Unduᅇ tiᅇa kaune utumba tuguk. ¹¹ Kaᅇ Bepaᅇdi yoguk "Kwet foloᅇ nemeᅇmek duhuᅇa labiiᅇ u kadoᅇa labuneᅇ, nanane, yuwoiyuwoi, wowoᅇᅇᅇᅇ youlihinit hogohogok, eᅇ bem heki, kilikihik namandap molomolom kadoᅇa labuneᅇ." Yobune undugoᅇ hinek mintagak. ¹² Kwetdi yehiniᅇᅇineune nanane, yuwoiyuwoi, wowoᅇᅇᅇᅇ meᅇimebi eᅇ bem meᅇimebi youli hinit hogohogok labugiᅇ, folonamandap molomolom labugiᅇ. Kaᅇ Bepaᅇdi kaune utumbagak. ¹³ Kaᅇ kwet bufaaᅇ heleune melenai 3 tuguk.

¹⁴⁻¹⁵ Kaᅇ Bepaᅇdi indiᅇ yoguk, "Kunum giᅇaᅇ hauta mintaneᅇ. Tiᅇa adikuyeoᅇᅇ hadapmo eᅇ bufa yehidaneyaneᅇ. Tiᅇa yeyaneᅇ e gwi meᅇ eᅇ duhuduhu nai eᅇ gulet nai diniᅇ fek tiᅇa kunumneᅇniᅇ hauta tiᅇa

hautayaneej.” Yobune undugonj mintagij. ¹⁶Bepañdi unduj tiña kudup hauta wapumnit lufom yehitubumintaguk, hauta wapumgonjdi hadapmo timenj tiña kadokoonj hatidok, enj hauta wapum niñ gwehegweheyengonjdi bufa kadokoonj hatidok yapmeguk. Tiña yeguk e hinantilamek maanj yehitubumintaguk. ¹⁷Adi kwet tubuhautadok ¹⁸enj bufa dut hadapmo yabudokoonj bufa enj hadapmo yehidanedok kunum folonj yapmeguk. Unduj tiña Bepañdi kaune utumbaguk. ¹⁹Unduj tulune kwet bufaanj heleune melenai 4 tuguk.

²⁰Tubune Bepañdi indij yoguk, “Ime maanej ime diniñ kale mebimebi mintaanj imengwanj tokiune waliwali wapum mintawek. Enj bagi heki adi hamap folonj wole yawaneej.” Yobune mintaguk. ²¹Bepañdi luhi kale kakahi gili enj nemek hatihati hinit mebimebi ime maanej waliwali hinit hakiij enj bagi papalihinit mebimebi, yehitubumintaanj yabuune utumbaguk. ²²Kañ Bepañdi indij yonja yehikahañneguk, “Hidi youlinit tiña kisanj ulihakaanj imengwanj wapum tokidapmaneenej enj bagi heki adi kwet folonj ulihakaneenej.” ²³Unduj yolune kwet bufaanj heleune melenai 5 tuguk. ²⁴Dapmaune Bepañdi indij yoguk, “Kwetdi nemek mebimebi namandap molomolom yehitubumintawek, kale mimihi, enj miñgembet, kalenggingij enj kale moihi mebimebi.” Yobune undugonj mintagij. ²⁵Bepañ adi kale mimihi mebimebi enj kale moihi mebimebi tiña miñgembet enj kalenggingij mebimebi undujku tubumintadapmaanj kaune utumbaguk.

Bepañdi me enj tam yehitubumintaguk.

²⁶Kañ Bepañ adi indij yoguk, “Agañ! Indi meeniñ indi inde indihigonj yehitubumintanim! Kañ adi luhi kale, hamap folonj bagi hatiij enj kale mimihi enj kale moihi hogohogok tiña miñgembet, kalenggingij heki kwet folonj kayohik kohohikdi yaliña uñambuñat tiij wapum enj molom tiña yabudokoneenej.” ²⁷Kañ biyagonj kuyonj, Bepañ adi meeniñ ne undiniñgonj tubumintaguk. Me enj tam yehitubumintaguk. ²⁸Tiña yehikahañneenej indij yeninguk, “Wapmihi hiyenit tiña ulihakaanj kwet tokiña kadokoneenej. Tiña luhi kale enj hamap folonj bagi hatiij enj kwet folonj kale hatiij enj kalenggingij heki hogohogok wapum enj molom tiyemiña yabudokoneenej.”

²⁹Bepañdi unduj yonja indij yeninguk, “Nu hiditok nanaje iñak hamulat: yuwoiyuwoi, bem gimij, kahak heki enj nemenemek youlinit labiij.”^a ³⁰Enj kale kwet folonj hatiij enj hamap ginañ bagi hatiij enj miñgembet, tiña kalenggingij heki munabut hinit yehitubumintanjit adi’walañ nanaje adi yupaanj, kilihikit heki kamelat.” Kañ undugonj hinek mintaguk. ³¹Kañ Bepañ adi nemek tubumintaguk i yabune

^a 1:29 Nai uñaniñ kale mu nagij. Nemenemek kwet folonj labagij u hogok nayagij.

momooj hinek tuguk. Kaŋ kwet kotigoŋ bufaaŋ heleune melenai 6 tuguk.

Bepaŋdi gulet ikuk

2 ¹Unduŋ tiŋa yeguk e, kunum eŋ kwet yakaat adi bomboŋ mohok molomolom tuwolit tuwolit hinek tiulidokoyemdapmaaŋ yapmeguk. ²Kaŋ melenai 7 uŋoŋ adi Bepaŋdi kwanaiŋiŋ tubudapmaaŋ kwanai hogohogok tuguk wondok nadiŋa hakweledok gulet ikuk. ³Unduŋ tiŋa Bepaŋ ne nemenemek hogohogok tubumintaŋ melenai 7 uŋoŋ hakule tuguk doktiŋa nai u uŋgoŋiŋ yoŋa kahaŋ tuguk. ⁴Yoŋ adi kunum kwet tuwolit tuwolit hinek tiulidokoyemdapmaaŋ yapmeguk wondiniŋ mede kahat.

Me gut tam eŋ bem gimiiŋ fiye yehitubumintaguk

Wapum Bepaŋ adi kunum eŋ kwet yehitubumintagukneŋ ⁵uŋoŋ bem be kilihikit mebimebi kwet foloŋ mu kadoŋa labugiŋ. Woŋ adi Wapum Bepaŋdi yobune gwi nemu ukuk eŋ kwanai diniyeti titindok meeniŋ nemu yehitubumintaŋiŋ doktiŋa unduŋ mintaguk. ⁶Nai uŋaniŋ adi kwet maaneŋniŋ mudi wapum hinek labuŋa looŋ udaneŋ foŋ kwet tubukwelemaguk. ⁷Kaŋ Wapum Bepaŋ adi kwet moŋgola kahigaliŋa me niŋ momooŋ hinek tutumbaŋ timei ginaŋneŋ hatihati diniŋ munabut fedidahimimbune me u munabut tiŋa kaikaŋ pilakuk. ⁸Kaŋ Wapum Bepaŋ adi mele labulabuneŋkade Edeŋ kwetneŋ bem giminiŋ fiye niŋ yetiŋa me tubumintaguk u uŋgoŋ nagi wooŋ kameguk. ⁹Tiŋa Wapum Bepaŋ adi kwet nindapmaune kwet foloŋ bem mebimebi momohi kadoŋa labugiŋ. Tiŋa bem gimiiŋ momohi hinek yabuŋa nadigalika tiŋa moŋgola nanandok undihi mintagiŋ. Bem gimiiŋ fiye lekiŋgoŋ hinek adi hatihati fafaŋeniŋ diniŋ bem eŋ kedem be kadakaniŋ tubutakale diniŋ bemdi kadoŋa labuŋa yakumuk.

¹⁰Ime wapum niŋ adi Edeŋ bem gimiiŋ fiye ginaŋ labuŋa bem gimiiŋ fiye tubukwelematauyeŋ foŋ wooŋ daneŋ taŋeniŋ 4 mintagiŋ. ¹¹Taŋeniŋ niŋ diniŋ wou Pison. Wondi Hawila kwet kelemadidapmalak. Uŋoŋ gol muneŋ hatak. ¹²Kwet uŋoŋ gol muneŋ hatak adi tuwaŋiŋ loloŋnit. Eŋ uŋgoŋ bem niŋ gumamuŋiŋ munduŋ momooŋ moŋgokiŋ eŋ kawade fafaŋeniŋ niŋ wou oniks hatak.^b ¹³Ime taŋeniŋ niŋ wou Gihon adi Kus kwet kelemadilak. ¹⁴Eŋ taŋeniŋ niŋ adi wou Taigilis wondi Asilia kwet mele labulabuneŋkade foŋ ulak. Eŋ taŋeniŋ niŋ adi Yufeletis.

¹⁵Kaŋ Wapum Bepaŋ adi me nagila wooŋ Edeŋ bem gimiiŋ fiye ginaŋ kwanai tiŋa kadokodok kameguk. ¹⁶Kameŋ indiŋ yokwambundaŋ niŋguk, “Bem gimiiŋ fiye ginaŋ bem folooŋ hinit yaliwiŋiŋ adi’walaŋ

^b 2:12 Kawade woŋ adi fama mebimebinit.

folooj u kedem moŋgola naluwaan. ¹⁷Ingoj oŋ, bem niŋ kedem be kadakanij mebi tubutakale diniŋ mindipmuŋ uyadi mu nawaan hinek. Fiit nawaan adi nai uŋaniŋgoj hinek-ku kumumbaan oŋ.”

¹⁸Tiŋa Wapum Bepaŋ adi niŋ indij yoguk, “Me adi nehogok hatibune tuwot mu tilak. Ale, nu adi undiningoŋ tubulodanij niŋ tubumintawit.”

¹⁹Wapum Bepaŋ adi unduŋ yoŋa kale mimihi eŋ kale moihi eŋ bagi hogohogok kwetdi tutumbaan medi wouhik dedij yenimbek u kanadi tibene me’walaŋkade yanagila uguk. Kaŋ medi wouhiye yobihila yobek uŋakoŋ hakwambundadok yoguk. ²⁰Unduŋ tubune me adi kale mimihi eŋ kale moihi eŋ bagi hogohogok adi wouhiye yededapmaguk. Ingoj ne undiningoŋ tubulodanij adi nemu tubumintaguk. ²¹Unduŋ doktiŋa Wapum Bepaŋdi me tubugweheyeune domo kisaŋ dahakuk. Kaŋ gaga kitiliniŋ tamali kwelikon foloŋ gomdi kameheguk. ²²Tiŋa Wapum Bepaŋ adi me diniŋ gaga tamakuk wondigoŋ tam niŋ tubumintaŋ nagila me’walaŋ uguk. ²³Nagila uune medi kaŋ yoguk, “Yoŋ adi biyagoŋ hinek kitiline eŋ gomne! Adi adi me’walaŋniŋ moŋgokuk doktiŋa wou ‘tam’ ninindok.”

²⁴Unduŋ doktiŋa me adi miŋbeu biyabuŋa tamuŋij’walaŋkade wooŋ kadiwaak. Unduŋ tiŋa adi sigihik be, bee welehek kiulune kubugoŋ tubune hatideemek. ²⁵Memalam adi wanakaŋ hambiyek hatigumuk iŋgoŋ meeka mu tugumuk.

Fiye 3:1-24 Dadaniyatdi mede wobu tiŋa haaki kahilegumuk

3 ¹Wapum Bepaŋ adi nemek hatihatihinit behepneŋ hatidok yehitubumintaguk ala miŋgembet adi me yalamut molo doktiŋa noli’walaŋ nadinadi yalakapmeŋ lohinakaguk. Ala miŋgembet adi tam indij yoŋa ninadiguk. “Bepaŋdi bem gimij fiye ginaŋ bem heki yakiiŋ adi’walaŋ folooŋ mu nanandok be haniŋguk?” ²Kaŋ tamdibo miŋgembet indij niŋguk, “Indi yadi bem gimij fiye ginaŋ bem hogohogok yaliwiŋ adi’walaŋ mindipmuŋ kedem nanandok ninindapmaŋit, ³eŋ bem gimij fiye lekiŋgoŋ bem niŋ yatak wondiniŋ mindipmuŋ adi naaŋ be honeeŋ kumundeemitneŋ yoŋa Bepaŋdi kamehep tinimguk.” ⁴Kaŋ miŋgembetdi tam indij niŋguk, “Moon ale! Hidi mu kumundemek. ⁵Bepaŋ adi agaŋ nadilak, hidi bem gimij u naaŋ dauhik tombune ne undiniŋ tiŋa kedem be kadakanij diniŋ mebi nadidakaledemek.” ⁶Unduŋ yobune tam adi bem u kaŋ indij nadisuguk, “bem gimij u yadi momooŋ hinek nanandok tiŋa undigoŋ momooŋ hinek kalat, eŋ nadinadi tubumintadok tuwolit hinek” yoŋa nadiune utumbaguk. Unduŋ tige tige bem gimij u tomŋa naguk. Naaŋele noli yohoidok mimbune adi maan naguk. ⁷Nalune dauhik tomguk. Tombune nehi hambiyek hatigumuk u kagumuk. Unduŋ tiŋa moonkaŋ bem hapmuŋ bateyehidi tebikufulaŋa hatigumuk.

⁸Agan mele womaan kwelemaalune Wapum Bepaŋ adi bem gimij fiye ginaŋ hati yaulune gigilitiŋij nadigumuk. Nadiŋa me eŋ tamuŋij adi

Wapum Bepandok munta tiņa bem gimij fiye ginaj bem ginaj ginaj hebihakumuk. ⁹Unduņ tulune Wapum Bepandi me indij kutninguk, “Du de?”

¹⁰Kaņ yoguk, “Du bem gimij fiye ginaj yautobune nadiņa hambiyek hatiņat doktiņa munta tiņa hebihatat.”

¹¹Kaņ adibo yoguk, “Hambiyek hatilaņ u nediyeņ ganiņak? Du bem mindip mu nanandok ganiņa yokwambudagut u nobu naweņ?”

¹²Kaņ medi yoguk, “Tam nukut hatidok yoņa namguņ adi bem gimij nambune naņat.”

¹³Kaņ Wapum Bepandi tam indij niņguk, “Du maņgaņde unduņ tiņa?”

Kaņ tamdibo yoguk, “Miņgembetdi nalamulune naņat.”

¹⁴Kaņ Wapum Bepandi miņgembet indij niņguk, “Du unduņ tiņa doktiņa kale mimihi eņ kale moihi adi’walaņiņ du kubugoņ haaki tigamulat. Ale du kwet foloņ hatibaaņ tuwot kabakedi kwet umeumet tiņa hatibaaņ eņ nanaņege adi kwet kilabut naluwaaņ. ¹⁵Kaņ du eņ tam hidi’walaņ lekiņgoņhik ginaj kwihita fafaņeniņ kamewit wondi miņgembet du’walaņ kobuligeye eņ tam’walaņ kobuliņiye lekiņgoņhik ginaj hali lowaak. Ala hatigane tam’walaņ kobulidi miņgembet du’walaņ mebigे yalifilidawaak. Kaņ dubo kayoņ yehihiliņiņ sifilifiliyewaaņ.”

¹⁶Tamdok adi indij niņguk, “Mihi welenit hatilune folofigita tomboyoula gambaat. Eņ wapmihi yanagikiiņ nai ginaj adi folofigita kisaņ nadige nadige yehēgeluwaaņ. Ingoņ oņ, yohoge adi walagedi kahile hinek tuluwaaņ, kaņ adibo du gabudoko tuluwaak.”

¹⁷Adamdok adi indij niņguk, “Du tamge’walaņ mede tilooņ yeņa e bem gimij mu nanandok hinek yokwambundagamgut u naņa, ala du’walaņ yom doktiņa kwet i haaki timilat. Ale du helemahemaņ folofigita kwanai tiņa nanaņege tubumintaluwaaņ. ¹⁸Dininoutge ginaj adi kilihikit moihi eņ noli dendem hinitdi labaneeņ. Kaņ du yadi uņaņiņ nanaņege moņgola hinaluwaaņ. ¹⁹Mimindi kisaņ gomuņa nanaņege tubumintaņ nahatigane kwetdi gehitubumintaņit ale kotigoņ udaneņ kwet foloņ fowaaņ! Kwetdi gehitubumintagut doktiņa kotigoņ udaneņ kwet yagilaaņ.”

²⁰Kaņ me adi tamuņiņ wou Ewa youkuk. Adigoņ tububihila kwet foloņ meeniņ mintayam hogohogok indi’walaņ meekinik tuguk. ²¹Kaņ Wapum Bepaņ adi kale gitnemdi dahidahi tibineeņ memalam tinahukuyembune hatigumuk.

²²Wapum Bepaņ adi unduņ tiņa indij yoguk. “Hidige! Me adi agaņ inde indihigoņ tiņa kedem eņ kadakaniņ diniņ mebi nadilak. Ale, tiyaugene kohoņ kihiwale hatihati fafaņeniņ diniņ bem gimij tomuņa naaņ kwet foloņ yagigi hatibaaneņ.” ²³Wapum Bepaņ adi unduņ yoņa me niņkulune Edeņ bem gimij fiye bikabuņa fooņ uguk. Kwetdi

tubumintaŋit adi ne dininout tibene foonj uguk. ²⁴Wapum Bepaŋdi memalam unduŋku tiŋa yehikeleune fougumuk. Kaŋ Edeŋ bem gimij fiye dinij mele labulabuneŋkade Kelobim^c niŋ kambiyakuk, eŋ mik nonj kudup mabemnit kameune wondi uŋat buŋat tiŋa hatihati fafaŋeniŋ bem dinij talik tehep tuguk.

Fiye 4:1-16 Kain gut Abe adi Bepaŋdok muni hegumuk

4 ¹Adam adi tamŋiŋ Ewa dut hatibune mihiwele tiŋa Kain nagikuk. Nagila indiŋ yoguk, “Bepaŋdi nehitubulodaune mihi niŋ mintanamulak.” ²Kaŋ mindaŋkade kwayaŋ Abe nagikuk. Kaŋ Abe adi bedinaditomŋa meme eŋ dompa yabudokoguk. Kain adi me dininout kwanai tiŋa hatiluguk. ³Unduŋ tiŋa hatigane Kain adi fiye ginaŋniŋ nanaje heki moŋgola bopneer Bepaŋ muni hemiŋguk. ⁴Kaŋ Abe adi maŋj dompa taamuhi kobuhidi mihiniŋ biyegiŋ uŋaniŋ niŋ ula dobuŋa galiki moŋgola Bepaŋdok muni heguk. Kaŋ Wapumdi Abe ne be, bee muniŋiŋdok nadiune utumbagak. ⁵Eŋ Kaindak adi ne be, bee muni hegukdok nadihaŋinda tuguk. Unduŋ tubune Kain adi kisaŋ kwihitaune namanda kadakaningonj hinek diweguk.

⁶Unduŋ tuguk kaŋ Wapumdi Kain indiŋ niŋguk, “Maŋgoŋde kwihitaŋ namandake kadakaningonj diwelaŋ? ⁷Du kedem hatibune nadigambene utumbawaak. Kedem mu hatibaŋj adi kadakanijdi talik fofonj ginaŋ hebiyale dutok-ku womgambaak. Kadakanijdi gabudokodok hinek-ku nadilak onj. Ale, du yadi kadakanijdok kamehep timimbaŋj.”

⁸Hatigane Kaindi kwayaŋ Abe indiŋ niŋguk, “Buune kade ude.”

Yobune ugumuk wooŋj kade ginaŋ hatigumuk, hatigane Kaindi tububihila pilali kwayaŋ Abe ula ulukumuŋguk.

⁹Kaŋ Wapumdi Kain indiŋ ninadiguk, “Kwayage Abe daŋgonj hatilak?”

Adibo yoguk, “Nu mu nadilat. Kwayane nube kadokolat ale?”

¹⁰Unduŋ yobune Wapumdi yoguk, “Du maŋgoŋ tiŋaŋ? Kwayage buune naŋgatŋiŋ kwet foloŋ kwatneŋjak wendi kobulabulaye tinambune nadilat. ¹¹Unduŋ doktiŋa haaki du foloŋ kamelat. Kwetdi kotigonj du mu gehitubulodaluwaak. ¹²Diniyeti kwanai tibaŋj iŋgonj kwetdi duhuduhuniŋ diniŋ galiki kahile tibaak. Unduŋ tubune du momoŋ tiŋa kwet uŋaŋbo hatij uŋaŋbo hatij tiluwaŋj.”

¹³Unduŋ nimbune Kaindibo Wapum indiŋ niŋguk, “Kibikooŋ namulaŋ u nadiwene mulabumuŋ hinek tilak. ¹⁴Du kamiŋ dininout kwet kameheŋa nehikelekutaŋ doktiŋa nu du bikabuŋa momooŋ wooŋj uŋaŋbo uŋaŋbo hebihatiluwaat. Kaŋ meeniŋ niŋdi nehitubumintaŋj nulukumuneerj.”

^c 3:24 Kelobim adi Bepaŋ`walaŋ aŋelo bop niŋ`walaŋ wohik.

¹⁵Kaŋ Wapumdibo yoguk, “Unduŋ adi moonŋ, nediyeŋdi Kain ulukumumbaak adi’walaŋ kibikoŋ adi kunakunat 7^d wondok tuwolit kalakapmeenŋ wapumgoŋ mimindok.” Unduŋ yoŋa Kain sigiŋ foloŋ fek niŋ timiŋguk, nebek niŋdi kaŋ mu utneenŋ yoŋa unduŋ tuguk. ¹⁶Kaŋ Kain adi Wapum hebeŋ foloŋ hatigukdi wabiŋa wooŋ kwet niŋ wou Nod u Edeŋ kwet mele labulabunerŋkade uŋaŋ hatiguk.

Fiye 4:17-24 Kain’walaŋ yalakiŋiye

¹⁷Kaŋ Kain adi taamuŋiŋ dut hatibune mihiwele tiŋa Enoko nagikuk. Ala Kain adi yokwet wapumniŋ yobune mintaguk kaŋ yokwet wondiniŋ wou mihiŋiŋ diniŋ wou Enoko youkuk. ¹⁸Enoko’walaŋ mihi niŋ mintaguk wou Ilad. Kaŋ Ilad’walaŋ mihi niŋ mintaguk wou Mehuyael. Kaŋ Mehuyael diniŋ mihi niŋ mintaguk wou Metusael. Kaŋ Metusael diniŋ mihi niŋ mintaguk wou Lamek. ¹⁹Lamek adi tam lufom yanagikuk, tam niŋ diniŋ wou Ada, eŋ niŋ diniŋ wou Sila. ²⁰Ada adi mihiwele tiŋa Yabali nagikuk. Yabali adi kale gitnemdi yot mamaŋ eŋ kale makau yabudoko kwanai wondiniŋ mebi tububihikuk.

²¹Yabali kwayaŋ wou adi Yubali. Adi adi bai fedifedit, eŋ manaŋ kumbet fedifedit eŋ gita uut tububihikuk. ²²Kaŋ Siladibo mihiwele tiŋa mihi niŋ nagikuk wou Tubali-Kein adi kwanai bomboŋ bolons^e eŋ ain hekidi tutumbaguk, unduŋ doktiŋa Tubali-Keindi bolons eŋ ain hekidi nemenemek tutumbadok mebi tububihikuk. Tubal-Kein wiwi diniŋ wouye Nama.

²³Hatigane nai niŋde Lamek adi tamuŋiyat yeniyehihameenŋ indiiŋ yeniŋguk, “Ada eŋ Sila, hidi magihik kameenŋ medene nadideemek! Tamuneyat, nu’walaŋ kap walem nadidahi tidemek.

“Biyagoŋ hinek, meeniŋdi nutubukadakaune ukut.

“Eŋ mekuyadi nulune ulukumunŋgut.”

²⁴“Kain ulaak adi kibikoŋ kunakunat 7 moŋgolaak eŋ Lamek nu nulaak adi kibikoŋ kunakunat 77, wapumgoŋ hinek moŋgolaak.”

Fiye 4:25-26 Adam’walaŋ mihi Set mintaguk.

²⁵Adam adi kotigoŋ tamuŋiŋgut hatibune mihiwele tiŋa mihi niŋ nagikuk. Kaŋ indiiŋ nadiŋa wou Set youkuk. “Kaindi Abe ukuk doktiŋa aditok kayoŋkoŋ Bepaŋ’walaŋiŋ youli niŋ busuwanamulak.” ²⁶Kaŋ Set adi maŋ undugoŋ mihi niŋ mintamimbune wou Enosi youkuk. Nai uŋaniŋgoŋ hinek metamdi tububihila Wapum gikiŋgoŋ timiŋa wou nintiloŋ niutumbagiŋ.

^d 4:15 Namba 7 adi Bepaŋ’walaŋ mede gineŋ mebinit youkiŋ. Kunakunat 7 adi wapum tiŋa saŋiniŋnit, eŋ nadiune nemek tuwot hinek eŋ didimeniŋ tuluguk. Matyu 18:21-22.

^e 4:22 Bolons adi ain dabugoŋ iŋgoŋ kulakulayeen.

Fiye 5:1-32 Meeniŋ Adam’walaŋiŋ tububihila ulihakagiŋ diniŋ kahat.

5 ¹Yon adi Adam diniŋ yalakiŋiye ulihaka-talabugiŋ diniŋ youkudip. Bepaŋdi Adam tubumintaguk nai uŋaniŋ ne undiniŋgoŋ hinek tubumintaguk. ²Adi adi maaniŋ eŋ taamuniŋ yehitubumintaŋ meeniŋ yeniŋa kahaŋ tiyemguk. ³Kaŋ Adam adi hatitalabulune guletŋiŋ 130 tulune mihiŋiŋ niŋ ne’walaŋ namandap agaŋ ne undiniŋgoŋ hinek mintaguk. Kaŋ wou Set youkuk. ⁴Adam adi Set mintaguk uŋaniŋ tomboyoula gulet 800 hatilune wabiŋiŋ eŋ mihiŋiye noli maŋ mintagiŋ. ⁵Adam adi unduŋ tiŋa hatitalogane guletŋiŋ 930 dapmaune kumuŋguk. ⁶Set adi guletŋiŋ 105 tulune adi’walaŋ mihiŋiŋ Enos mintaguk. ⁷Set adi Enos mintaguk uŋaniŋ tomboyoula gulet 807 hatilune wabiŋiŋ eŋ mihiŋiye noli maŋ mintagiŋ. ⁸Set adi unduŋ tiŋa hatitalogane guletŋiŋ 912 dapmaune kumuŋguk. ⁹Enos adi guletŋiŋ 90 tulune adi’walaŋ mihiŋiŋ Kenan mintaguk. ¹⁰Enos adi Kenan mintaguk uŋaniŋ tomboyoula gulet 815 hatilune wabiŋiŋ eŋ mihiŋiye noli maŋ mintagiŋ. ¹¹Enos adi unduŋ tiŋa hatitalogane guletŋiŋ 905 dapmaune kumuŋguk. ¹²Kenan adi guletŋiŋ 70 tulune adi’walaŋ mihiŋiŋ Mahalale mintaguk. ¹³Kenan adi Mahalale mintaguk uŋaniŋ tomboyoula gulet 840 hatilune wabiŋiŋ eŋ mihiŋiye noli maŋ mintagiŋ. ¹⁴Kenan adi unduŋ tiŋa hatitalogane guletŋiŋ 910 dapmaune kumuŋguk. ¹⁵Mahalale adi guletŋiŋ 65 tulune adi’walaŋ mihiŋiŋ Yalet mintaguk. ¹⁶Mahalale adi Yalet mintaguk uŋaniŋ tomboyoula gulet 830 hatilune wabiŋiŋ eŋ mihiŋiye noli maŋ mintagiŋ. ¹⁷Mahalale adi unduŋ tiŋa hatigane guletŋiŋ 895 dapmaune kumuŋguk. ¹⁸Yalet adi guletŋiŋ 162 tulune adi’walaŋ mihiŋiŋ Inok mintaguk. ¹⁹Yalet adi Inok mintaguk uŋaniŋ tomboyoula gulet 800 hatilune wabiŋiŋ eŋ mihiŋiye noli maŋ mintagiŋ. ²⁰Yalet adi unduŋ tiŋa hatigane guletŋiŋ 962 dapmaune kumuŋguk. ²¹Inok adi guletŋiŋ 65 tulune adi’walaŋiŋ mihiŋiŋ Metusela mintaguk. ²²Inok adi Bepaŋdut kifolok hinek tiŋa hatigumuk. Inok adi Metusela mintaguk uŋaniŋ tomboyoula gulet 300 hatilune wabiŋiŋ eŋ mihiŋiye noli maŋ mintagiŋ. ²³Inok adi unduŋ tiŋa hatilune guletŋiŋ 365 tuguk. ²⁴Adi Bepaŋdut kifolok hinek tiŋa hatigane liwe tuguk. Biyagoŋ kuyon, adi Bepaŋ negoŋ nagikuk. ²⁵Metusela adi guletŋiŋ 187 tulune adi’walaŋiŋ mihiŋiŋ Lamek mintaguk. ²⁶Metusela adi Lamek mintaguk uŋaniŋ tomboyoula guletŋiŋ 782 hatilune wabiŋiŋ eŋ mihiŋiye noli maŋ mintagiŋ. ²⁷Metusela adi unduŋ tiŋa hati ulune gulet 969 tubune kumuŋguk. ²⁸Lamek adi guletŋiŋ 182 tulune adi’walaŋiŋ mihiŋiŋ niŋ mintaguk. ²⁹Mintaune indiiŋ yoŋa wou Noa^f youkuk, “Bepaŋ adi

^f 5:29 Noa mebi Hibulu mede gineŋ adi “niŋkulema”.

kwet haaki timiŋguk kaŋ folofigita kwanai tihatiyane mihi yendi nihitubukwelemawaak!”³⁰ Lamek adi Noa mintaguk uŋaniŋ tomboyoula gulet 595 hatilune wabiŋiŋ eŋ mihiŋiye noli maanŋ mintagiŋ.³¹ Lamek adi unduŋ tiŋa hatigane guletŋiŋ 777 dapmaune kumuŋguk.

³²Noa adi gulet 500 hatilune adi’walaŋ mihiŋiye 3 mintamiŋgiŋ, wouhiye Sem, Ham eŋ Yafet.

Bepaŋdi kwetfoloŋ meeniŋ’walaŋ haatihatihik kaune kadakaguk

6¹Meeniŋdi kwet foloŋ kisaŋ ulihakalune wabihiye maanŋ fe mintagiŋ.² Nai uŋaniŋ Bepaŋ’walaŋ mihiŋiyedi⁸ meeniŋ’walaŋ wabihiye folonamandaphik momohi yabunadigalika tigiŋ. Unduŋ tiŋa yegiŋ e yabusilodagiŋ indigoŋ tuwot taamuhiye yehiŋegiŋ.³ Kaŋ Wapumdi indiiŋ yoguk, “Nu’walaŋ munabutdi meeniŋ foloŋ yagigi mu halaak. Meeniŋ adi kwetdi tutumbagut, adi foloŋ gitnemnit doktiŋa kwet foloŋ hatihatiiŋdi kotigoŋ gulet 120 mu kalakapmewaak.”⁴ Nai uŋaniŋ adi Bepaŋ’walaŋ mihiŋiye adi kwet foloŋ tamdut kiula hatibune meeniŋ kakahi gili hinek mintaanŋ wouhiye gigit loloŋnit hatigiŋ.

⁵Kaŋ nai uŋaniŋ Bepaŋdi kwet foloŋ diweeŋ metam hogohogok tiffiŋle mebimebi kisaŋ tigiŋ yabuguk. Tiŋa welehik ginaŋ nemek hogoli titindok hogok nadisuyagiŋ.⁶ Unduŋ tubune Wapum adi kwet foloŋ meeniŋ maŋgoŋde yehitubumintagut yoŋa nadimulahuda tuguk.⁷ Unduŋ doktiŋa Wapumdi indiiŋ yoguk, “Meeniŋ yehitubumintagut hogohoghok yehitubuliwe tibene liwedapmanŋ tineeŋ. Kwet foloŋ kotigoŋ mu hatineeŋ. Kale eŋ kalenŋgiŋ eŋ baŋi eŋ nemenemek wanakaŋ hogohogk liwedapmaneŋ.” Kaŋ Wapum ne adi maŋgoŋde yehitubumintagut yoŋa welemulap wapum nadiguk.⁸ Noa kubugoŋ adi Bepaŋdi kaune utumba hinek tuguk.

⁹Yoŋ adi Noa’walaŋ mede kahat. Adi kubugoŋdi meeniŋ lekiŋgoŋhik ginaŋ hatiiŋale titiŋ didimeniŋ tuluguk, unduŋ tiŋa Bepaŋdut kifolok hinek tugumuk.¹⁰ Kaŋ adi’walaŋ mihiŋiye 3 wohiye Sem, Ham eŋ Yafet.¹¹ Eŋ meeniŋ noli kwet foloŋ hatigiŋ adi adi Bepaŋ namanda foloŋ kadakaniiŋ kaka tubune kadakaniiŋdi kwet tokidapmanŋ tiŋa hakuk.¹² Unduŋ tubune Bepaŋdi kwet kaune kadaka hinaka tuguk. Tiŋa kwet foloŋ me diniŋ hatihati eŋ titiŋhik kaune fiŋiŋle eŋ giyoŋgiyoŋeeŋ tubudapmaguk.

Fiye 6:13-22 Bepaŋdi Noa Muwagedok Mede Niŋguk.

¹³Unduŋ doktiŋa Bepaŋdi Noa indiiŋ niŋguk, “Nu yadi kwet foloŋ metam’walaŋ nai dapmandok nadikwambundalat. Adi adi kadakaniiŋ

⁸ **6:2** Bepaŋ’walaŋ mihiŋiye—Mede wendiniŋ mebi hinek mintadakale mu tilak doktiŋa nadinadi me hekidi kiyonadi kougoŋ tiŋiŋ. Nolidi adi Bepaŋ’walaŋ aŋelo binek yoŋiŋ. Eŋ nolidi adi mapme fafaŋehi binek yoŋiŋ.

yehitubuliwedapmawaat.” ⁵ Kaŋ Noa adi Wapum’walaŋ manjŋ mede tagimneeŋ undugoŋ tubudapmaguk.

⁶ Noa adi guletjŋ 600 hatilune wahŋkade kwet foloŋ ime gabuŋ wapum buguk. ⁷ Ime gabuŋ wapum agaŋ beene tulune Noa nenee eŋ tamuŋjŋ eŋ mihŋjŋnabu adi wanakaŋ muwage foloŋ lodapmagiŋ. Ime gabuŋ wapumdi mu nihŋjewek yonja unduŋ tigiŋ. ⁸ Unduŋ tulune kale walahi eŋ geŋgeŋhinit eŋ baŋi eŋ miŋgembet, kaleŋgiŋgiŋ, maaniŋ taamuniŋ, ⁹ lufom, lufom, kwet foloŋ itowiŋ hogohogok buŋa Noadut muwage foloŋ logiŋ. Bepaŋdi Noa nindidimeguk wondok tuwot hinek logiŋ.

Fiye 7:10-24 Ime gabuŋ wapum busuwaguk.

¹⁰ Agaŋ melenai 7 hinek-ku dapmalune ime gabuŋ wapum kwet foloŋ busuwaguk. ¹¹ Noa’walaŋ gulet nai 600 wondiniŋ muyakipjŋ 2 wondiniŋ melenai 17 nai uŋaniŋ ime eŋ luhi dombuŋaleeŋ komaŋ duŋaniŋ bediŋa labulune wahŋjŋniŋ ime diniŋ talik taŋakiyeune ¹² gwi sifo miŋ hinek ula halune hadapmo 40 eŋ timiŋ 40 tuguk. ¹³ Kaŋ nai uŋaniŋgoŋ hinek Noa malam eŋ mihŋjiye Sem, Ham tiŋa Yafet eŋ tamuhiye adi wanakaŋ hogohogok muwage giŋaŋ lodapmagiŋ. ¹⁴ Tiŋa kale mimihi eŋ moihi mebimebi tuwolit tuwolit, miŋgembet be kaleŋgiŋgiŋ, mebimebi kwet giŋaŋ itowiiŋ, eŋ baŋi mebimebi papali hinit ¹⁵ lufom, lufom, hogohogok maaniŋ taamuniŋ tuwolit tuwolit adi hogohogok Noadut lodapmagiŋ.

¹⁶ Nemek hatihatinit nemu bikabuŋit. Bepaŋdi Noa nindakaleguk wondok tuwolit lodapmagiŋ. Lodapmalune Wapumdi talik teheŋa talik fofon fakaŋkade youkilitiguk. ¹⁷ Unduŋ tulune ime gabuŋ kakaŋ hinek busuwaune melenai 40 wondok tuwot ime heki adi bediŋa loge loge muwage kwehene tiŋa loune kwet bikabuŋa ime foloŋ folooniŋ loguk. ¹⁸ Kaŋ ime wapuhi kisaŋ bediŋa bateyeŋ kwetkwet kufuladapmaune muwage adi ime foloŋ folooniŋgoŋ uŋat buŋat tihatiguk. ¹⁹ Tiŋa ime heki adi dombuŋaleeŋ loge loge kwebobe kweheyehi yaliwiŋ wanaŋ yehikufuladapmagiŋ. ²⁰ Imedi kweboboe boki 20 fit^m wondok tuwot kalakapmeeŋ loguk. ²¹ Unduŋ tubune kwet foloŋ nemek hatihati hinit liwedapmaguk, baŋi, kale mimihi, kale moihi, kaleŋgiŋgiŋ, miŋgembet heki kwet foloŋ itowagiŋ hogohogok, eŋ meeniŋ wanaŋ kumuŋdapmagiŋ. ²²⁻²³ Kwet foloŋ nemek hatihati hinit hogohogok meeniŋ be kale heki be, kaleŋgiŋgiŋ be, baŋi heki yehitubuliwedapmaguk. Noa eŋ adut muwage maaneŋ hatigiŋ adi hogok biyabuguk. ²⁴ Kaŋ ime wapuhi adi kwet foloŋ dombuŋale looŋ hatune melenai 150 dapmaguk.

Fiye 8:1-14 Ime gabuŋ ulapmaŋ founa kwet silidaguk

8 ¹ Nai uŋaniŋ Bepaŋ adi Noadok nadisuŋale kale heki adut muwage foloŋ hatigiŋ aditok maŋ nadisuguk. Unduŋ tiŋa yobune sububa

^m 7:20 Woŋ adi 7 mita.

wapum fedilune ime wapum adi ulapmaan̄ foguk. ²Kaṅ koom ime heki imembuhum ginaṅniṅ tawahila labugiṅ eṅ kunum ime dobuhep dilitombune foguk u maan̄ Bepaṅdi kamehep tiyembune naṅgale silida tigiṅ. ³Unduṅ tubune kwet foloṅ ime heki adi hahathik ginaṅ kotigoṅ ulapmaan̄ fooṅ hali uune imenṅwan̄ wapum ulapmaan̄ foguk. Melenai 150 hinek-ku dapmaune ulapmaan̄ foguk. ⁴Ulapmaan̄ folu folu muwagedi muyakip 7 wondiniṅ melenai 17, nai uṅoṅ Alalat kweboboeⁿ niṅ foloṅ loṅ ulodiṅa ikuk. ⁵Hatigane ime ulapmaan̄ fofoyeune muyakip 10 wondiniṅ melenai kubugoṅ nai uṅaniṅ kweboboe boki tububihila mintataugiṅ.

⁶Unduṅ tubune melenai 40 dapmaguk kaṅ Noadi yot diwetom diniṅ yeme dilitomuṅa ⁷bagi kalaṅkatak kameune fouguk. Fooṅ wooṅ foloongiṅoṅ woleeṅ uṅambuṅat tiṅa hatilune kwetfoloṅ ime silidaguk. ⁸Kaṅ hatitauyeṅ Noadi butigili niṅ kameune uguk, kwet foloṅ ime agaṅ be silidahinekalak be dedeṅ wondiniṅ mebi nadiwene unduṅ tuguk. ⁹Imedi kougoṅ toki tiṅa hakuk doktiṅa butigilidi woleeṅ uṅat buṅat tige tige ikwele titindok kwet moon̄ lohikaṅ kotigoṅ udaneṅ Noa'walaṅ buguk. Kaṅ Noadi kohoṅ kihiwali butigili nagila muwage maaneṅ dahiguk. ¹⁰Kaṅ kotigoṅ melenai 7 woom hatihatiyeen̄ butigili woṅ negoṅ kameune uguk. ¹¹Nai uṅaniṅ tebele hinek bitigili adi kotigoṅ udaneṅ bene bem oliwa hapmuṅ goṅgoṅ niṅ sikwali tiṅa busuwaguk! Unduṅ tubune Noadi indin̄ nadiguk. Ime agaṅ naṅgadapmaan̄ foune kwet silidalak. ¹²Kaṅ kotigoṅ melenai 7 woom hatihatiyeen̄ butigili niṅbo kameune uguk. Adi adi wooṅ kotigoṅ mu udaneṅ busuwaguk. ¹³Noa'walaṅ gulet nai 601 wondiniṅ muyakip kubugoṅ diniṅ melenai kubugoṅ tulune ime wapum kwet foloṅ hakuk u silidadapmaguk. Kaṅ Noadi muwage diniṅ namakop widikula kaguk. Agaṅ biyagoṅ hinek kwet foloṅ ime agaṅ silidadapmaguk. ¹⁴Kaṅ muyakip 2 wondiniṅ melenai 27 uṅoṅ adi kwet agaṅ siliṅ hakuk.

**Fiye 8:15-22 Noa adi muwage ginaṅniṅ foune
Bepaṅdi mede momoon̄ minguk**

¹⁵Kaṅ Bepaṅdi Noa indin̄ yoṅa niṅguk, ¹⁶“Da eṅ tamge eṅ mihinabugeye hidi muwage maaneṅ bikabuṅa fakaṅ foneṅ. ¹⁷Tiṅa undugoṅ kale be bagi be mingembet eṅ kalaṅgingiṅ heki dukut wanaṅ muwage ginaṅ hatiṅ yeniṅkulune fakaṅ fodapmaneṅ. Tiṅa minta ulihakaṅ kwet tokidapmaneṅ.” ¹⁸Unduṅ yobune Noa eṅ taamuṅiṅ eṅ mihiniṅ nabuṅiye, ¹⁹tiṅa kale hogohogok eṅ bagi eṅ mingembet, kalaṅgingiṅ hogohogok folonamandaphik tuwolit tuwolit muwage maaneṅ bikabuṅa fakaṅ fogiṅ. ²⁰Fakaṅ fodapmaune Noadi Wapumdok kawade moṅgo bopneṅ alata tutumbaṅ kale mimihi eṅ bagi mebimebi

ⁿ 8:4 Taigilis ime dawi adi Alalat kweboboe mebineṅ uṅoṅ sila labuṅa ulak.

yehidaneej bopneenjeale Bepanjdok muni heminguk. ²¹ Kaŋ Wapum adi munduŋ momooŋ nadiŋa weleŋ ginaŋ indiiŋ nadiguk, “Nu kwet foloŋ nemek hatihati hinit u meeniŋ doktiŋa kotigoŋ mu yehitubuliwewaata. Meeniŋ adi wapmihi hatijaŋale welehiŋki nadiŋa kwanai hogoli tomboyoutnit tihatiŋ. Unduŋ doktiŋa nu yadi meeniŋ doktiŋa nemek hatihati hinit kotigoŋ mu yehitubuliwewaata.”

²² Tiŋa indiiŋ tomboyoula yoguk,
 “Kwet diniŋ nai hali lowaak tuwot
 diniyeti eŋ fiyegilaka,
 sububa eŋ kudut,
 mele nai eŋ gwi mulum,
 hele eŋ bufa,
 unduŋ be unduŋ
 tomboyoutnit hali wooŋ halaak.”

Fiye 9:1-17 Bepaŋ adi Noadut kifolok tugumuk.

9 ¹ Kaŋ Bepaŋdi Noa eŋ mihiniye indiiŋ yoŋa kahaŋ tiyemiŋguk, “Hidi minta-ulihaka tiŋa kwet tokidapmaŋ tineeŋ. ² Eŋ kale bagi heki adi adi hiditok munta tiŋa momoyau taneeŋ. Kale hogohogok eŋ bagi heki eŋ kaleŋgiŋgiŋ kwet umeumet tihatiŋ eŋ luhi kale adi wanakaŋ hidi kohohik foloŋ boidapmalat. ³ Tiŋa kudiyuwoi koom nanaŋehik hamgut^o undugoŋ kobuk kale heki hatihatihiniŋit maŋ nanaŋehik hamulat. ⁴ Ingoŋ oŋ, nemek kubugoŋ, kale naŋgatnit adi mu nayaneeŋ!^p Tiŋa indiiŋ nadiŋeŋ. ⁵ Hide’walaŋ naŋgathik diniŋ kibikoŋ adi nagoŋ hinek tibidapmaluwaata. Meeniŋ hatihatihik diniŋ kibikoŋ kale heki foloŋ, be meeniŋ foloŋ, be naŋgat dikihaye foloŋ, u yadi nagoŋ hinek tibidapmaluwaata. ⁶ Meeniŋ adi nebek niŋ’walaŋ folonamandap mooŋ, Bepaŋ na indiniŋgoŋ tubumintaŋit doktiŋa meeniŋ nediyeŋ meeniŋ naŋgat kwatnewaak adi’walaŋ naŋgat adi kibimaŋ meeniŋdigon kwatnedok.^q ⁷ Hidi yadi youlinit tiŋa ulihaka tineeŋ. Tiŋa hidi’walaŋ yalakihiye fe hinek mintaaŋ kwet ikilitineeŋ.”

⁸ Bepaŋdi unduŋ yoŋa Noa eŋ mihiniye indiiŋ yeniŋguk, ⁹ “Nu kamiŋ hide be, bee yalakihiye hidut mede yofolok fafaŋeniŋ tilat. ¹⁰ Tiŋa undugoŋ nemek hatihati hinit hogohogok hidigut muwage ginaŋ bikabuŋa fakaŋ fogiŋ adi maŋ, bagi eŋ kale moihi eŋ kale mimihi hogohogok ¹¹ hiditok wanaŋ yofolok fafaŋeniŋ tilat, doktiŋa ime gabuŋ wapumdi kotigoŋ busuwaŋ kwet foloŋ nemek hatihati hinit eŋ kwet nenee fana kotigoŋ mu tibaak!” ¹²⁻¹³ Tiŋa Bepaŋ adi tomboyoula yoguk, “Nu adi kamiŋ hidi eŋ nemek hatihati hinit

^o 9:3 Genesis 1.29 ^p 9:4 way they drained blood, bec God forbid the blood to the Jews

^q 9:6 Kwanai yoŋ adi Bepaŋdi gapman heki kohohik foloŋ kameguk. Meeniŋ nolidi kaka mu titindok.

hogohogok hiditok yofolok fafaŋeniŋ tilat. Wondiniŋ fekne kwembeke kudi hamap foloŋ i kamelat. Wondi yofolokne diniŋ fek tiliwaak. ¹⁴Nu'walaŋ mane mede tagimneenŋ gwi mulukwaŋ bopneenŋ tiulidokolune nu'walaŋ fek u mulukwaŋ ginaŋ mintaune ¹⁵nu yofolok fafaŋeniŋ tilat wondok nadisuluwaat. Kaŋ ime gabuŋ wapumdi kwet diniŋ nemek hatihati hinit fana kotigoŋ mu tibaak. ¹⁶Tiŋa nu kwembeke kudi uku mulukwaŋ ginaŋ mintaŋ yalaak tuwot kakiyondaanŋ kwet diniŋ nemek hatihati hinit hiditok yofolok fafaŋeniŋ tugut u nadisuluwaat."

¹⁷Bepaŋdi unduŋ yoŋa tomboyoula Noa indinŋ ninguk, "Kwet foloŋ me hidigut yofolok fafaŋeniŋ tugut wondiniŋ fek e kwembeke kudi kamelat uŋakoj hinek."

Fiye 9:18-29 Noa eŋ mihiniye.

¹⁸Yoŋ adi Noa'walaŋ mihiniye muwage maanenŋ bikabuŋa fakaŋ foginŋ adi'walaŋ wouhiye Sem, Ham eŋ Yafet. Ham adi adi Kanaaŋ diniŋ beu. ¹⁹Ala me heki lufomkultinŋ yuku yendi Noa'walaŋ mihiniye hinek. Adi'walaŋ yalakidi ulihakaanŋ mowoŋa kwetkwet tuwot udapmaanŋ hatiinŋ.

²⁰Noa adi dininout molo doktiŋa wain hewe tibibihikuk. ²¹Ala hatigane wain ime tutumbaŋ naguk. Nage nage nadinadinŋ filune tinahukut fiyakula hogok dahakuk. ²²Kaŋ Ham Kanaaŋ diniŋ beudi beu Noa'walaŋ mebi kanadi tiŋa foonŋ wooŋ daliyat mede kahat tiyemiŋguk. ²³Kaŋ Sem eŋ Yafet adi u nadiŋa yegumuk e haule ninŋ tiŋa nili fukufukuŋ yaliŋa haule tiŋa loonŋ kaluaŋhik foloŋ mulaŋa sigisigi behik'walaŋ yot ginaŋ foonŋ behik hambiyek dahakuk u mu kaŋ kufulamiŋgumuk. ²⁴Ala kougoŋ Noa adi wain imedi ulune damo kauleenŋ dahakukdi sukuleenŋ pilali mihidi kudi mu titinŋ timiŋguk wondiniŋ mede kahat nadiŋa indinŋ yoguk, ²⁵"Haakidi Kanaaŋ adi foloŋ lowaak. Kaŋ adi fofonŋit hatiŋa daliyat'walaŋ tipilapilaye kwanai tuluwaak." ²⁶Unduŋ yoŋa indinŋ tomboyoula yoguk, "Wapum Bepaŋnedi Sem kahaŋ timimbaak, tubune Kanaaŋ adi, adi'walaŋ tipilapilaye mihi hatibaak!" ²⁷Unduŋ yoŋa tomboyoula indinŋ yoguk, "Bepaŋnedi Yafet tibilodaune ulihaka tibaak. Unduŋ tiŋa Sem'walaŋ yalakiŋiye dut hatiyaneenŋ, eŋ Kanaaŋ adi adi tipilapilaye tiyemiluwaak."

²⁸Ime gabuŋ wapum dapmaune Noa adi tomboyoula gulet 350 hatiguk. ²⁹Noa adi unduŋ tiŋa hatige hatige guletŋinŋ 950 dapmaune kumuŋguk.

Fiye 10:1 Noa'walaŋ Yalakiŋiye Ulihakaanŋ kwetkwet udapmaginŋ

10 ¹Yoŋ adi Noa mihiniye Sem, Ham eŋ Yafet adi'walaŋ mede kahat. Ime gabuŋ wapum dapmaune mindaŋkade Noa mihiniye'walaŋ mihiwoi mintaginŋ.

Yafet diniŋ youhabet

²Yafet adi'walaŋ mihiniye diniŋ wouhiye habet indinŋ: Gome, Magok, Madai, Yawan, Tubali, Mesek eŋ Tilas. ³Aganŋ Gome'walaŋ mihiniye

diniŋ wouhiye youhabet indinŋ Askenasi, Lifat eŋ Togama. ⁴Aganŋ Yawan mihinjiye'walaŋ wouhiye youhabet indinŋ: Elisa, Tasis, Kitim eŋ Lodanim. ⁵Uŋaniŋ meeniŋ daneenŋ bop molomolom, mede molomolom, nanŋat diki molomolom eŋ wouhik wapum molomolom unduŋ daneenŋ ime luhi gagayenŋ kwet hali ulak uŋandiŋ wooŋ hati tauginŋ. Yafet'walaŋ yalakinjiye adi unduŋ tiginŋ.

Ham diniŋ youhabet

⁶Ham'walaŋ mihinjiye diniŋ wouhiye habet indinŋ: Kus, Misilaim, Put eŋ Kanaanŋ. ⁷Aganŋ Kus'walaŋ yalakinjiye diniŋ wouhiye youhabet indinŋ: Seba, Hawila, Sabta, Lama eŋ Sabteka. Eŋ Lama'walaŋ mihinjiyat lufom adi'walaŋ wouhiyat e indinŋ: Seba eŋ Dedanŋ. ⁸Kus'walaŋ yalakinjinŋ adi Nimlot mintaguk. Adi kuyeŋ kwet foloŋ mapme loloŋit hatihati u tububihikuk. ⁹Eŋ Wapumdi saŋiniŋ mimbuune fafaŋe tiŋa kale kaliŋ yawooŋ kale mohok widihiluguk doktiŋa metamdi me niŋ wou nintilonene indinŋ niyaginŋ, Me Nimlotdi Wapum'walaŋ saŋiniŋ foloŋ kale yakidituguk dabugoŋ hinek eie! ¹⁰Nimlot adi mapme hatigukneŋ yobune tububihila yokwet wapuhi indinŋ mintatauginŋ. Babilon, Elek, eŋ Akat, yokwet wapuhi i hogohogok adi Babiloniya kwetneŋ ila uginŋ. ¹¹Uŋaniŋ Asilia kwetneŋ wooŋ yobune uŋoŋ maanŋ yokwet wapuhi indinŋ mintaginŋ: Niniwe, Lehobot, Kala ¹²eŋ Lesen woondi Niniwe eŋ Kala adi'walaŋ baŋamhik ginaŋ itak. Yokwet wondi wapum hinek tilak. ¹³Aganŋ Misilaim adi'walaŋ yalakinjiye bop hatiinŋ indigoŋ tuwot wouhiye indinŋ hatak. Ludihi, Anamihi, Lehabihi, Nafituhi, ¹⁴Patalusihi, Kafatolihi eŋ Kasiluhi. Adi'walaŋ lekinŋoŋ foloŋ Filisitiahia adi adi ulihaka tiginŋ.

¹⁵Aganŋ Kanaanŋ adi'walaŋ mihi tuwo adi Sidon eŋ adi'walaŋ sigineŋ mintaguk adi Het tiŋa mebop noli indinŋ. ¹⁶Jebusahi, Amolahi, Gilgasahi, ¹⁷Hiwahi, Akahi, Sinihi, ¹⁸Awadahi, Semalahi eŋ Hamatahi. Bop unduŋ mintaginŋ. Unduŋ mintatawooŋ mindanŋkade Kanaan'walaŋ yalakinjiye adi mowoŋa kwetkwet indinŋ hatitauginŋ. ¹⁹Sidon, Gilakade uŋaniŋ eŋ uge uge Gasa kwetneŋ usuwalak. Aganŋ Sodom, Gomola, Adma uŋaniŋ eŋ uge uge Lasa usuwalak unduku hatitauginŋ oŋ.

²⁰Kaŋ yoŋ adi Ham'walaŋ mihinjinŋ lanjiye mintaulihakaanŋ wouhik wapum molomolom, eŋ medehik molomolom, eŋ kwethik molomolom unduŋ daneenŋ mowoŋa hati tauginŋ diniŋ kahat.

Fiy e 10:21-32 Sem Diniŋ Youhabet

²¹Yafet dali biyeninŋ Sem, Ebe'walaŋ yalakinjiye diniŋ dadahik. ²²Sem'walaŋ mihinjiye mintaginŋ adininŋ youhabet: Elam, Asu, Afakisat, Lut eŋ Alam. ²³Alam'walaŋ mihinjiye: Usi, Huli, Gede eŋ Mesak. ²⁴Afakisat adi adi Sela diniŋ beu. Aganŋ Sela adi Ebele diniŋ beu. ²⁵Ebele adi mihinjiyat lufom mintagumuk. Mihinjinŋ niŋ wou Pelek youkuk. Woŋ

adi mebi indin, adi'walaŋ nai ginaŋ kwet wapum daneguk. Eŋ adi'walaŋ kwayaŋ dinin wou adi Yoktam youkuk. ²⁶Yoktam'walaŋ yalakinŋiye indin mintagin. Almoda, Selap, Hasamawe, Yela, ²⁷Hadolam, Usal, Dikla, ²⁸Obal, Abimael, Seba, ²⁹Ofil, Hawila eŋ Yobap. Meheki i hogohogok adi Yoktam'walaŋ mihinŋiye. ³⁰Adi yokwet hatigin adi mele labulabunekade kwet haŋgi haŋgi Mesaniŋ tububihila hatibune uge uge Sefala kwetneŋ dapmalak. ³¹Sem'walaŋ yalakinŋiye adi wouhik wapum molomolom, medehik molomolom unduŋ daneŋ mowoŋa hatitaugin. ³²Noa mihinŋiye'walaŋ yalakihiye unduŋ ulihakaanŋ naŋgat tali molomolom tububihila ugin wondok tuwolit youhabyetafoŋit. Indin hinek mintaguk ime gabuŋ wapum busuwaguk dapmaune sigineŋ meeniŋ bop mohok kwetkwet hatitaugin adi adi'walahi-ku ulihakagin tilak.

Fiye 11:1-9 Wapumdi mede tubufile tuguk

11 ¹Kwetkwet meeniŋ hogohogok medehik kubugoŋ hogok hakuk. Eŋ nemek wouwou u wanakanŋ kubugoŋ halune yonadiyagin. ²Unduŋ tiŋa adi mele labulabunekade uge uge Babiloniya kwetneŋ gutuŋ wapum niŋ tubumintaŋ uŋoŋ yokwet maŋ itougin. ³Tiŋa indin yonadigin. "Ale! Indi namaŋ wene bopneŋ kugaliŋa kudup ginaŋ mohinek hene dakwambundawaak." Ala namaŋ dakwambunda tigin wondi yot mamandok kawadehik tuguk. Eŋ kwet maaneŋniŋ nawaŋ' wondi galikiliti tigin. ⁴Kaŋ yogin. "Ale! indi yokwet wapum niŋ maŋ yot kweheyeŋiŋ niŋ bebeli-bebeliniŋ matalonene yot kiidi kunum wehemilaak. Unduŋ tiŋa wotnenik gigit wapuhi tiŋa kwetkwet mu daneŋ mowoneem." ⁵Unduŋ yoŋa yokwet wapum tububihila magin eŋ yot kweheyeŋiŋ mayagin u Wapumdi kanadi tibene foguk. ⁶Tiŋa Wapumdi yoguk, "Biyagoŋ adi mebop kubugoŋ eŋ medehik maŋ kubugoŋ doktiŋa kwanai i tububihikin. Eŋ nemek titindok yohabet tineŋ u tubumulahuda mu tineŋ. Woŋ adi tomboyoula titalooŋ folooŋ tubumintaneŋ. ⁷Ale! Indi fooŋ medehik tubufile tinene medehik fifile tubune kedem mu nadidakaleneŋ." ⁸Wapum adi unduŋ yoŋa uŋaniŋ yehidaaneune kwetkwet udapmagin. Unduŋ tiŋa yegin e yokwet wapum magin u wabi tigin. ⁹Unduŋ doktiŋa yokwet wiyale mowogin wondiniŋ wou Babile yogin. Inde'walaŋ mede foloŋ e "mede tubufile mintaguk". Wapumdi yokwet uŋoŋ hinekku meeniŋ kwetkwet medehik tubufileyembuune nedigut mede kiyonadi tigin indigoŋ tuwolit molomolom daneŋ kwetkwet mowoŋa udapmagin.

Fiye 11:10-31 Sem'walaŋ yalakinŋiye ulihakagin dinin hebet

¹⁰Yoŋ adi Sem'walaŋ mede kahat tiŋa yalakinŋiye'walaŋ wohiye habet. Sem adi guletŋiŋ 100 tulune adi'walaŋ mihi niŋ mintaguk. Wou

^r 11:3 Woŋ adi kolta dabugoŋ.

Afakisat. Adi adi ime gabuŋ wapum nangakuk uŋaniŋ hatitalolune gulet lufom dapmaune mintaguk. ¹¹Kaŋ Sem adi Afakisat mintaguk uŋaniŋ tomboyoula gulet 500 hatiguk kaŋ wabiŋiŋ mihiŋiye noli maanŋ mintagiŋ.

¹²Kaŋ Afakisat adi guletŋiŋ 35 tubune adi'walaŋ mihiŋiŋ Sela mintaguk. ¹³Kaŋ Afakisat adi Sela mintaguk uŋaniŋ tomboyoula gulet 403 hatibuune wabiŋiŋ mihiŋiye noli maanŋ mintagiŋ. ¹⁴Kaŋ Sela adi guletŋiŋ 30 tulune adi'walaŋ mihiŋiŋ Ebele mintaguk. ¹⁵Kaŋ Sela adi Ebele mintaguk uŋaniŋ tomboyoula gulet 403 hatibuune wabiŋiŋ mihiŋiye noli maanŋ mintagiŋ.

¹⁶Kaŋ Ebele adi guletŋiŋ 34 tulune adi'walaŋ mihiŋiŋ Pelek mintaguk. ¹⁷Kaŋ Ebele adi Pelek mintaguk uŋaniŋ tomboyoula gulet 430 hatibuune wabiŋiŋ mihiŋiye noli maanŋ mintagiŋ.

¹⁸Kaŋ Pelek adi guletŋiŋ 30 tulune adi'walaŋ mihiŋiŋ Leu mintaguk. ¹⁹Kaŋ Pelek adi Leu mintaguk uŋaniŋ tomboyoula gulet 209 hatibuune adi'walaŋ wabiŋiŋ mihiŋiye noli maanŋ mintagiŋ.

²⁰Kaŋ Leu adi guletŋiŋ 32 tulune mihiŋiŋ Seluk mintaguk. ²¹Kaŋ Leu adi Seluk mintaguk uŋaniŋ tomboyoula gulet 207 hatibuune adi'walaŋ wabiŋiŋ mihiŋiye noli maanŋ mintagiŋ.

²²Seluk adi guletŋiŋ 30 tulune adi'walaŋ mihiŋiŋ Naho mintaguk. ²³Kaŋ Seluk adi Naho mintaguk uŋaniŋ tomboyoula gulet 200 hatibuune wabiŋiŋ mihiŋiye noli maanŋ mintagiŋ.

²⁴Naho adi guletŋiŋ 29 tulune adi'walaŋ mihiŋiŋ Tela mintaguk. ²⁵Kaŋ Naho adi Tela mintaguk uŋaniŋ tomboyoula gulet 119 hatibuune adi'walaŋ wabiŋiŋ mihiŋiye noli maanŋ mintagiŋ.

²⁶Kaŋ Tela adi gulet 70 tulune adi'walaŋ mihiŋiŋ indiiŋ mintamiŋiŋiŋ: Abalam, Naho eŋ Halan. ²⁷Yoŋ adi Tela'walaŋ mede kahat. Adi mihiŋiŋiŋ Abalam, Naho eŋ Halan mintagiŋ. Halan'walaŋ mihiŋiŋ Loti mintaguk. ²⁸Halan adi adi beu Tela hogok hatilune Kaldea yoli kwelineŋ Ul yokwetneŋ uŋgoŋ kumuŋguk. ²⁹Kaŋ Abalam dut Naho adi tam yanagikumuk. Abalam adi tamŋiŋ Salai nagikuk, eŋ Naho adi Halan'walaŋ wabiŋiŋ Milika tamŋiŋ nagikuk. Halan adi wabiŋiyat lufom hatigumuk, Milika eŋ Isika. ³⁰Salai adi adi tam kafi, wapmihinit mokit hatiguk.

³¹Kaŋ Tela adi mihiŋiŋ Abalam eŋ laaŋ Loti Halan mihiŋiŋ kuyonŋ eŋ nabuŋiŋ Salai, Abalam'walaŋ tamuŋiŋ, unduŋ yanagila Kanaaŋ kwetneŋ unene Kaldea kwetneŋ Ul yokwet u bikabuŋa talik tububihikiŋ. Uge uge talik lekiŋgoŋ Halan kwetneŋ usuwaaŋ uŋgoŋ itougiŋ. ³²Tela adi gulet 205 hatiŋa Halan kwetneŋ uŋgoŋ kumuŋguk.

Fiye 12:1-9 Bepaŋdi Abalam Kahileeŋ Kutninguk

12 ¹Kaŋ Bepaŋdi Abalam niŋguk, “Du kwake mebi eŋ magemageye eŋ yokekwake biyabudapmaaŋ nuku kwet niŋ ganindakalewit

uŋoŋ wooŋ hatibaaŋ. ²Kaŋ nu kahaŋ tigambene yalakigeye fee mintaulihaka tubune du'walaŋ woho gigitdi hautadapmawaak. Kaŋ du da ye wahu kahaŋ wondiniŋ mebi tibaŋaŋ. ³Nebek niŋdi du gehikahaŋneneŋ adi adi kibi nubo adi yehikahaŋnewaat eŋ nebek niŋdi ganisilone tineŋ adi adi kibi nubo yenisilone tibaat. Tiŋa du'walaŋiŋ kahaŋdi kwetkwet metam wanakaŋ tokidapmayembaak.”

⁴Kaŋ Abalam adi Wapum diniŋ mede tagimneŋ talik tububihila ulune Loti adi takaliŋa wanaŋ noŋgoŋ ugumuk. Abalam adi guletŋiŋ 75 tubune Halan kwet bikabuŋa uguk. ⁵Adi tamuŋiŋ Salai eŋ dali diniŋ mihi Loti eŋ adi'walaŋ tipilapilaye eŋ bombonŋiŋ wanaŋ moŋgolune Kanaaŋ kwetneŋkade uge uge kwet uŋaŋ usuwagiŋ. ⁶Usuwaaŋ dapmaaŋ ugiŋ uge uge Sekem yokwetneŋ usuwagiŋ. Uŋoŋ adi me kwehiwahi'walaŋ bem mungohom^s niŋ dokoniŋgoŋ yobune yatuguk. Nai uŋaniŋ adi Kanaaŋ metam adi kwet wondiniŋ molom hatigiŋ. ⁷Kaŋ Wapumdi Abalam mintamiŋa yoguk, “Biyagoŋ kuyoŋ, kwet yoŋ adi yalakigeye yembaat.” Kaŋ Abalam adi Wapumdi mintamiŋa mede niŋguk doktiŋa kwet uŋgoŋ Wapumdok alata niŋ tuguk. ⁸Tiŋa kotigoŋ kwet haŋgineŋkade looŋ uge uge Betele yokwet mele fofoneŋkade ikuk eŋ Ai yokwet mele labulabuneŋkade ikuk uŋgoŋ houle yot maguk. Tiŋa Abalam adi uŋgoŋ Wapum alata niŋ timiŋa wou nintiloŋ niutumbaguk. ⁹Tiŋa kotigoŋ pilaliŋa Negep kwetneŋkade uguk.

Fiye 12: 10-20 Abalam adi Isip kwetneŋ uguk

¹⁰Kanaaŋ kwet wapumneŋ uŋoŋ mele wapum yalune map wapum mintaguk doktiŋa Abalamdi Isip kwetneŋkade nai muniniŋ hatibene uŋoŋ uguk. ¹¹Ala Isip kwet tubudulaaŋ tamuŋiŋ Salai indiiŋ niŋguk, “Nadilaŋ be? Du adi tam folonamandape momooŋ hinek u nu kaule mu tilat. ¹²Isip me adi gabuŋa indiiŋ yoneŋ, ‘Biyagoŋ hinek, ya tamuŋiŋ ne'walaŋ' yoŋa nulukumuŋ tineŋ eŋ du adi bigabune hatibaaŋ. ¹³Unduŋ doktiŋa indiiŋ yobaŋaŋ, ‘Nu adi adi'walaŋ wiwi' unduŋ yobaŋaŋ kaŋ adi dutok tiŋa nu kedem binabuune hatibaat.” ¹⁴Ala Abalam adi agaŋ Isip kwetneŋ usuaune Isip me adi tam diniŋ folonamandapŋiŋ momooŋ hatibune kagiŋ. ¹⁵Tiŋa Felo'walaŋ^t me wapuhi adi Felo'walaŋ bop ginaŋ hatiŋa tam aditok yogalika kisaŋ tigiŋ. Tiŋa tam u nagila Felo'walaŋ yolineŋ ugiŋ. ¹⁶Kaŋ Felo adi Salai doktiŋa Abalam siloŋ kisaŋ timiŋa, dompa, makau, donki eŋ tipilapilaye metam eŋ kamele fee hinek mintoiguk.

¹⁷Iŋgoŋ oŋ, Wapum adi Abalam tamuŋiŋ Salai doktiŋa Felo meŋimeŋiye yagit folofigita kisaŋ yemiŋguk. ¹⁸Unduŋ tubune

^s **12:6** Bem woŋ adi Inŋlis mede gineŋ “oak” yoiŋ. ^t **12:15** Isiphi'walaŋ mapmehik mintayagiŋ indigoŋ tuwot adi wouhiye Felo yeniyagiŋ.

Felodi Abalam kutnimbune buune indin ninadiguk, “I maŋgoŋ kudi tinamuŋgoŋ? Adi tamune unduŋ maŋgoŋde mu naniŋgoŋ? ¹⁹Adi witne unduŋ maŋgoŋde yobune tam i nutok tibek yoŋa yotnener nagı logut? Pilap hinek tamge nagıla momooŋ tiŋa ul!” ²⁰Unduŋ yoŋa Felodi memikŋiye yeniŋkulune Abalam ne eŋ tamuŋiŋ eŋ bomborŋhik tiulidokoyemiŋa yapmeune kwehite ugiŋ.

Fiye 13:1-18 Loti eŋ Abalam mowogumuk

13 ¹Abalam ne eŋ tamuŋiŋ eŋ bomborŋiŋ tiŋa Loti wanaŋ Isip kwetneniŋ udaneŋ buŋa Negep kwetneŋ usuwagiŋ. ²Abalam adi dompa makau tiŋa gol eŋ siliwa fee hinek ilimiŋgiŋ. ³Kaŋ Abalam adi Negeb kwetneniŋ Betele yokwetneŋkade ipilat tita uge uge koom kwaha Betele yokwet eŋ Ai yokwet lekiŋgoŋhik giŋaŋ ne houle yot magukneŋ uŋgoŋ usuwaguk. ⁴Tiŋa biyagoŋ hinek koom kwaha alata tugukneŋ uŋgoŋ Wapum wou nintiloŋ niutumbaguk. ⁵Agan Loti adi maan Abalam dut hatiŋale dompa makauniye fee mintamiŋgiŋ. Eŋ houle yot maan fee ilimiŋguk. ⁶Ala wanawanaŋ itoudok kwetdi tuwolithik mu tuguk. Kalehiye fee ulihakagiŋ doktiŋa kwet kubugoŋ itoudok tuwot mu tuguk. ⁷Unduŋ doktiŋa Abalam’walaŋ kale yabudokoyagiŋ eŋ Loti’walaŋ kale yabudokoyagiŋ heki yeŋ kwet doktiŋa ulitawa ulitawa tubumintagiŋ. Nai uŋaniŋ adi Kanaaŋhi eŋ Pelesihi adi maan kwet uŋgoŋ itouwagiŋ.

⁸Unduŋ doktiŋa Abalamdi Lotidok indin niŋguk, “Indi adi yabet ala inde’walaŋ lekiŋgoŋnik foloŋ be kale yabudokonimiŋ adi’walaŋ lekiŋgoŋ foloŋ ulitawa ulitawa halune tuwot mu tibek. ⁹Ala dauge diween kwet wapum hali ulak u mu be kalaŋ? Ale mowodim. Du ye kohonik kapmadineŋkade wee yobeŋ kaŋ nu kohonik didimeniŋneŋkade wit. Bee du didimeniŋneŋkade wee yobeŋ kaŋ nu ye kapmadineŋkade wit.”

¹⁰Unduŋ yobune Loti dadiyeen diween kaguk Yodan kwet gutuŋ imeniŋ eŋ duhuduhu mohinek hakuk u kaŋ nadiune Wapum’walaŋ bem giminiŋ fiye nabugoŋ hinek tuguk eŋ Isip kwet nabugoŋ hali uyeŋ Sowa yokwet wapumneŋ usuwalak. Woŋ adi Wapumdi Sodom eŋ Gomola yokwet mu yehitubukadakagukneŋ Yodan kwet adi undiniŋku hakuk oŋ. ¹¹Kaŋ Loti adi Yodan kwet gutuŋ u kahileen mele labulabuneŋkade Yodande uguk. Nai uŋaniŋgoŋ hinek me yabet wanaŋ hatiyagumuk u daneen mowogumuk. ¹²Kaŋ Abalam adi Kanaaŋ kwetneŋ uŋgoŋ hatiguk. Eŋ Loti adi kwet gutuneŋ yokwet wapuhi ilawagiŋneŋ lekiŋgoŋhik giŋaŋ houle yotniŋ Sodom yokwet gagayeŋ maan itouluguk. ¹³Nai uŋaniŋ Sodomhi metam adi hogohi hinek. Adi adi kadakaniŋ fuliŋgoŋ tiŋa Wapum sigilulum hinek timiŋgiŋ.

¹⁴Loti adi Abalam bikabuŋa ulune Wapumdi Abalam indin niŋguk. “Du da yataŋneŋ uŋgoŋ yali dauge diweune kwet wohiŋkade eŋ komaanŋkade eŋ mele labulabuneŋkade eŋ foforŋneŋkade wek. ¹⁵Kwet kalaŋ hogohogok

wonj, uyadi du en yalakigeye hiditok hinek hafafañedok yofafañelat. ¹⁶Tiña yalakigeye yehitubuulihakawene kisañ ulihakaune kunakunathik kwet kilabut hatak wondok tuwolit tibaak. Kañ kwet kilabut kunakunatdok tuwot mu tilak doktiña me nediyen kwet kilabut kedem kunalaak adi du'walañ yalakigeye kedem yehikunalaak. Moñ adi moñ. ¹⁷Du pilat tiña kwet koloññij en dabekñij yaliña dapmatawenj. Biyagoñ kuyonj, kwet u dutok gamulat.”

¹⁸Kañ Abalam adi houlenjñ yot wiyali ipilat tita uge uge Hebulon yokwetneñ Mamele adi'walañ bem muñgohom fiye gagayen houlenjñ yot maune ikuk. Tiña ungoñ itouñale Wapumdok alata niñ tutumbaguk.

Abalam adi mik tubudapmaañ buune Melikisedekdi yokahañ timinguk

14 ¹Babiloniya niñ mapme Amalafe, en Elasa niñ mapme Alioko, en Elam niñ mapme Kedo-Laome, en Goim niñ mapme Tidali, ²adi heki yen mapme 5 indijñ dut mindobu tigiñ: Sodom niñ mapme Bela, en Gomola niñ mapme Bilisa, en Adama niñ mapme Sinaba, en Seboim niñ mapme Semebe, en Bela niñ mapme Sowa.⁴ ³Mapme hogohogok adi Sidim kwet gutuneñ mindobu titindok yofolok tiña bopneñij. ⁴Mapme 5 adi gulet 12 wondok tuwot mapme Kedo-Laome'walañ falipmenj hatiña tipilapilaye timingijñ. Ala gulet 13 foloñ sigilulum timingijñ. ⁵Kañ gulet kunakunat 14 foloñ Kedo-Laome en mapme adut hatigiñ adi buña Asitelo-Kalanaim yokwetneñ Lefaim me widihigiñ, uñaniñ buña Ham yokwetneñ Suñim me widihigiñ, uñaniñ buña Kiliatim gutuneñ Emim me widihigiñ. ⁶Uñaniñ buña Seili hañgi foloñ Holite me widihi yahakali tauge uge Elapalañ yokwetneñ kwet fileñ magineñ usuagiñ. ⁷Tiña uñaniñ uge uge Enjmisipa⁷ kwetneñ usuwagiñ. Usuwaañ Amalekhi kwet uñañ hatigiñ u widihiña me Amolihi Hasasoñ-Tama yopmañhi mañ widihigiñ.

⁸Kañ Sodom niñ mapme, Gomola niñ mapme, Adama niñ mapme, Seboim niñ mapme, en Bela niñ mapme adi adi Sidim gutuneñ mik tinene ugiñ. ⁹Usuwañ fukuniñ yakij en fukuniñ adi Elam niñ mapme Kedo-Laome, en Goim niñ mapme Tidali, en Babiloniya niñ mapme Amalafe, en Elasa niñ mapme Alioko adi yakij. Fukuniñ 4 en fukuniñ 5 unduñ yakij. ¹⁰Sidim gutuneñ adi kwet nawañ diniñ bom fee hinek yali ugiñ. Kañ memik heki adi Sodom en Gomolahi mapme widihi yahakaliune momoune memikhiye noli bom ginañ mañ fogij en noli momooñ kwet hañgi hañgi maugij. ¹¹Unduñ tubune memik heki adi Sodom en Gomola yokwetneñ fooñ bomboñ en nanañ moñgodapmaañ maugij. ¹²Unduñ tiña yegiñ e Abalam dali diniñ mihi Loti Sodom yokwetneñ itouluguk nagila bomboññij wanañ moñgola ugiñ.

¹³Me niñ mik ginañ mu kumungukdi wenengeila buña wooñ Hibuluniñ me Abalam mikdiniñ mede kahat timinguk. Nai uñaniñ Abalam adi

^u 14:2 Bela u Sowa diniñ wou niñ. ^v 14:7 Enjmisipa u Kades yokwet diniñ wou niñ

Amolinij me wou Mamele adi'walaŋ mungohom fiye ginan itouluguk. Itouŋa Mamele noliŋiyat Esikola eŋ Aneladut me hekinolit momooŋ tiŋa hatigij.

¹⁴Ala Abalam adi adi mihijij kohon tawadi ibiŋa nagila ugiŋ wondiniŋ mede kahat nadiŋa uŋaniŋgoŋ pilap hinek mewoi ne'walaŋ kayonbop ginan mintagiŋ eŋ mik titindok mebi agan nadiyagiŋ me 318 yanagilune memik yahakaliŋa ugiŋ. Uge uge Dan yokwetneŋkade usuagiŋ. ¹⁵Tiŋa Abalam adi meniye yehidaneer bop bop yapme tauguk. Unduŋ tubudapmaŋ timiŋ me mikŋiye tobogoŋ busuwayemiŋa widihi yahakali tauge uge Hoba yokwetneŋ Damasiko wohiŋkade usuwagiŋ. ¹⁶Usuwaŋ bombon wanakaŋ yolom moŋgodapmaguk. Tiŋa mihijij Loti ne eŋ bombonŋij eŋ tamwoi eŋ metam eŋ bombonhik wanakaŋ moŋgodapmaŋ yehitubuudanedapmaguk.

¹⁷Abalam adi Kedo-Laome eŋ mapme noliŋiye widihi yahakalitawoon udaneer bulune Sodom niŋ mapme adi pilali Sawe gutuŋ wou niŋ Mapme heki'walaŋ gutuŋ, uŋaŋ kimindewene uguk.

¹⁸Kaŋ Mapme Salemnij", Bepaŋ Loloŋit'walaŋ silon hemij diniŋ kwanai me wapum hatiguk, Melikisedekdi Abalamdok belet eŋ wain ime moŋgolimiŋa uguk. ¹⁹Tiŋa kahaŋ timiŋa mede indiŋ yoguk.

"Bepaŋ Loloŋnitdi Abalam kahaŋ timimbaak.

Kunum Kwet tubumintaguk adi kuyoŋ.

²⁰Ala Bepaŋ Loloŋnit nintiloŋ niutumbadok.

Adigoŋ hinek memikgeye kohoge ginan boiguk."

Kaŋ Abalam adi nemek hogohogok ten ginanŋij kubugoŋ kubugoŋdok tuwolit daneer miŋguk.

²¹Unduŋ tulune Sodom niŋ mapme adi Abalam indiŋ yoŋa niŋguk, "Metam adi natok nabeŋ eŋ bombon hogohogok adi dutok tibek."

²²Unduŋ yobune Abalamdibo Sodom mapme indiŋ niŋguk, "Wapum Bepaŋ Loloŋnit hinek, Kunum Kwet Molom adi'walaŋ wou foloŋ yofafajelat. ²³Nu houle tibine tibine tawa be kayon namokop tubukiliti tawaŋij be nemek kambaŋgit kabe u be u nemu hinek moŋgolit. Ti du indiŋ yobaaneŋ, 'Nu Abalam bombon miŋgut kaŋ bombon mohoknit tilak.' ²⁴Unduŋ doktiŋa nu'walaŋkade adi mewoi yanagi ugut adi muni nagiŋ u hogok hatak. Eŋ, me heki nukut ugumun Anela, Esikola eŋ Mamele adi hogokdi nemek tuwolithik moŋgotneer u hogok."

Fiye 15:1-21 Bepaŋdi Abalamdut folofolok tugumuk

15 ¹Kaŋ nai uŋaniŋ Wapumdi yagamadi ginan nabugoŋ mintamiŋa niŋguk, "Abalam du munta mu tibeŋ. Nu adi yahehewege, eŋ kibikoŋ wapum hinek mintagambune wohoge gigit loloŋnit hinek tibaak."

²Abalamdibo indiŋ yoguk, "Wapum Bepaŋ, du maŋgoŋ nambene nanilaŋ? Nu wapmihinenit mokit. Hogok itoulat doktiŋa Eliesa Damasiko

^w 14:18 Salem adi Hibulu mede gineŋ adi 'kulema'.

yopmanij adi nemenemek u kedem yabukahileen moŋgolaak.”³ Unduŋ yoŋa tomboyoula indij yoguk. “Nadilaŋ be? Du wapmihi nemu namuŋguŋ doktiŋa biyagoŋ kuyoŋ, tipilapilayenedi nu’walaŋ kohone diki yabukahilewaak.”

⁴ Unduŋ yolune Wapum’walaŋ mede indij mintamiŋguk, “Adi adi du’walaŋ kohoge diki mu yabukahilewaak. Moon. Da’walaŋ mihige hinek mintawaakdi yabukahilewaak.”⁵ Unduŋ yoŋa fakaŋ nagila fooŋ niŋguk. “Du dadiyeen kunumneŋ dauge diweune loune hinantilamek yabeŋ. U kedem be kunaleŋ?” Tiŋa niŋguk, “Biyagoŋ kuyoŋ, yalakigeye adi wondok tuwolit mintaulihakaneen.”

⁶ Unduŋ yobune Abalamdi Wapum nadisukilitimiŋguk. Unduŋ tubune Bapaŋdi nadiune me didimenij tuguk.

⁷ Tiŋa indij niŋguk, “Biyagoŋ kuyoŋ, Wapum Yaweh hatilat nuku kwet i gambene Ul yokwetneŋ Kaldea kwetnenij ganagila bugut.”

⁸ Ingoŋ oŋ Abalamdi yoguk, “O Wapum Yaweh, nu kwet i kahilewaat u mebi dedij foloŋ nadisukiliwit?”

⁹ Unduŋ yobune niŋguk, “Du wooŋ makau taamuniŋ niŋ guletŋij 3 tuguk eŋ meme taamuniŋ eŋ dompa maaniŋ niŋ gulethik 3 tuguk eŋ bagi bitigilii eŋ bagi mihiniŋ nimaŋ yabuŋa moŋgola buŋa nabeŋ.”

¹⁰ Abalamdi moŋgola buŋa lekiŋgoŋ hinek ulitawaŋ faki fukufukuŋ habiye tauguk. Bagi hogok adigili mu ulitawaguk. ¹¹ Kaŋ kalaŋkatak hekidi buŋa nemek munduŋnit u nanee tubune Abalamdi yahakali tuguk.

¹² Unduŋ tiŋa mele fowe tulune Abalam adi domo kisaŋ nadiŋa dahatune mambip fuliŋgoŋdi kufulaune munta kisaŋ tuguk. ¹³ Unduŋ tulune Wapumdi Abalam indij niŋguk, “Du indij nadifafaŋeweŋ. Yalakigeye adi kwet niŋ aditok gigit mu yoŋit uŋaŋ hogok buŋambu wooŋ hatineen. Tiŋa kwet molohiyedi yehididiŋene tubune tipilapilaye kwanai tiyem hatilune gulet 400 dapmawaak. ¹⁴ Eŋ tipilapilaye kwanai tiyemineen mebop adi adi kibi nubo kibikoŋ wobuyembaat. Eŋ yalakigeye adi adi bomboŋ mohok hinit uneen. ¹⁵ Da adi baha papageye adi’walaŋ hatikwele kwetneŋ fowaŋ. Du hatihinakaŋ gawada hinek tiŋa kumumbune gehiweneneen. ¹⁶ Eŋ yalakigeye adi Amolihi metam’walaŋ kadakaniŋdi maniŋgoŋ mu tokilak dotiŋa uŋgoŋ hatitalolune ulihakahik nai 4 tubune udaneen buneen.”^x

¹⁷ Kaŋ mele founa bufa hinakalune mupmuk kulufe eŋ kamaŋ kudup mabemnit mintaan kale faki fukufukuŋ hakiŋ lekiŋgoŋhik ginaŋ dapmaan uguk. ¹⁸ Mele nai uŋaniŋ Yawehdi indij yoŋa Abalamdt yofolok tugumuk.

“Isip kwet diniŋ imeneniŋ tububihila uge uge Yufeletis ime wapum ginaŋ dapmalak.

^x 15:16 2 Pita 3:9

Biyagoŋ kuyoŋ, kwet u yalakigeye yemdok yokwambundalat.
 19 Kenihi, Kenisihi, eŋ Kadomihi, 20 Hitihi, Pelisihi eŋ Lefaimhi,
 21 Amolihi, Kanaanhi, Gigasahi eŋ Yebusihi
 adi'walaŋ kwetku du'walaŋ yalakigeye yembaat.

Fiye 16:1-16 Abalamdi Haga Tamuŋiŋ Nagikuk

16 ¹Abalam tamuŋiŋ Salai adi kafi hatiŋa wapmihi nemu nagikuk. Ala Isip niŋ tipilapilaye wabiŋiŋ niŋ hatiguk wou Haga. ²Ala Salaidi Abalam indiiŋ niŋguk, “Nadilaŋ be? Bepaŋdi welene kameheune wapmihi mu yanagitat doktiŋa du tipilapilaye wabinedut hatibuune mihi neeŋ tubumintanambaak.” Yobune Abalamdi Salai diniŋ mede nadiguk. ³Ala Abalam adi Kanaaŋ kwetneŋ hatilune gulet 10 dapmaguk nai uŋaniŋ Salai Abalam tamuŋiŋdi Isipniŋ tipilapilaye wabiŋiŋ Haga nagila yohoi Abalamdok mimbuune tamuŋiŋ nagikuk.

⁴Kaŋ Haga adi Abalamdut hatiŋa agaŋ mihiwelenit tuguk. Unduŋ tiŋa agaŋ mihiwelenit tilat yoŋa tam bomboŋgiŋiŋdok nadiune fofonit tuguk.

⁵Unduŋ tubune Salaidi Abalam indiiŋ niŋguk, “Nu meeka tilat yoŋ adi yom du'walaŋ. Biyagoŋ, nagoŋ tipilapilaye wabine gambene tamge unduŋ nagila noŋgoŋ hatigumuk. Kaŋ adi mihiwelenit tilat yoŋa nutok nadinambune fofonit tilak. Unduŋ tubune lekiŋgoŋnik foloŋ mede mintaaŋ hatak u yadi Wapum negoŋ yodapmawaak.”

⁶Unduŋ yobune Abalamdi Salai mede indiiŋ niŋguk, “Tipilapilaye wabi adi adi du kohoge foloŋ hatilak. Ale unduŋ be unduŋ timimbene kedem timimben.” Unduŋ yobune Salaidi Haga kato tiŋa not mu timimbene momoŋ uguk.

⁷Momoŋ ulune Wapum diniŋ aŋelodi kwet fiileŋ Sulu talik gagayeŋ ime dawi itakneŋ uŋoŋ kaguk. ⁸Kaŋ indiiŋ yoŋa ninadiguk, “Haga, Salai diniŋ tipilapilaye wabi, du diŋaniŋ bulaŋ tiŋa diŋandiŋ uluweŋ?”

Adibo yoguk, “Nu tam bomboŋgine Salai kasukuleeŋ momolat.”

⁹Kaŋ Wapum'walaŋ Aŋelodibo niŋguk, “Du kotigoŋ udaneŋ wooŋ tam bomboŋgige'walaŋ falipmeŋ kwelemangoŋ eŋ baigoŋ hatibaaŋ.”

¹⁰Tiŋa Wapum'walaŋ Aŋelodi indiiŋ tomboyoula niŋguk, “Nu yalakigeye yehitubuulihakawene kisaŋ ulihakaune kunakunathik kunatdok baniŋ tineeŋ.”

¹¹Wapum'walaŋ aŋelodi kotigoŋ tomboyoula indiiŋ niŋguk, “Du mihiwelenit hatilaŋ. Ala hatigane mihi niŋ nagilaŋ, nagila wou Ismael yobaŋ. Wapum adi kobulabulayege nadiŋak. ¹²Mihi adi doŋki moiŋ koŋgolondaŋ nabugoŋ hatibaak. Unduŋ tiŋa meeniŋ hogohogok memik tiyembaak. Kaŋ adibo kibimaŋ mik timiyaneŋ. Eŋ kwayaŋye dut itouŋale adut welekubugoŋ mu tineeŋ.”

¹³Wapumdi Haga mede niŋguk doktiŋa mindaŋkade wondok nadisuŋa Wapum wou indiiŋ niŋguk, “Bepaŋ, du'walaŋ namandake foloŋ miŋgoŋ

hatibe nabulaŋ. U biyagoŋ nu hati nabulak adigoŋ hinek kagut.” ¹⁴Unduŋ doktiŋa ime koŋ wondiniŋ wou indiiŋ youkuk: Hatihati molomdi hati nabulak adi’walaŋ ime daawi. Ala ime dawu woŋ adi Kades eŋ Belet lekiŋgoŋhik foloŋ hatak.

¹⁵Ala hatigane Hagadi Abalamdok mihi niŋ nagilimimbune Abalamdi wou Ismael youkuk. ¹⁶Abalam adi agaŋ guletŋiŋ 86 tulune Ismael mintaguk.

Fiye 17:1-8 Bepaŋdi Abalam Wou Kobuli Youkuk

17 ¹Abalam adi guletŋiŋ 99 tulune Wapumdi mintamiŋa indiiŋ niŋguk, “Nu Bepaŋ, Saŋiniŋ Molom. Nu’walaŋ namandatne foloŋ didimeniŋ hatiluwaŋ. ²Kaŋ nu dukut yofolok tiŋa gehitubuulihakawene kisaŋ ulihakawaŋ.”

³Unduŋ yobune Abalam adi mulelem tiŋa namanda kwet foloŋ tubuwopmobula dahakuk. Kaŋ Bepaŋdi indiiŋ niŋguk, ⁴“Nadilaŋ be? Nu dukut yofolokne tilat. Du adi meeniŋ bop mohok adi’walaŋ behik tiŋa hatibaŋ. ⁵Ale du woho Abalam kotigoŋ mu yodok. Adi Abalaham, woho koobuli unduŋ yodok. Biyagoŋ kuyoŋ, nu meeniŋ bop mohok adi’walaŋ behik gapmelat. ⁶Yalakigeye kisaŋ ulihakadok yokwambundawene meeniŋ bop mohok tineeŋ. Tiŋa meeniŋ du’walahi nolidi mapme mintatauneŋ. ⁷Kaŋ du eŋ yalakigeye hidi’walaŋ Bepaŋ hatidok yofolokne tubukwambundawene du eŋ yalakigeye kougoŋ mintatauneŋ indi’walaŋ lekiŋgoŋnik foloŋ hali wooŋ halaak fafaŋeniŋ. ⁸Biyagoŋ kuyoŋ, kwet buŋambu hatilaŋ Kanaŋ kwet wapum i du eŋ yalakigeye hidi moŋgola yabukahileune hiditok gigit hafafaŋedok hambaat. Tiŋa hidi’walaŋ Bepaŋhik tiŋa hatibaat.”

Bepaŋdi Yuda me heki’walaŋ foloohik foloŋ fek dobudok yeniŋguk

⁹Kaŋ Bepaŋdi Abalaham indiiŋ maŋ niŋguk, “Du adi yofolokne u momooŋ hinek kadokoŋ kamehatibaŋ, du eŋ yalakigeye hidi yofolok komi kobuli wanaŋ kame hatineeŋ. ¹⁰Du eŋ yalakigeye hidi yofolokne hatak u gitagaŋ hinek indiiŋ kadokoneeŋ. Mewoi hogohogok hatiŋ hidi sigihik diki foloŋ fek dobudapmaneŋ. ¹¹Fek titiŋ adi sigihik diki gitnem dobuneŋ unduŋ tiŋa feknit tineeŋ. Unduŋ tubune lekiŋgoŋnik foloŋ yofolok mintaguk hatak wondiniŋ fek tibaak. ¹²Hide’walaŋ yalakihiye bop mintatauneŋ tuwot mihihiye mintahalune melenai 8 tubune sigihik diki gitnem dobuyemaneŋ. Hide’walaŋ yohineŋ mintagiŋ be niŋkadehi, eŋ muneŋdi yehituwaneŋ adi’walaŋ maŋ dobuyemaneŋ. ¹³Undugoŋ hinek yohineŋ mintaneŋ be niŋkadehi muneŋdi yehituwaneŋ adi’walaŋ sigihik foloŋ maŋ fek tineeŋ. Yofoloknedi hidi’walaŋ foloohik foloŋ hali wooŋ halaak. ¹⁴Me niŋ adi yofolokne kelekula sigiŋ diki ginaŋ fek mu tiŋa hogok hatibaak adi adi yofolok mede ulihiŋa keleкулune hidi’walaŋ bop bihabuŋa ne hogok hatibaak.”

¹⁵Tiņa Bepañdi tomboyoula Abalaham indin niņguk, “Tamge Salai adi’walaņ wou Salai kotigoņ mu niluwaan adi Salah niluwaan. ¹⁶Nu adi kahaņ timiņa adi’walaņiņ mihi niņ gambaat. Biyagoņ hinek nu Salah kahaņ timimbene adi’walaņiņ meeniņ bop mohok mintaaņ hatineeņ. Eņ metam’walaņ mapmehiye adi adi’walaņiņ mintaneeņ.”

¹⁷Unduņ yobune Abalaham adi namanda kwet foloņ tubuwopmobula gegen indin nadisuguk, “Me niņ adi guletņiņ 100 tubune mihi niņ kedem be mintamimbek? Tiņa Salah adi guletņiņ 90 tugukdi eyaņ niņ kedem be nagilaak?”

¹⁸Abalaham adi unduņ tiņa Bepañ indin niņguk, “Du nadiweņ kaņ Ismaeldi kedem du’walaņ kahaņ ginaņ tuwot mube hatibek ale!”

¹⁹Kaņ Bepañdibo yoguk, “Moon hinek, tamge Salahdi mihi niņ nagilaak, adi’walaņ wou Aisak youlaaņ. Kaņ nubo adut yofolok fafaņeniņ tibene yofolok wondi yalakiņiyedut hali wooņ hatuwaak. ²⁰Eņ Ismaeldok maaņ agaņ nadigamulat. Nadilaņ be? Nu adi kahaņ timimbene yalakiņiye kisaņ ulihakaneeņ. Adi’walaņ yalakiņiye ginaņ mapme 12 mintaneeņ. Tiņa nadimbene mebop mohok tiņa hatibaak. ²¹Iņgoņ oņ, yofolokne adi Aisakdut tubukilitiwaat adi adi Salahdi gulet niņ wohiņ gwelendok nai indiiņeņku nagilaak.”

²²Bepañ adi Abalahamdut mede yonadi unduņ tubudapmaaņ pilale Abalaham bikabuņa loguk.

²³Lolune Abalaham adi mihiņiņ Ismael eņ tipilapilayeņiye yolineņ mintagiņ eņ muneeņdi yehituwagiņ eņ me hogohogok yolineņ hatigiņ u yanagila Bepañdi yodakaleguk u takaliņa me hogohogok sigihik diki gitnem dobuņa fek tiyemguk. ²⁴Abalaham adi guletņiņ 99 tubune ne’walaņ sigiņ diki foloņ fek tuguk. ²⁵Eņ mihiņiņ Ismael adi adi guletņiņ 13 tubune sigiņ diki foloņ fek timiņguk. ²⁶Abalaham dut mihiņiņ Ismael adi melenai uņaņiņgoņ sigihik diki foloņ fek tiņit. ²⁷Eņ tipilapilayeņiye hogohogok eņ ne’walaņ yolineņ mintagiņ be me noli’walaņ muneeņdi yehituwaņit adi melenai kubugoņ uņgoņ sigihik diki foloņ fek tiyemdapmaguk.

Fiye 18:1-15 Bepañ adi Abalaham’walaņkade me nalum uguk

18 ¹Heleņniņ Abalaham adi mele lekiņgoņ tubune mele fafaņeniņgoņ diwelune Mamele’walaņ muņgohom fiye ginaņ houle yotņiņ yeme foloņ itune Wapumdi mintamiņguk. ²Adi ikane dadiyeņ dawi diweune uune me nalum lufomkulitniņ yalune yabuņa boho tuguk. Tiņa pilale wenengeila wooņ yabuguk. Yabuņa namanda kwet foloņ tubuwopmobula indin yoguk, ³“Me Bombongine, du tipilapilaye mege nutok nadinambune utumbalak kaņ mu nalakapmeņ weņ. ⁴Yobene ime tiņa buune kayohik youtela bem yooņneņ uņgoņ fooņ ikweleneņ. ⁵Kaņ nuye wooņ belet kabe niņ tiņa beene nakilitiņa

uneene kanj unerj. Tipilapilayahik kada nu'walaŋ buŋit doktiŋa deti hogok habukabaleeŋ halene unerj.” Yobune adibo yogiŋ, “Kedem ale, yolaŋ undugonj tibeŋ.”

⁶Unduŋ yobune Abalaham adi pilap hinek houle yot maaneŋ foonj Salah indiŋ niŋguk, “Pilap hinek palaua gigit maliŋ lufomkultinŋ gila miŋobuŋa belet heweŋ.”

⁷Unduŋ niŋa Abalaham ne pilap wooŋj makau mihiniŋ kobuli kwelemaŋgoŋ niŋ tubumintaŋj wooŋj tipilapilaye mihi nimbu adi pilap pilap hinek ula dobu heguk. ⁸Kanj Abalahamdi nom tapatŋiŋ eŋ imeniŋ eŋ makau dobu heguk u wanaŋ moŋgola buŋa yemiŋguk. Kanj adi ila nalune Abalaham ne bem yooŋneŋ ungoŋj yamadi yakuk.

⁹Kanj meheki adi indiŋ ninadigiŋ, “Tamge Salah adi danŋonj hatak?” Kanj yoguk, “Adi yot maaneŋ hatak.”

¹⁰Kanj Wapumdiبو yoguk, “Nu gulet wohiŋkade nai indiineŋgoŋ kotigoŋj buŋa gabaat. Nai uŋaniŋj Salah adi eyaŋ niŋ toboŋa ilaak.” Salah adi talik yeme gagayeŋ hebiyali magi kametnadi tuguk. ¹¹Abalaham eŋ Salah adi agaŋj gulet fee hatitalabuŋa agaŋj metam gawadahi tugumuk. Doktiŋa Salah adi wapmihi yanagitdok tuwot mu tuguk. ¹²Unduŋ doktiŋa Salah adi welenj maaneŋ indiŋ nadiŋa gegeguk. “Nu adi foloone agaŋ sipaka tuguk, eŋ bombonjine adi maanŋ agaŋ me gawadaŋj hinek, undihidi doti dediŋj tiŋa mihiwele tiŋa eyaŋ nagilaat?”

¹³Kanj Wapumdi Abalaham ninadiŋa niŋguk, “Salah adi maŋgoŋde indiŋ yoŋa gegelak? Nu agaŋ tam gawadaŋj tugutdi kedem be mihiwele tiŋa eyaŋ nagilaat? ¹⁴Wapum adi nemek wondok be wondok tubumalahuda be tibeŋ? Nu gulet wohiŋkade nai indiineŋgoŋ kotigoŋj udaneŋj baat. Nai uŋaniŋj adi Salah adi mihinit hatibaak.”

¹⁵Unduŋ yobune Salah adi munta tiŋa kamehebiŋa yoguk, “Nu mu gegeŋat.” Inŋonj oŋ, adi yoguk, “Biyagoŋj hinek, du agaŋj gegeŋaŋj.”

Abalahamdi Sodom yokwetdok Bepaŋ nimbulabulayeguk

¹⁶Mewoi adi ikane pilaleŋa Sodom yokwetneŋkade unene ugiŋ. Kanj Abalaham adi talipmeŋ yapmewene wanaŋ ugiŋ. ¹⁷⁻¹⁸Uŋale uŋale Wapum adi welenj indiŋ nadisuguk, “Abalaham'walaŋ yalakiŋiye adi mebop fee hinek eŋ fafaŋehi titindok eŋ adi'walaŋ kahaŋdi kwetkwet meeniŋ hatitawiŋj adi'walaŋkade meŋeŋa tokiyemdok unduŋ yofafaŋegut. Ale nu nemek tibe nadilat u Abalaham maŋgoŋde kamehebi mimbit? ¹⁹Nu biyagaŋj kuyoŋj indiŋ yoŋa kahilegut. Adigoŋj yalakiŋiye eŋ kayoŋbopŋiye adi Wapum nu'walaŋ talik yenindidimeeŋj ungoŋiŋj eŋ didimeŋiŋ hatidok yenindakalewaak. Unduŋ tubune Wapum nu Abalaham nemek timindok gigit niŋgut u folooŋj kedem tubumintawaat.”

²⁰Wapumdi unduŋ yoŋa yoguk, “Sodom eŋ Gomolahi metam adi'walaŋ kadakaniŋj uyadi mulabumuŋj hinek hatak. Unduŋj halune metam

didimehi'walaŋ kobulabulayedi nu'walaŋkade bulak. ²¹Ale nu foon kawit. Adi biyagoŋ kobulabulaye tobune nu'walaŋkade loguk undugoŋ biyagoŋ hinek be tiŋ. Wondiniŋ mebi nadihinakadok nadilat."

²²Kaŋ meyat lufom adi udaneer Sodom yokwetneŋkade ulune Wapum adi Abalahamdut uŋgoŋ muniniŋ yakuk. ²³Kaŋ Abalaham adi Wapum'walaŋ hebeŋ ginaŋ wooŋ yale yoguk, "Du biyagoŋ hinek kube meeniŋ kedehi eŋ kadakahi wanakaŋ yehitubuliwedok yolaŋ? ²⁴Yokwet wondiniŋ maaneŋ meeniŋ didimehi 50 nobu hatibune du aditok tiŋa yokwet u kedem mu be bikabeŋale? ²⁵Ala unduŋ hinek mu tiluwaan. Du meeniŋ didimehi eŋ hogohi wanaŋ yehitubuliweune didimeniŋ eŋ hogohi adi namandap kubugoŋ tideemekneŋ ale unduŋ mu tibeŋ. Du adi kwet wapum yendiniŋ yodapma hatilaŋdi kwanaiŋe didimeniŋgoŋ tibeŋ."

²⁶Kaŋ Wapumdibo yoguk, "Nu Sodom yokwetneŋ meeniŋ didimehi 50 nobu yabit adi aditok tiŋa noli hogohogok wanaŋ biyabit."

²⁷Kaŋ Abalahamdi niŋa yoguk, "Nu adi kwet munamunam eŋ kwam undiniŋdi fiit gigine tiŋa Wapumne, du mede ganilat. ²⁸Meeniŋ didimehi 50 ganilat ala adi'walaniŋ 5 yolohi nobu tibeŋ unduŋ tiŋa 5 heki doktiŋa yokwet wapum maan be tubuliweweŋ?"

Yobune yoguk, "Nu adi 45 yabuŋa yokwet u mu tubukadawit."

²⁹Kaŋ Abalaham adi kotigoŋ tomboyoula indiiŋ yoŋa niŋguk, "Be meeniŋ 40 hogok nobu yabeŋ?"

Adibo yoguk, "Nu 40 aditok tiŋa mu tibit."

³⁰Kaŋ Abalahamdi yoguk, "Nu mede kotigoŋ tomboyoula yobene Wapumne du nadinambune mu kadakawek. Meeniŋ 30 hogok nobu yabeŋ."

Adibo yoguk, "Nu 30 yabuŋa mu tibit."

³¹Kaŋ Abalahamdi yoguk, "Nu Wapumne dukut yonadi titindok gigine tiŋat, meeniŋ 20 hogok nobu yabeŋ?"

Wapumdi yoguk, "Nu 20 yabuŋa yokwet mu tubuliwewit."

³²Kaŋ Abalahamdi yoguk, "O Wapumne, nu nai kubugoŋ hinek tomboyoula yobit doktiŋa mu nadikadakanambeŋ. Meeniŋ 10 hogok nobu yabuŋa dediiŋ tibeŋ?"

Adibo yoguk, "Nu 10 heki doktiŋa yokwet u mu tubukadawit."

³³Wapum adi Abalahamdut mede unduŋ yodapmaan uguk. Kaŋ Abalaham adi yolide udaneer uguk.

Wapumdi Loti wabiŋiŋtam hogok yehitubulodaan Sodom eŋ Gomolahi yehitubuliwedok.

19 ¹Tebele tulune aŋelo yakat adi Sodom yokwetneŋ usuagumuk. Kaŋ Loti adi Sodom yokwet diniŋ gimbiŋaŋ yeme, bop kwetneŋ ila yabugene pilale wooŋ hebehik foloŋ duwokineer mulelem tiyemiŋa yoguk, ²"Bombongineyat, hidi kamiŋ timiŋ tipilapilayehik me nu'walaŋ

yopman loon kayohik youtela ungon itemek. Ala heleune halon haniŋ talik kotigon tomboyoula udemek.”

Adibo yogumuk, “Moon. Indi kamiŋ timiŋ adi fakan yawaliweŋ deitim.”

³Adi unduŋ yobune Lotidi yeniŋgigine tulu tulu fiit yoliner logumuk. Kaŋ yoli tiulidokoyemiŋa belet haguwonit mokit heyembuune nagumuk. ⁴Meyat adi domo mu deitune Sodomhi me wapuhi tiŋa me kuya fee hinekdi buŋa Loti yoli kelemadi yali ⁵Loti indiŋ kutniŋgiŋ, “Kamiŋ timiŋ meyat du’walaŋ yokeneŋ bumuk adi de? Yanagila foune yehitubukadakanim.”

⁶Kaŋ Loti adi fakan fon talik yeme fakankade tehekilitiyemguk. ⁷Tiŋa yoguk, “Notneye, nemek hogoli undiniŋ mu tineŋ. ⁸I nadineŋ, nu’walaŋ wabineyat lufom hatiyamuk adi adi medut mu hatigumuk. Ale nu adi yanagifowene unduŋ be unduŋ tiyemine nadiŋa kedem tiyemineŋ. Kubugon adi meyat lufom adi adi nemek nemu hinek tiyemineŋ. Adi adi agaŋ nu’walaŋ yotneneŋ yanagila yabudokolat.”

⁹Adibo fafaŋegoŋ toŋa yogiŋ, “Du tabaweŋ!” Toŋa niŋgiŋ, “Du adi indi’walaŋ kwetneŋ buŋambu buŋa hatilaŋdi indi kube ninindidimewene yolaŋ. Indi meyat u nemek tiyemdok yomun u kalakapmeeŋ datok tigamunim ala nadiŋa ha yoluwaaŋ.” Adi unduŋ toŋa Loti kohon folon honeŋ hamane tikulaŋa yot yeme ubulagine kutnene tigiŋ.

¹⁰Igon on, meyat lufom yot maaneŋ hakumukdi kohohik kijiwaale Loti hamaneune yot maaneŋ foune talik yeme tehekilitigumuk. ¹¹Unduŋ tiŋa yegumuk e me wapum kuyaniŋ dauhik yehitubusipmakaune talik yeme mu kaŋ lohi tigiŋ.

¹²Kaŋ meyat adi Loti indiŋ niŋgumuk, “Nokeye be yapmageye be mihige wabigeye u yenimbune yokwet i bikabuŋa momoneŋ. ¹³Kaŋ indi yokwet i tubuliwe tidim. Yokwet yendiniŋ kadakaniniŋ doktiŋa kobulabulayedi Wapum’walaŋ losuwaguk. Doktiŋa Wapumdi yokwet i tubuliwedok niniŋkulune bumut.”

¹⁴Kaŋ Loti adi wooŋ wabiŋiŋyat diniŋ me gigit u yemiŋgiŋ adi indiŋ yeniŋguk. “Pilap hinek pilale momon udemek. Wapum adi yokwet i agaŋ tubuliwe tibene tilak.” Meyat adi mede yofiliyaŋ binek tilak yoŋa nadigumuk.

¹⁵Hele miŋiŋ dobulune aŋelo yakatdi Loti gehiŋgehiŋ tomiŋa yogumuk. “Meeniŋ iŋahi’walaŋ kadakaniniŋ doktiŋa kumumbaaneŋ ale pilali tamge eŋ wabigeyat i yanagilune momon uneŋ.”

¹⁶Kaŋ Loti adi nadibediŋa yatulune aŋelo yakat adi Wapumdi Loti hogok kedem hatidok yeniŋguk doktiŋa Loti eŋ tamniŋ eŋ wabiŋiŋyat kohohik folon yehihamaneŋ fougiŋ wooŋ yotkwet gagayeŋ yapmeeŋ ¹⁷niŋdi indiŋ niŋguk, “Du maŋ kadakawaaneŋ ale pilap hinek momon weŋ! Ala uŋale uŋale fambakaneŋ mu diweweŋ, eŋ Yodan gutuneŋ iŋon ikwele mu tibeŋ! Kadakawaaneŋ doktiŋa haŋgi folon momon loweŋ.”

18 Ingon on, Lotidi indin yeninguk, “Bombongineyat, undun moon ale. 19 Hidi tipilapilayahik nu silon tobogon tinamuja nehitubulodamuk. Nu adi hanji folon kedem mu momon lowit. Unon mulabumu wondi neheune kumumbaaten. 20 Nadilan be? Yokwet kuyani gu itakne, ungon nadinambune woon hebihalit.”

21 Adibo ninguk, “Du yolan wondok kedem nadigamulat ale yokwet yolan u mu tubukadawit. 22 Du talipmen ulune nemek nemu tibit ale kedem wenegeila woon yokwet maaney uheben.” Undun doktiya yokwet wondinin wou Sowa^y youkin.

23 Loti adi Sowa yopman usualune nai unaningon mele labusuagak. 24 Kan nai unaningon Wapumdi yodapmaune Sodom en Gomola kawade mindip kudupnit kwaneune gwi nabugon maan 25 kwet gutuney unon yokwet wapmuhi ila ugin en meenin hogohogok en kilihikit be bem yali ugin u wanan daan daliwedapmaguk. 26 Kan Loti tamnin adi adi fambakene diween hakane nai unaningon kawade fafanenin yagila fele n nabugon tiya yakuk.

27 Kan hani Abalaham adi pilaleja woon kwet kwe Wapum heben ginan yaleja mede yonadi tugumukne ungon woon yale 28 Sodom en Gomola ikumuk kwet gutun unandin diweune uune kudige wapum gouyeni hinek loune kaguk.

29 Indin kuyon Bepan adi Yodan gutuney yokwet wapuhi ila ugin u ula hegukne Abalahamdok nadisun Loti folofigita wapum ginanin nagila kamehebiya yokwet hogoli hatiguk u ula heguk.

Fiye 19:30-38 Loti en wabiniyat adi'wala kahat

30 Loti adi Sowa yokwetne hatidok munta tiya wabiniyat yanagila kwet hanji folon loon kawade mage nin ginan itougin. 31 Unon itoungale Mokdi deleen Wene u indin ninguk, “Betnik adi agan me gawadaan hinek. Tiya undigon kwet inon me nemu hatiin ale me nediyen indigut hatina kwetkwet medinin titin u tinimbaak. 32 Ale indi betnik ningiginedene wain ime naan nadibubuyeen dahatune adut deitim, adi'walanin yalaki mintanimdok.”

33 Nai unanin timin behik wain ime mimbune naan nadibubuyeen dahatune mok adi kabup loon beudut deikuk. Ala deila pilali uguk u behikdi kabe nemu nadiguk.

34 Heleune Mokdi Wene ninguk, “Nadilan be nu kwe timin banut deikut. Ale indi kami timin betnik wain ime mindene naan nadinadi tubufilune dubo loon betnikdut deile. Undun tiya indi betnik'walanin yalaki yanagitene indi'wala nangat dikinik dinin youli kaipmug halaak.” 35 Undun yon wabiyat adi nai unanin behik wain ime mimbune

^y 19:22 Sowa mebi adi “kuyani”.

naaj nadibubuyeune Wenedibo loon beudut deikuk. Ala deila pilali uguk uye beudi kabe nemu nadiguk.

³⁶Unduŋ tiŋa Loti wabiŋiyat adi behikdut deila mihiwele tugumuk.
³⁷Ala wabi Mokdi mihiwele tiŋa mihi niŋ nagikuk adi'walaŋ wou Moab youkuk. Adi adi koobuk indinde Moab metam hatiŋ adi'walaŋ dadahik.
³⁸Kaŋke Wenedi undugoŋ mihi niŋ nagikuk. Adi'walaŋ wou Ben-Ami youkuk. Adi adi kobuk indinde Amon metam hatiŋ adi'walaŋ dadahik.

Fiye 20:1-18 Abalaham eŋ Abimelek adi'walaŋ mede

20 ¹Kaŋ Abalaham adi Mamele'walaŋ bem muŋgohom fiye wabiŋa Negeb kwetneŋ Kades eŋ Sulu lekiŋgoŋhik foloŋ Gela yokwet ikukneŋ uŋaŋ hogok buŋambu hatiguk. ²Tiŋa tamŋiŋ Salahdok “witne” yoguk. Kaŋ Gela niŋ mapme Abimelekdi tipilapilaye meŋiŋ niŋ niŋkulune wooŋ Salah nagila adi'walaŋ yolineŋ uguk. ³Unduŋ tubune Bepaŋdi domo ginaŋ Abimelek mintamiŋa indinŋ niŋguk, “Du tam u nagilaŋaŋ doktiŋa kumuŋdok gigit tilaŋ. Maŋgoŋde tam woŋ adi me niŋ'walaŋ.”

⁴Abimelek adi tam wondut nemu hatiguk doktiŋa indinŋ yoguk, “Wapum, du mebop didimehi indi nihitubukadakawene be yolaŋ? ⁵Abalaham adi indinŋ naniŋguk, ‘Adi witne’ eŋ tamdi maŋaŋ yoŋak, ‘Adi witne’. Doktiŋa nu nemek tiŋat wooŋ adi agaŋ walane walaŋiŋ tiŋat. Eŋ kohone maŋaŋ walaŋiŋ.”

⁶Kaŋ Bepaŋdi domo ginaŋ indinŋ niŋguk, “Du nemek u walage walaŋiŋ halune tiŋaŋ u nu maŋaŋ nadilat. Ala woŋ adi nugoŋ honewaŋneŋ yoŋa kamehegamuŋat kaŋ mu kadakaŋaŋ. ⁷Ale indidegoŋ du me u tamuŋiŋ tubuudanemimbeŋ, adi polofet hatilak doktiŋa adi dutok tiŋa ninadi kwanai tibek. Eŋ, du tam u mu tubuudanemimbeŋ adi biyagoŋ hinek da eŋ magemageye hidi adi kumuŋdapmaŋ tineeŋ.”

⁸Kaŋ Abimelek adi haniŋ hinek pilali kwanai kadoko meŋiŋe yehibopneŋ mede u hogohogok yenindapmaune kisaŋ muntagiŋ. ⁹Unduŋ tiŋa Abimelekdi Abalaham nihamaŋeŋ indinŋ ninadiguk, “Du maŋgoŋ tinamguŋ? Nu maŋgoŋ kadakaŋiŋ tigamugut doktiŋa nu eŋ manemaneye indi foloŋ folofigita kamenimiŋaŋ? Du nutok nemek mu titiŋ hinek tinamuguŋ.” ¹⁰Tiŋa tomboyoula Abalaham indinŋ ninadiguk, “Du dedinŋ nadiŋa unduŋ tinamguŋ?”

¹¹Kaŋ Abalahamdibo niŋguk, “Nu indinŋ nadisuŋa nemek u tugut. Me kwet iŋahi adi Bepaŋ gikiŋgoŋ mu timiŋiŋ. Doktiŋa nu tamne doktiŋa nulukumuneeneŋ. ¹²Tiŋa undigoŋ adi adi biyagoŋku witne, batne'walaŋ wabiŋiŋ. Mane'walaŋ wabiŋiŋ mooŋ. Iŋgoŋ oŋ, adi agaŋ tamne tuguk. ¹³Ala Bepaŋdi nanimbune batne yoli bikabuŋa kwet gitipmuŋ ginaŋ bugut nai uŋaniŋ nu indinŋ niŋgut, ‘Yokwet uŋoŋ be uŋoŋ usuwaŋ nu nabukahileŋ indinŋ yoluwaŋ adi adi witne.’ ”

¹⁴Unduŋ yobune Abimelekdi dompa makau eŋ tipilapilaye metam yanagila wooŋ Abalahamdok boimiŋguk. Tiŋa yeguk e tamuŋiŋ Salah

maan tubuudaneminguk. ¹⁵Unduŋ tiŋa Abalaham indinŋ ninguk, “Nadilar be, kwatne namandake foloŋ yuku hali ulak. Ala da uŋoŋ be uŋoŋ hatibene nadiŋa kedem hatiluwaan.”

¹⁶Tiŋa Salah maanŋ indinŋ ninguk, “Nadilar be, magemageyedi nadigambune fowaakneŋ eŋ adi’walaŋ namandahik ginanŋ meekangon hatibaaneŋ yoŋa nu wife siliwa faki wan tausen milat. Kaŋ metamdi nadigambune du yomgenit mokit tilaŋ.”

¹⁷⁻¹⁸Bepaŋ adi Abalaham tamunŋinŋ Salah doktiŋa Abimelek’walaŋ yolineŋ tamwoi hatiginŋ hogohogok meeniŋ ulihaka talik kameheyembune kafi tubudapmaginŋ. Unduŋ doktiŋa Abalaham adi Bepaŋ ninadiune Bepaŋdi Abimelek eŋ tamŋinŋ tiŋa adi’walaŋ tipilapilaye tam heki yalakihiye mintadok talik kotigonŋ dilitomyemguk.

Fiye 21:1-7 Aisak Miintaguk.

21 ¹Kaŋ Wapum adi Salah’walaŋkade me nalum woŋ mede yokiliti timinguk undugonŋ tiŋa tubulodaguk. ²Kaŋ Abalaham adi agaŋ me gawadaŋ hinek tulune Bepaŋ adi nai ninguk uŋgoŋ hinek Salah adi mihiwele tiŋa mihi niŋ nagikuk. ³Kaŋ Abalaham adi Salahdi mihi nagikuk adi’walaŋ wou Aisak youkuk. ⁴Unduŋ tiŋa yeguk e Abalaham adi mihinŋinŋ Aisak mintaŋ hatune melenai 8 dapmaune Bepaŋdi nindidimeguk unduŋ tiŋa mihinŋinŋ’walaŋ folooŋ diki foloŋ Yudah’walaŋ fek dobuguk. ⁵Nai uŋaniŋ Abalaham adi agaŋ guletŋinŋ kunakunat 100 tulune mihinŋinŋ Aisak mintaguk.

⁶Nai uŋaniŋ Salah adi indinŋ yoguk, “Bepaŋ adi mihi nagitdok nehetubulodaune walane ginanŋ nadifo wapum tiŋa gegelat. Ala metam hogohogok mede kahat i nadineeŋ adi maanŋ nukut nadifoneem.” ⁷Tiŋa tomboyoula indinŋ yoguk, “Nediyenŋ Abalaham indinŋ nimbe tuguk ‘Salah adi wapmihi nomyout tiyembaak’? Inŋoŋ oŋ, adi me gawadaŋ hinek tulune nu mihi nagilimingut.”

Fiye 21: 8-21 Abalahamdi Haga eŋ Ismael yeninŋkukuk.

⁸Ala Aisak adi agaŋ bedinaditom tuguk. Bedinaditom tiŋa nom wabiguk, melenai uŋgoŋ hinek Abalaham adi nadifo tiŋa muni hinaŋ wapum tuguk. ⁹Nai uŋaniŋ Ismael dut Aisak adi lopne tugumuk tiŋa Ismaeldi Aisak kisaŋ tilamula kagegeune Salah adi u kaŋ nadiune tuwot mu tuguk. ¹⁰Doktiŋa Abalaham indinŋ ninguk, “Tipilapilaye tam eŋ mihinŋinŋ maanŋ yeninŋkuleŋ. Tipilapilaye tam adi’walaŋ mihi dut nu’walaŋ mihi Aisak adi kougoŋ indi’walaŋ yotkwet be bomboŋnik hogohogok wondok molom mu tideemek.”

¹¹Kaŋ Abalaham adi mede i nadiŋa mihinŋinŋ Ismael doktiŋa nadiune tuwot mu tubune welemulap wapum hinek nadiguk. ¹²Inŋoŋ oŋ Bepaŋ adi Abalaham indinŋ ninguk, “Du mihi eŋ tipilapilaye tam doktiŋa welemulap

kisanj mu nadiwerj. Salahdi mede ube u yolak u kedem nadiwerj. Ala kougong hatigene Aisak'walaŋ yalakinijyedi du'walaŋ woho kame hatineej. ¹³Kaŋ tipilipilaye tam adi'walaŋ mihi maan du'walaŋ yalaki doktiŋa kahaŋ timimbene adi'walaŋ yalakinijye maan mintaulihakaanj mebop fee tineej.”

¹⁴Kaŋ Abalaham adi haniŋ pilaleŋa nanaŋe dumuŋ eŋ ime ye ime tout kale gitnemdi tigiŋ gineŋ giyeminguk, unduŋ tiŋa mihi tiŋalooŋ bobok timiŋa yeniŋkulune ugumuk. Woonj Beasiba kwetnej kwet fiileŋ uŋoŋ nehi hogok nadifiit tiŋa uŋaŋ bo it uŋaŋ bo it tihatigumuk.

¹⁵Ala imehik agaŋ dapgaguk, kaŋ Haga adi mihi bem sisip kabe niŋ yakuk wondiniŋ yooŋ ginaŋ uŋoŋ kameguk. ¹⁶Tiŋa ne wenenŋeila uyeŋ ikuk. Ala woŋ adi tebe mihiniŋ fiyagilune wooŋ malak wondok tuwolit. Adi adi indiŋ nadiŋa unduŋ tuguk. “Nu mihi kamadi ilene daune foloŋ mu kumumbek”, yoŋa unduŋ tuguk. Adi kwatnaŋgoŋ kabe unduŋku uyeŋ ilaŋa maat ila kokuk. Kaŋ mihi adi maan maat wapum kokuk.

¹⁷Kaŋ Bepaŋ adi kunum ginaŋ hatijale mihidi maat kobulabulaye hatuguk u nadiguk. Tiŋa Bepaŋ'walaŋ aŋeloŋiŋdi tam u indiŋ kutiniŋguk, “Haga! Du maŋgoŋ tilaŋ? Du munta mu tibeŋ. Mihi adi dahale maat kolune Bepaŋdi nadilak. ¹⁸Ale du wooŋ tubupilaliŋa kohoŋ foloŋ honeweewj. Biyagoŋ hinek, nu tubulodawene adi'walaŋ yalakinijye adi meeniŋ bop fee mintaneej.”

¹⁹Unduŋ tiŋa Bepaŋdi Haga'walaŋ dawi tubutombune ime bom niŋ kaguk. Kaŋ wooŋ ime tout kale gitnemdi tigiŋ gineŋ gitokiŋa buŋa mihi u miŋguk.

²⁰Unduŋ tiŋa Bepaŋ adi mihi wondut hatiŋa kadokoune mihi u bediguk. Ismael adi kwet fiileŋ hatiŋa bediŋa kidit molo tuguk. ²¹Ala adi unduŋ tiŋa Palan kwet fiileŋ uŋoŋ itoulune miŋdi tamuniŋ Isip kwetneniŋ nagilimiŋguk.

Fiye 21:22-34 Abalaham gut Abimelekdi yofolok tugumuk

²²Nai uŋaniŋ Abimelekdu memikniŋye'walaŋ talitimeŋ Filiko adi Abalaham indiŋ niŋgumuk, “Bepaŋ adi dukut hatibune nemenemek hogohogok tihatilaŋ. ²³Unduŋ doktiŋa du kamiŋ Bepaŋ namanda foloŋ na eŋ wapmihineye eŋ yalakineye yalaŋ niniŋa nilamut mu tuluwaanj, wondok mede yofafaŋewej. Eŋ nu menot momooŋ tigamulugut undugoŋ dubo na eŋ kwet iŋoŋ buŋambu buŋa hatilaŋ doktiŋa meeniŋ kwet iŋoŋ hatiyam indi hogohogok menot tinimuluwaanj.”

²⁴Abalahamdibo yoguk, “Nu unduŋ titindok yofafaŋelat.”

²⁵Unduŋ tiŋa Abalahamdibo Abimelek kwanai meŋiyedi ime bom niŋ kaka yolom tigiŋ wondok Abimelekdi tubuudanemindok yeniŋgigine tuguk. ²⁶Iŋgoŋ oŋ Abimelek adi yoguk, “U nediŋeŋ tuguk nu mu nadilat. Du kom mu naniŋguŋ, nu kamiŋ kubugoŋ nadilat.”

²⁷Kaŋ Abalahamdi kale dompa eŋ makau yanagila buŋa Abimelekdok bopneminguk unduŋ tiŋa meyat lufom adi menot momooŋ hatidok yofolok tugumuk. ²⁸U tubudapmaanŋ Abalahamdi dompa taamuhi momohi hinek 7 yehidaneŋ molomgoŋ boiguk. ²⁹Kaŋ Abimelekdi yabuŋa indiŋ yonadiguk, “Maŋgoŋde dompa taamuhi momohi 7 daneŋ bop molomgoŋ boiŋaŋ?”

³⁰Yobune Abalahamdi indiŋ yoguk, “Dompa taamuhi 7 boiŋat yoŋ adi du kedem yabukahileŋ metam bop giŋaŋ ime bom yoŋ adi Abalaham negoŋ hinek weneguk unduŋ yodakaleweŋ.”

³¹Me wapuhiyat lufom adi unduŋ yoŋa menothik mu wiyatdok yofolok fafaŋeniŋ tugumuk. Unduŋ doktiŋa yokwet wondiniŋ wou Beasiba yogiŋ.

³²Beasiba yokwetneŋ mede yofolok tubudapmaanŋ Abimelek eŋ Filiko memik heki'walaŋ talitimenŋ adi udaneŋ Filistihi nehi'walaŋ kwehineŋ ugumuk. ³³Kaŋ Abalaham adi Bepaŋ hatihati fafaŋeniŋ molom adi'walaŋ wou foloŋ bem muŋgohom youli niŋ Beasiba kwetneŋ uŋgoŋ yetiguk. ³⁴Unduŋ tiŋa yeguk e Abalaham adi Filistihi'walaŋ kwehineŋ nai kweheyeniŋ buŋambu itouguk.

Fiye 22: 1-19 Bepaŋ Adi Abalaham'walaŋ nadisukiliti kamekaguk

22 ¹Nemenemek hogohogok u dapmaune Bepaŋ adi Abalaham mebiŋiŋ nadidok niŋkamanda tiŋa yoguk, “Abalaham!”

Adibo yoguk, “Nu yoŋ eeŋ.”

Yobune adibo yoguk, ²“Du mihige kubugoŋ Aisak walagedi hinek kahilelaŋ, adi kuyoŋ Molia kwetneŋ nagila wooŋ kweboboe niŋ ganindidimewitneŋ uŋoŋ nutok muni henambaŋaŋ.”

³Unduŋ niŋguk kaŋ kwet heleune haniŋ hinek Abalaham adi doŋkiŋiŋ foloŋ kumoise kameeŋ kwanai meŋiyat lufom eŋ mihiniŋ Aisak yanagikuk. Tiŋa muni hehendok kudup tuwolit ulitawaŋaŋ moŋgola pilali Bepaŋdi kwet yenindakalegukneŋkade tububihila ugiŋ. ⁴Uge uge melenai lufomkulitniŋ tubune Bepaŋdi kwet yogukneŋ usuwaanŋ Abalaham adi dadiyeŋ Bepaŋdi kwet yoguk hinek u kabe kwatnaaŋgoŋ halune kaguk. ⁵Kaŋ kwanai meyat indiŋ yeniŋguk, “Hidi iŋgoŋ hale donki kadokodemek. Nu ye mihidut gwaŋ wooŋ Bepaŋ niutumbaaŋ ninadi kwanai tiŋa bu habudim.”

⁶Unduŋ yoŋa Abalaham adi muni hehendok kudup sibi tiŋaloŋ mihiniŋ Aisak foloŋ kameguk. Tiŋa ne ye kudupdelet eŋ tahak moŋgokuk. Unduŋ tiŋa noŋgoŋ ugumuk. ⁷Uŋale uŋale Aisakdi beu Abalaham niŋguk. “Mebaŋ?”

Unduŋ yobune beudibo yoguk, “Woe, mihine nu yoŋ.”

Aisakdibo yoguk, “Kudupdelet eŋ kaipmuŋ agaŋ moŋgo bamut. Iŋgoŋ oŋ, muni hehendok dompa mihiniŋ diŋak?”

⁸Abalahamdibo yoguk, “Bepaŋ ne kougoŋ dompa muni hehendok niŋ tiulidokonimbek.” Unduŋ yoŋa wanaŋ ugumuk.

⁹Uyer Bepañdi kwet yeningukneŋ ungoŋ usuwaan Abalahamdi alata niŋ tutumbaguk. Tubudapmaan kudup alata foloŋ habiyeen mihiniŋ Aisak ibidokooŋ tiŋa looŋ alata foloŋ kudup ginaŋ kameguk. ¹⁰Unduŋ tiŋa mihiniŋ ulene kohoŋ kihiwale tahak honeguk. ¹¹Ingoŋ oŋ, Wapum'walaŋ aŋeloŋinŋdi kunum foloŋ hatiŋa indiŋ kutiniŋguk, "Abalaham! Abalaham!"

Adibo yoguk, "Nu yoŋ een."

¹²Yobune adibo yoguk, "Du kohoge mihi foloŋ mu kameweŋ. Eŋ nemek nemu timimber. Nu kamiŋ du'walaŋ mebiga agan nadilat. Du biyagoŋ hinek Bepañ gikiŋgoŋ timilaŋ. Tiŋa yeŋaŋ e, mihige kubugoŋ hinek e nutok muni henamdok mooŋ yoŋa mu kahileŋaŋ."

¹³Unduŋ yobune Abalaham adi fakaleeŋ diweeŋ dompa maaniŋ niŋ kelevu ye bem kabe kikiŋnit ginaŋ geyam tiŋa yalune kaguk. Abalaham adi u kaŋ wooŋ dompa maaniŋ u ula buŋa mihiniŋdok kibikooŋ dompadi muni heguk. ¹⁴Unduŋ doktiŋa Abalahamdi kwet wondiŋiŋ wou "Wapumdi Tiulidokonimbek" yoguk. Kaŋ nai indidegoŋ adi indiŋ yoŋiŋ "Wapum'walaŋ tuwai foloŋ tiulidokonimbek."

¹⁵Kaŋ Wapum diniŋ aŋelo adi kotigoŋ Abalaham indiŋ kutiniŋguk ¹⁶"Wapumdi yolak, 'Nu na'walaŋ wotnane foloŋ yofafanelat. Du nemek u tiŋa yeŋaŋ e mihige kubugoŋ hinek nutok muni hehendok mooŋ yoŋa kahile mu tiŋaŋaŋ, ¹⁷doktiŋa kibi nubo kahaŋ wapum hinek tigambaat tiŋa yalakigeye yehitubuulihakawene fee hinek kunum foloŋ hinantalamek ikiŋiŋ wondok tuwolot be ime luhi magineŋ kiŋ ikiŋiŋ wondok tuwot ulihakaneŋ. Unduŋ tiŋa yalakigeyedi memikhiye'walaŋ yohikwehik yolom moŋgotneŋ. ¹⁸Eŋ yalakigeye'walaŋ kahaŋdi kwetkwet metam mohok hatitawiŋiŋ adi maŋ yehikahaŋnewaak. Woŋ adi du nu'walaŋ mede tiloloŋ tiŋaŋ doktiŋa folooŋ unduŋ mintawaak.' "

¹⁹Abalaham yamihiniŋtiŋ adi unduŋ tihatigane udaneŋ wooŋ kwanai meŋiyat yabune yohite Beasibade ugiŋ. Wooŋ Abalaham adi Beasiba ungoŋ itouluguk.

Fiye 22:20-23 Naho diniŋ mihiniŋye

²⁰Mindaŋkade Abalaham adi mede kahat indiŋ nadiguk, "Naho tamuniŋ Milika adi maŋ kwayage Nahodok mihiniŋye yanagikuk." ²¹Mihiniŋ tuwo wou Usi. Eŋ kwayaŋ mona wou Busi, eŋ gik Kemuel (adi adi Alam beu) ²²tiŋa hawa Keset, kasok Haso, kandok Pilidasi eŋ kwayahiyat Yitlap tiŋa Betuel. ²³Ala Betuel adi adi Lebeka beu. Milika adi Abalaham kwayaŋ Naho adi'walaŋ mihiniŋye 8 yanagikuk. ²⁴Eŋ tamniŋ noli Leumadi mihiniŋye 4 yanagikuk. Wohiye indiŋ: Teba, Gaham, Tahas eŋ Maaka.

Fiye 23:1-20 Salah kumumbune Abalahamdi wenefuladok kwet faki niŋ tuwaguk.

23 ¹Salah adi guletŋiŋ 127 hatiguk. ²Tiŋa Salah adi Kanaan kwetneŋ Kiliat Aba yokwet wou noli Hebulon yoyagiŋ ungoŋ

hinek hatiŋa kumunguk. Kumumbune Abalaham adi bulaaningon nadiŋa makunum tibene haule yot Salah'walaŋ dabaŋ hakukneŋ foguk.

³Makat kobulabuye tubudapmaanŋ foonŋ uguk. Woonŋ Hitaithi metam indinŋ yeninguk, ⁴“Nu adi hidi'walaŋ kwetneŋ inonŋ buŋa hogok eŋ buŋambu hatilat doktiŋa hidi kwet ninŋ nambune tuwaanŋ dabaŋne tiŋa woonŋ wenefulawit.”

⁵Kaŋ Hitaithi metam adi Abalaham indinŋ ninginŋ, ⁶“Me wapum, i nadiweŋ. Du adi kwet inonŋ Bepaŋ'walaŋ me loloŋnit hatilaŋ doktiŋa indi'walaŋ kwetneŋ inonŋ me weneŋ kwet momoonŋ tutumbaŋit ginaŋ hinek dabaŋge kedem wenefulaweŋ. Indi dutok kwet kamehep mu tigamunim.”

⁷Unduŋ yobune Abalaham adi pilaleŋa Hitaithi metam mulelem tiŋa duwokine tiyemunguk. ⁸Unduŋ tiyemiŋa indinŋ yeninguk, “Hidi dabaŋne kwet inonŋ wenefuladok nadiinŋ doktiŋa hanindakalewene nadiŋeŋ. Hidi kedem be nehitudulodaanŋ Efelon, Soha mihiniŋ nimbune ⁹adi kwetŋinŋ dikineŋ kawade mage wamutom tiginŋ, wou Makpela yoiŋ, tuwaŋinŋ wondok tuwolit dedigoŋdok hinek u kedem namandahik foloŋ nanimbune tuwaanŋ dabaŋne wenewit.”

¹⁰Kaŋ Efelon adi adi unŋonŋ yolineŋ Hitaithi metam feedi buŋa bop wapum tiŋa ikiŋneŋ unŋonŋ ikuk ala mede u nadiŋa pilaleŋa Hitaithi metam namandahik ginaŋ yaleŋa Abalaham indinŋ yonŋ ninguk, ¹¹“Me Wapum, unduŋ moonŋ ale. Yobe nadiweŋ. Biyagoŋ kuyonŋ, notneye hogohogok wanaŋ ila nadilune hewehewe u hogok gamulat eŋ hewehewe ginaŋ kawade mage hatak u maanŋ ganindapmalat ale dabaŋge kedem wenefulaweŋ.”

¹²Abalaham adi kotigoŋ metam kwehiwahi duwokeneyemiŋa ¹³Efelon indinŋ nimbune wanakaŋ nadiginŋ, “U kedem yolaŋ ala kedem be nadinambeŋ? Nu kwetdok tuwaŋinŋ gambene fiit moŋgoleŋ kaŋ nu dabaŋne wenefulawit.”

¹⁴Unduŋ yobune Efelondi Abalaham indinŋ ninguk, ¹⁵“Me Wapum ganimbe nadiweŋ. Kwet faki kabeniŋdok tuwaŋinŋ siliwa muneŋ 400dok tuwolit tilak inŋonŋ wondok male yagigi yodim. Du fiit dabaŋge kedem wenefulaweŋ.”

¹⁶Biyagoŋ kuyonŋ, Abalaham adi adi tuwaŋinŋ diniŋ tuwolit u nadiune tuwot tubune nemek mulabuhi boikaboika tiinŋ foloŋ boikaanŋ, nai unŋaniŋ bomboŋ kibikibi titinŋ diniŋ mede yofafaŋe hakuk wondok tuwolit takaliŋa muneŋ silwa 400 miŋguk.

¹⁷Abalaham adi unduŋ tubune Efelon'walaŋ hewehewe Mamele yokwet mele labulabunenekade Makpela gutuneŋ hakuk eŋ kawade mage eŋ bem heki unŋaŋ yaŋinŋ hogohogok u ¹⁸Hitaithi metam eŋ me nalum buginŋ wanaŋ yali kalune Abalahamdok gigit tubudapmaguk. ¹⁹Biyagoŋ kuyonŋ, Abalaham adi tamuninŋ Salah dabaŋ u Makpela hewehewe ginaŋ kawade

mage ginaŋneŋ wenefulaguk. Makpela hewehewe adi Mamele yokwet wou noli Hebulon yogiŋ woŋ adi guŋandiŋ Kanaaŋ kwetneŋ hakuk. ²⁰Unduŋ tubune Hitaithi metam adi hewehewe eŋ kawade mage u wanaŋ Abalahamdok bikabumimbune adi'walaŋ me weneŋ kwet tuguk.

Fiye 24:1-67 Abalahamdi Aisakdok tam tubumintamiŋguk

24 ¹Abalaham adi gulet fee hatiŋa me gawadaaŋ hinek tuguk. Kaŋ Wapum adi taali mebimebi ginaŋ kahaŋ fee timiŋguk. ²Biyagoŋ kuyonŋ, unduŋ tubune Abalahamdi kwanai meŋiye'walaŋ talitimerjhik yot be kale bomboŋ eŋ nemenemek hogohogok diniŋ kadoko hatiguk, u indiŋ niŋguk, “Du kohoge baane falipmeŋ kameeŋ^z ³Wapum kunum eŋ kwet adi'walaŋ Bepaŋ namanda foloŋ indiŋdok yofafaŋewenŋ. Nu Kanaaŋhi'walaŋ lekiŋgoŋ ginaŋ hatilat adi'walaŋ wabi niŋ nagila mihine mu mimbaaŋ. ⁴Moŋ, du mihinedok tam tubumintawe nadiŋa na'walaŋ mintaminta kwetneŋ eŋ na'walaŋ nangat dikineye hatiineŋ wooŋ adi'walaŋiŋ tam niŋ nagila buune mihine Aisakdi tamuŋiŋ nagilaak.”

⁵Kwanai medibo ninadiguk, “Tam wondi nukut kwet iŋoŋ mu bubundok yobune dediŋ tibaat? Mihige kedem be da'walaŋ yoke mebineŋ nagila waat?”

⁶Unduŋ yobune Abalahamdibo yoguk, “Moŋ hinek yolat. Du mihine kwet uŋoŋ mu nagila waaŋ. ⁷Wapum, kunum diniŋ Bepaŋ, adi kuyeŋ batne'walaŋ kwet eŋ yokwet mebi bikabudok naniŋa nanagilune kwet iŋoŋ bugut. Adi mede yokwambunda hinek tiŋa naniŋguk. Biyagoŋ kuyonŋ, kwet yoŋ adi yalakigeye yembaat. Biyagoŋ kuyonŋ, Wapum adigoŋ mihinedok tam kwet uŋaniŋ tubumintadok aŋeloŋiŋ niŋkulune talitimerŋ tiŋa ganagila waak. ⁸Kaŋ tam adi gahakaliŋa bubundok lakata tubune mede yofolokgedi folooŋnit mokit tibaak. Eŋ mihine adi fiit uŋoŋ mu nagila waaŋ.” ⁹Unduŋ yobune kwanai medi kohoŋ Abalaham baŋ hapmeneŋ kameeŋ yokwambundaguk.

¹⁰Unduŋ tiŋa yeguk e bombonŋiŋiŋ'walaŋ kamele 10 yeheŋeguk eŋ bomboŋ mohok moŋgokuk noli tuwahik loloŋnit moŋgola tiulidokoŋ Alam Nahalaimde uguk. Uge uge yokwet wapum Naho^a uŋgoŋ usuwaguk. ¹¹Usuwaŋ kale kamele heki ime bom niŋ mebiyeŋ yokwet wapum gagayeŋ uŋgoŋ yameune lemila fooŋ ikiŋ. Ala woŋ adi tebele tamwoidi ime gigit yawagiŋ nai ginaŋ usawaŋ yaŋiŋ.

¹²Uŋgoŋ yaŋiŋa ninadi indiŋ tuguk, “O Wapum, bombonŋine Abalaham'walaŋ Bepaŋ, du talik bulat yendiniŋ folooŋ bombonŋine Abalaham siloŋ timimbenŋ. ¹³Ala nu yek ime mebiyeŋ iŋgoŋ yatuwene metam yohiwahi'walaŋ wabihiyedi ime gitnene buneŋ. ¹⁴Kaŋ nu

^z 24:2 Adi mede yofafaŋe titindok talik undugoŋ keleyagiŋ. ^a 24:10 Naho u meeniŋ wou ala adi yokwet niŋ tubumintaŋ ne'walaŋ wou uŋakoŋ youkuk.

wabihem niŋ ime toutge nambune ime nawit unduŋ nimbene nadiŋa adibo yobek, ‘Nawej kaŋ kamelegeye maan ime yembene nanen.’ Unduŋ yobek kaŋ nu indiŋ nadiwit, ‘Biyagoŋ kuyoŋ, wabihem yoŋ e tipilapilaye mege Aisakdok tiulidokoguŋ.’ Unduŋ nadiwit. Eŋ du bombogoŋinedok siloŋ tobogoŋ timilaŋ u maan nadiwit.”

¹⁵Ninadi u mu tubudapmalune Lebeka adi ime toutŋiŋ beemiŋa buguk. Lebeka adi adi Betuel wabiŋiŋ eŋ adi adi Milka diniŋ mihiniŋ, Abalaham kwayaŋ Naho’walaŋ tamuŋiŋ. ¹⁶Wabi woŋ adi folonamandapŋiŋ momooŋ hinek. Me niŋdut hatifile mu tuguk. Adi adi miŋbeudut gitagoŋ hatiguk. Wabi adi fooŋ imeniŋ tout ginaŋ ime gila kotigoŋ labuguk.

¹⁷Labulune kwanai me adi pilap wooŋ niŋguk, “Imege tout namben kaŋ imekabe neeŋ nawit.”

¹⁸Unduŋ nimbune wabidibo yoguk, “Wapumne, kedem naweŋ” yoŋa ime tout tiŋafooŋ kohoŋ foloŋ honeeŋ mimbune naguk.

¹⁹Wabi adi kwanai me ime mimbune naan natoki tuguk kaŋ yoguk, “Kamelegeyedok maan ime giyembene natoki tineŋ.” ²⁰Yoŋa ime diki muwage maliŋ ginaŋ kwatnedapmaan ime kotigoŋ gilene ime foloŋ foguk. Unduŋ tubune kamele hogohogok wanaŋ ime nadapmagiŋ.

²¹Kaŋ kwanaima adi mede kabup yale nemek mintaguk u kanadi tuguk tiŋa nadiune uŋgoŋiŋ hinek tuguk. Tiŋa indiŋ nadisuguk, “Wapum adi kwanaine kahaŋnenambek be mooŋ u nadidakalewit.”

²²Kamele heki ime naan natoki tubune me wondi timembem goldi tutumbagiŋ niŋ eŋ haluntuk maan goldi tutumbagiŋ lufomnikoŋ tuwahik wapum loloŋnit hinek u dihiŋa miŋguk. ²³Tiŋa yoguk, “Du nedi’walaŋ wabi u nanimben. Eŋ indi baha’walaŋ yopman kedem be deitnim?”

²⁴Adibo yoguk, “Nu Betuel wabiŋiŋ. Betuel adi adi Milka eŋ Naho’walaŋ mihihik.”

²⁵Unduŋ yoŋa tomboyoula indiŋ yoguk, “Kamele heki’walaŋ kilihikit eŋ nanaŋe fee itnimiŋ eŋ hidi deitdok yot maan baŋam tuwot hatak.”

²⁶Kaŋ me adi duwokeneeŋ Wapum niutumbaŋ indiŋ ninadiguk, ²⁷“Biyagoŋ kuyoŋ, bombogoŋine Abalaham adi’walaŋ Wapum Bepaŋ adi welekwemanit hatiŋa mede yofolokŋiŋ diniŋ folooŋ bombogoŋine kamehep mu timiŋguk doktiŋa nintiloŋ niutumbadok. Wapum adi didimeniŋgoŋ hinek nanindidimeŋ nanagilune buge buge bombogoŋine’walaŋ naŋgat diki’walaŋ yohineŋ busuwaŋat.”

²⁸Kaŋ wabi adi wenengeila wooŋ miŋ’walaŋ yolineŋ usuwaŋ nemek hogohogok mintaguk wondok mede kahat timiŋguk. ²⁹Kaŋ Lebeka’walaŋ wiwi niŋ hatiguk wou Labandibo me ime foloŋ yakuk kawene wenengeila uguk. ³⁰Woŋ adi indiŋ. Laban adi wiwi’walaŋ timembem eŋ haluntuk goldi tutumbaŋit u yabuguk eŋ medi mede yoguk u wiwidi kahat tuguk u nadiŋa uŋaniŋgoŋ uguk. Me nalum adi adi kameleŋiyedut ime gagayeŋ uŋgoŋ yatune wooŋ kaguk. ³¹Kaŋ niŋguk, “Wapumdi gehikahaŋneguk du

kedem beŋ. Inŋoŋ maŋgoŋde yataŋ? Nu yot agaŋ tiulidokoŋat eŋ kamele hekidi ipilat titindok kwet maan kedem hatak.”

³²Yobune yopmande looŋ me adi kamele heki foloŋ ise heki fiyakuyemulune kamele heki’walaŋ ise eŋ nanaŋehik moŋgola buŋa boiyemiŋiŋ. Tiŋa mewoi adut ugiŋ adi kayohik youtetdok ime maan gila boiyemiŋiŋ. ³³U tubudapmaan mindaŋ nanaŋe boigiŋ. Inŋoŋ e adi indiŋ yoguk, “Nu nanaŋe pilap mu nawit. Timeŋ adi welene ginaŋ mede hatak u hanimbene nadineŋ kaŋ nawit.”

Yobune Labandi yoguk, “Unda kedem ale yobune nadinim.”

³⁴Kaŋ yoguk, “Nu adi Abalaham’walaŋ tipilapilaye me. ³⁵Wapumdi bombogine kahaŋ timiŋguk kaŋ nai indinde adi adi me loloŋnit tuguk. Nemek indiŋ kale mebimebi, makau, silwa eŋ gol, tipilapilaye me eŋ tipilapilaye tam, kamele eŋ doŋki kisaŋ mintoi tuguk.

³⁶Agan bombogine tamuniŋ adi tam gawadaan tuguk inŋoŋ fiit bombogine’walaŋ mihi niŋ nagikuk. Kaŋ Abalaham adi nemenemekniŋ hogohogok u aditok mindapmaguk. ³⁷Tiŋa nu mede yofafaneŋiŋ indiŋ u folooŋ hinek titindok nanifafaneŋguk. ‘Du adi Kanaaŋhi me kwehineŋ hatilat wabihiye adi’walaŋiŋ mihinedok tamuniŋ mu nagilaan. ³⁸Adi baatne’walaŋ yolikwelineŋ eŋ naŋgat dikineye adi’walaŋiŋ mihinedok tam niŋ tubumintawaan.’ ³⁹Kaŋ nu bombogine indiŋ ninadigut, ‘Tam u nukut mu bubundok yobune dedin tibaat.’

⁴⁰“Kaŋ kibi indiŋ naniŋguk, ‘Nu Wapum namanda foloŋ hatilat adi aŋeloŋiŋ niŋkulune dukut hatiŋa gehitubulodaune naŋgat dikineye eŋ batne’walaŋ yolineŋ mihinedok tamuniŋ niŋ kedem tubumintawaan. ⁴¹Du unduŋ tibaan kaŋ mede yofolok diniŋ folooŋ mintaune tuwot tibaak. Be naŋgat dikineye’walaŋ usaune tam mu gamdok yobune yofolokge folooŋnit mokit tubune nadibedi mu tibaan.’

⁴²“Ala nu kamiŋ ime gitnaŋ tiineŋ busuwaan indiŋ yoŋat, ‘O Wapum, bombogine Abalaham’walaŋ Bepaŋ, du kwanai tibe bulat u nehitudulodaweŋ kaŋ folooŋ mintawekdok ganilat. ⁴³Nu ime gagayeŋ yuku yalit ala wabihem niŋ ime gile bek kaŋ nimbit, “Ime toutge namben kaŋ imekabe neeŋ nawit.” ⁴⁴Nu unduŋ nimbene kibikooŋ indiŋ udaneŋ nanimbek, “Naweŋ kaŋ kamelegeye maan giyembe naneŋ.” Biyagoŋ kuyoŋ, unduŋ yobek kaŋ aditegoŋ yobit Wapumdi bomboogine mihiniŋdok tam tiulidokoŋak iŋaakoŋ.’ ”

⁴⁵“Nu walane ginaŋ unduŋ nadisudapmaan yatuwene Lebeka adi ime gilene ime tout beemiŋa ime foloŋ wooŋ ime gilaŋak. Kaŋ nu indiŋ niŋat, ‘Ime nambune nawit.’ ⁴⁶Unduŋ yobene uŋaniŋgoŋ adibo ime tout honeeŋ yoŋak ‘Tiŋa na! Kaŋ kamelegeye maan giyembene naneŋ.’ Unduŋ yobune naŋat kaŋ adi kamele ime yemiŋak.

⁴⁷“Dapmaune ninadiŋat, ‘Du nedi’walaŋ wabiŋiŋ?’ Adibo yoŋak, ‘Nu Betuel wabiŋiŋ eŋ adi adi Naho eŋ Milka’walaŋ mihihik.’ Unduŋ

nanimbune timembem timei foloŋ kameŋat eŋ haluntuk kohoŋ foloŋ dahimiŋat. ⁴⁸Biyagoŋ kuyoŋ, unduŋ tiŋa Wapum bombongoŋine'walaŋ Bepaŋ duwokenemiŋa ninadiŋa niutumbaŋat. Biyagoŋ kuyoŋ, adigoŋ hinek bombongoŋine'walaŋ kwayaŋ diniŋ laaŋ, Abalaham'walaŋ mihinjidok tam nagitdok talik didimeniŋ hinek nanagila buguk. ⁴⁹Agan hidibo nanineŋ. Hidi bombongoŋine wele kwelema timiŋa wele nadifo tubumintamineŋ, be dedin? Moŋ kaŋ u maŋ nanineŋ kaŋ nu tali nolibo kelen kawit."

⁵⁰Unduŋ yobune Laban eŋ Betuel adi indiŋ niŋgumuk, "Nemek yoŋ adi Wapum'walaŋiŋ doktiŋa indi mede unduŋ be unduŋ kedem be kadakanieŋ u tuwot mu yodim. ⁵¹Lebeka adi agaŋ du'walaŋ habake ginaŋ yatak. Ale kedem nagila uune bombongige'walaŋ mihinjidi tamuniŋ nagilaak. Kaŋ Wapumdi yodakaleguk wondok tuwot hinek tibaak." ⁵²Abalaham tipilapilaye meŋiŋ adi mede u nadiŋa Wapum duwokenemiŋa namanda tubuwopmobaŋa nintiloguk. ⁵³Tiŋa pilaliŋa bombon eŋ nemenemek silwa be goldi tutumbagiŋ eŋ houle dahidahi heki u dihiŋa Lebekadok miŋguk eŋ nemek noli tuwahik lolonit u wiwi eŋ miŋdok silon tiyemguk. ⁵⁴Unduŋ tiŋa ne eŋ mewoi adut bugiŋ adi nanaŋe ime nagiŋ. Nadapmaŋ timiŋ kubugoŋ uŋgoŋ deikiŋ. Haniŋ pilali yoguk, "Agaŋ naniŋkulune talipmeŋ tabe bombongoŋine kawene maawit." ⁵⁵Iŋgoŋ e wiwi eŋ miŋ adibo yogumuk, "Wabi ye iŋgoŋ muniniŋ melenai 10 be yali kedem nipmeŋ uneŋ?" ⁵⁶Kaŋ tipilapilayedibo yeniŋguk, "Hidi mu nihitubukibidaneŋ. Wapumdi nemek nadiŋa bugut agaŋ nehitudulodaŋak ale naniŋkulune talipmeŋ tabe bombongoŋine kawene mawit."

⁵⁷Kaŋ miŋ wiwidibo yogumuk, "Unduŋ ale wabi nebo kutinine buŋa debek yobu kanim." ⁵⁸Yoŋa Lebeka kutnimbune buune ninadigiŋ, "Du me yendut weŋ be?"

Kaŋ adibo yoguk, "Nu agaŋ wit."

⁵⁹Unduŋ yobune adi wiwihik Lebeka kameune uguk. Meeniŋ indiŋdi adut ugiŋ Lebeka'walaŋ tipilapilaye wabi, agaŋ Abalaham'walaŋ tipilapilaye me eŋ mewoi adut ugiŋ. ⁶⁰Kaŋ Lebeka meŋimeŋiye adi Lebeka yokahaŋ timiŋa indiŋ niŋgiŋ, "O witnik, du kedem ulihakawaŋa tiŋa meeniŋ tausen tausen adi'walaŋ meehik tibaaŋ. Eŋ, yalakigeye adi memikhiye dut mindobaŋa yohik kwehik yolom moŋgotneŋ."

⁶¹Unduŋ tiŋa Lebeka eŋ tipilapilayeŋiye adi agaŋ tiulidokooŋ kamelehiŋ foloŋ looŋ Abalaham'walaŋ kwanai me dut ugiŋ. Kwanai me adi Lebeka nagila yokwet bikabaŋa ugiŋ.

⁶²Aisak adi nai uŋaniŋ ime niŋ wou Bea Lahai Loi indi'walaŋ mede foloŋ "Hatihati molomdi hati nabulak," ime wondiniŋ dawineŋ ugukdi ha buguk ala adi adi Negeŋ uŋoŋ itouluguk. ⁶³Ala tebele hogok talik yauhauhaule tibene uguk. Wooŋ dadiyeŋ kamele heki buune yabuguk. ⁶⁴Lebekadi maŋ dadiyeŋ diweŋ Aisak kaguk. Kaŋ kamele bikabaŋa

tatakula foguk. ⁶⁵Tiņa tipilapilaye me ninadiguk. “Hewehewe ginan gu nedigon medi indi nibe bulak.”

Yobune tipilapilaye medi yoguk, “Wonj adi bombongine.” Unduj yobune Lebeke adi nehi’walaņ titiņ unduj houle yanjamunđi tiņa loon namada kufulaguk.

⁶⁶Kaņ tipilapilaye me adi nemenemek tuguk wondiniņ mede kahat u Aisak timiņguk. ⁶⁷Kaņ Aisak adi Lebeke miin Salah’walaņ houle yotneņ nagila loon tamniņ nagila kahileeņ not timiņguk. Unduj tiņa weleņ kwelemaune miindok bulaningon nadi hatiguk u wabiguk.

Fiye 25:1-6 Abalaham wapmihiniye noli

25 ¹Abalaham adi hatigane kotigon tam niņ nagikuk, wou Ketula. ²Kaņ adi mihiniye indin yanagikuk: Simlan, Yoksan, Medan, Midian, Isbak eņ Sua. ³Yoksan’walaņ mihiniyat indin mintamingumuk: Seba eņ Dedan. Kaņ Dedan’walaņ mihiye adi indin mintagin: Asulim, Letusim eņ Leunim. ⁴Midian mihiniye adi indin mintagin: Efa, Efel, Hanok, Abida, eņ Elda. Meeniņ hogohogok yonj adi Ketula’walaņ yalakinije.

⁵Abalaham adi muneen bombonj eņ nemenemek hogohogok halimguk u agaņ mihiniņ Aisakdok mindapmaguk. ⁶Ingon onj adi kaipmunj hatinjele tamunije noli’walaņ mihiwoi adi adi hogok silonj tiyemiņa yeniņkulune Aisak bikabuņa kwet mele labulabunenjkade woonj itowagin.

Abalaham kumunguk.

⁷Abalaham adi guletņin 175 hatiguk. ⁸Adi adi hatige hatige me gawadaaņ hinek tiņa nadifonit kumunguk. Kumunja mamanppapanije kumunjin adut tomboyokuk. ⁹Kumumbune mihiniyat Aisakdut Ismael adi Makpela kawade mage ginanj wenefalagumuk. Kawade mage wonj adi Mamele gagayen Efelon, Soha Hitait niņ mihiniņ’walaņ hewehewe ginanj hakuk. ¹⁰Biyagonj kuyonj, hewehewe wonj e Abalahamdi Hitaithi’walaņ tuwaguk. Unjonj Abalaham eņ taamuņin Salah yehiweneņin. ¹¹Abalaham kumumbune mindanjkade Bepanđi mihiniņ Aisak kahaņ timiņguk. Aisak adi adi ime niņ wou Bea Lahai Loi unjan itouluguk.

Ismael’walaņ yalakinije

¹²Yonj adi Ismael Abalaham mihiniņ Salah’walaņ tipilapilaye tam Haga Isip niņdi Abalahamdok nagikuk adi’walaņ mede kahat.

¹³Ismael mihiniye mintagin indigon tuwot habiyen youkinj. Mihiniņ tuwo wou Nebayot, agaņ Kedal, Adibel, Mibsam ¹⁴eņ Misima, Duma, eņ Masa, ¹⁵Hadad eņ Tema, Yetul, Napis eņ Kedema. ¹⁶Biyagonj kuyonj, meheki u Ismael’walaņ mihiniye ala wouhiye adi yohikwehik eņ houle yothik itouginj wondok tuwolit yoyaginj. Adi meeniņ bop hatitauginj

indigoŋ mapmehiye 12 hatigiŋ. ¹⁷Eŋ Ismael naiŋiŋ diniŋ mebi adi indiŋ. Adi adi hatige hatige guletŋiŋ 137 tubune kumuŋa mamaŋpapaŋiye kumuŋgiŋdut tomboyoukuk. ¹⁸Adi'walaŋ yalakiŋiye adi Hawil eŋ Sulu lekiŋgoŋhik ginaŋ eŋ Isip kwet gagayeŋ ala Asiliya kwetneŋ weene uŋgoŋ uundok biyagoŋ kuyoŋ, naŋgat dikihaye adi'walaŋ kwet gagayeŋ hatiyagiŋ. Ingoŋ menot momoongoŋ mu tiyagiŋ.

Esau Eŋ Yakobo

¹⁹Yoŋ adi Abalaham'walaŋ mihiniŋ Aisak'walaŋ mede kahat. ²⁰Aisak adi guletŋiŋ 40 tubune tamuŋiŋ Lebeka nagikuk. Lebeka adi Betuel wabiŋiŋ. Betuel adi adi Alam niŋ me eŋ Padan Alam kwetneniŋ. Lebeka wiwi adi Laban. Adi adi me Alamniŋ.

²¹Aisak tamuŋiŋ Lebeka adi kafi hatiguk doktiŋa Aisak adi tamuŋiŋ tubulodaŋ Bepaŋ ninadi tuguk. Kaŋ Wapum adi ninadiŋiŋ nadiguk, kaŋ tamuŋiŋ Lebeka adi mihiwele tuguk. ²²Kaŋ ŋakŋak lufom adi meehik welen ginaŋ hali kipaŋkipaŋ tubune nadiŋa indiŋ yoguk, “U maŋgoŋde unduŋ mintanamulak?”

Unduŋ yoŋa Wapum ninadiguk, ²³kaŋ Wapumdibo niŋguk, “Meeniŋ bop wapum lufom du'walaŋ walage maaneŋ hakamuk. Ala meeniŋ bop lufom du'walaŋ maaneŋ hakamuk woŋ adi kougoŋ yehidane titindok. Mebop niŋdi bop niŋ yalakapmeen loloŋnit tineeŋ. Eŋ, biyeninŋdi kwayaŋ tipilpilaye timimbaak.” ²⁴Wapmihi yanagi yanagit nai ginaŋ welen ginaŋneŋ mihi katap yakat hakumuk. ²⁵Mihi tuwo adi folooŋ giminiŋ eŋ dahidahi dumuniŋnit undiniŋ mintaguk, doktiŋa wou Esau youkiŋ. ²⁶Kaŋ kwayaŋ mintaguk, adi adi kohonŋdi Esau'walaŋ kayoŋ yahihiliŋiŋ foloŋ honeŋ hakuk doktiŋa wou Yakobo youkiŋ. Aisak adi guletŋiŋ 60 tulune Lebekadi mihiniŋyat yanagikuk. ²⁷Kaŋ mihiyat adi hatigane bediŋa Esau adi kidit molo tiŋa kale behepneŋ yauyu diniŋ mebi mohinek nadiguk. Unduŋ tiŋa behepneŋ kaka yauluguk. Yakobo adi me kwelemaanŋ ala yopmaŋgoŋ hatiluguk ²⁸Aisak adi behepneŋ kaledok nadigalika tuluguk doktiŋa welenŋdi Esau kahile tuluguk. Eŋ Lebeka adi Yakobo welenŋdi kahile hinek tuguk. ²⁹Heleŋniŋ Yakobo adi hinaŋ hatiguk. Kaŋ Esau adi behepneŋ yaue yaue map kisaŋ nadiŋa busuwaanŋ gweheye tiŋa ³⁰Yakobo indiŋ niŋguk, “Nemek giminiŋ i neeŋ pilap nambune nawe. Nu map kisaŋ hinek nadilat.” Unduŋ doktiŋa wou niŋ Edom yogiŋ.

³¹Kaŋ Yakobodibo yoguk, “Mihi tuwo diniŋ kahaŋ u nutok nambenŋ.”

³²Yobune Esaudibo mede indiŋ tubuudanemiŋguk, “Yakalaŋ! Yoŋ adi map kisaŋ nadiŋa agaŋ kumuŋ tibe tilat. Mihi tuwo diniŋ kahaŋdi maŋgoŋ momooŋ tinambaak?”

³³Ingoŋ oŋ Yakobodi yoguk, “Timeŋ yofolok hinek tinambune gabuŋa.” Yobune agaŋ Esaudi Mihi tuwo diniŋ kahaŋ u Yakobodok titindok yofolok

fafaŋeniŋ tiŋa Jakobodi nemek giminiŋ heguk wondok tuwaŋiŋ miŋguk. ³⁴Kaŋ Yakobo adi Esau belet eŋ kahak giminiŋ heguk u mimbune naguk. Nadapmaanŋ pilale uguk. Esau adi unduŋ tiŋa mihi tuwo diniŋ kahaŋ u sigilulum tuguk.

Fiye 26:1-33 Aisak eŋ Abimelek

26 ¹Hatigane kwet uŋaŋ map wapum kotigoŋ mintaguk. Kom Abalaham hatigukneŋ niŋ mintaguk. Yoŋ adi niŋ. Unduŋ doktiŋa Aisak adi Filistiahi'walaŋ mapme wou Abimelek, Gela yokwetneŋ ituguk adi'walaŋ uguk. ²Kaŋele Wapumdi mintamiŋa yoguk, “Du Isip kwetneŋ mu uluwaanŋ. Kwet niŋ nu ganindidimewitneŋ uŋaŋ wooŋ hatibaanŋ. ³Kwet uŋoŋ buŋambu hatilune nu dukut hatiŋa kahaŋ tigambaat. Biyagoŋ kuyoŋ, kwet u hogohogok adi du eŋ yalakigeye hambaat. Unduŋ tibene baha Abalaham mede yofolok fafaŋeniŋ timiŋgut u folooŋnit tibaak. ⁴Tiŋa yalakigeye yehikahaŋnewene mintaulihaka tubune kunakunathik kunum foloŋ hinantalamek ilawiiŋ wondok tuwolit tibaak. Eŋ yalakigeye'walaŋ kahaŋdi meeniŋ kwetkwet tuwot tokiyembaak. Yalakigeye'walaŋ kahaŋdi kwetkwet metam mohok hatitawiŋ adi maanŋ yehikahaŋnewaak.

⁵Woŋ adi Abalahamdi mede tiloloŋ tinamuguk eŋ yodakalene didimeniŋgoŋ takaliguk, eŋ yofafaŋene eŋ mede yodapmaanŋe eŋ yodokone wanakaŋ hogohogok nadiŋa yahakeleguk doktiŋa unduŋ tibaat.”

⁶Unduŋ doktiŋa Aisak adi Gela uŋoŋ itouguk. ⁷Kaŋ me yokwet uŋahidi tamŋiŋdok ninadigiŋ kaŋ adibo yoguk, “Tam woŋ adi witne.” Lebeka adi folonamandaŋniŋ momooŋ hinek doktiŋa adi tamune yodok munta tuguk. Unduŋ yobene me iŋahidi Lebekadok tiŋa nulukumuŋ tineeneŋ.

⁸Aisak adi uŋaŋ hatigane heleŋniŋ tamuŋiŋ Lebeka toboŋa siŋgoŋgome tuguk. Kaŋ Filistiahi'walaŋ mapme Abimelek adi yoli maaneŋ yali sububa moŋgotdok yot tubutom tigiŋneŋ diweeŋ yabuguk. ⁹Yabuŋa Aisak kutinimbune uune niŋguk, “Lebeka adi tamge yoŋ! Maŋgoŋde adi witne yoguŋ?”

Yobu nadiŋa niŋguk, “Biyagoŋ nu aditok tiŋa nulune kumumbaatneŋ yoŋa muntaanŋ yogut.”

¹⁰Kaŋ Abimelekdi yoguk, “Du nemek mulabumuŋ hinek tinimguŋ. Nu'walaŋ mehinekneye niŋdi tamge tubukadagakambe tuguk binek indi dutok tiŋa yom wapum hekiyanim.”

¹¹Unduŋ yoŋa Abimelekdi meeniŋ hogohogok mede munte indiiŋ yeniŋguk, “Nebek niŋdi me ne be, bee tamuŋiŋ nemek mu titiŋ niŋ tiyembaak adi adi kumuŋ tibaak.”

¹²Aisak adi nanaŋe youli kwet uŋoŋ yetiguk kaŋ gulet wondiniŋ maaneŋgoŋ duhuduhu wapum mintaune moŋgotnaguk. Wapumdi kahaŋ

timimbune unduŋ tuguk. ¹³Me u pilap hinek bomboŋnit tuguk. Eŋ adi'walaŋ bomboŋ tomboyolana feefee tuguk. Kaŋ adi me bomboŋnit tuguk. ¹⁴Biyagoŋ kuyoŋ, adi dompa makau fee hinek eŋ tipilapilayeniyee fee yanagila hatiguk. Unduŋ tubune Filistiahi me adi u kaŋ menot mu timiŋiŋ. ¹⁵Unduŋ tiŋa yegiŋ e ime bom hogohogok beu'walaŋ tipilapilaye medi koom beu Abalaham'walaŋ nai ginaŋ dobugiŋ u Filistiahi medi kwet kilabut walikadahiune tokigiŋ.

¹⁶Tiŋa Abimelekti Aisak indi niŋguk. "Indi binibiŋa weŋ. Du'walaŋ saŋiniŋdi indi nilakapme tilak." ¹⁷Unduŋ doktiŋa Aisak adi yokwet u bikabuŋa Gela gutuneŋ houle yotŋiŋ maŋ uŋoŋ itouluguk. ¹⁸Aisak adi ime bom beu Abalaham'walaŋ nai ginaŋ dobugiŋ u kotigoŋ dilitomtauguk. Beu Abalaham kumumbune Filistiahidi kwet kilabut walikadahiŋa tehegiŋ u wene kikula ime kotigoŋ yehitubumintagiŋ. Unduŋ tiŋa wouhiye koom Beudi yeniŋguk uŋaakoŋ tubukaikaŋ yeniŋguk. ¹⁹Aisak'walaŋ kwanai medi bom niŋ Gela gutuneŋ uŋoŋ dobuŋa ime kwelemaŋ niŋ tubumintagiŋ iŋgoŋ e ²⁰Gelahi'walaŋ kale yabudoko hekidi ime indi'walaŋ yoŋa Aisak kwanai meniŋyedut tosiwe tigiŋ doktiŋa ime u wou Aisakdi Esek^b yoguk. ²¹Unduŋ tubune Aisak kwanai meniŋyedi gigineeŋ ime bom nimaŋ dobugiŋ e wondok maŋ tosiwe tigiŋ. Unduŋ tigiŋ kaŋ wou Sitnah^c youkuk. ²²Kaŋ adi u bikabuŋa wooŋ nimaŋ dobugiŋ nai uŋaniŋ tosiwe mu tigiŋ doktiŋa wou Lehobot youkuk. Woŋ adi mebi indiŋ yoŋa youkuk. Wapumdi kwet iŋoŋ hatidok nadinimilak. Ala kwet iŋoŋ hatiŋa ulihakaneem. ²³Uŋoŋ hatigane Beasibade loguk. ²⁴Timiŋ uŋaniŋ Wapumdi mintamiŋa yoguk, "Nu baha Abalaham'walaŋ Bepaŋ ale munta mu tibeŋ. Nu dukut hinek hatilat. Nu kahaŋ tigambaat tiŋa kwanai mene Abalaham aditok tiŋa yalakigeye yehitubuulihakawaat." ²⁵Unduŋ yoguk kaŋ Aisak adi alata niŋ tutumbaŋ Wapum niutumbaguk. Unduŋ tiŋa houle yotŋiŋ maŋ uŋoŋ itouguk. Kwanai meniŋye adi uŋoŋ ime bom niŋ dobugiŋ. ²⁶Nai ninde mapme Abimelek eŋ noliŋiŋ Ahusat eŋ memikŋiŋye diniŋ talitimenŋ Fikoli adut Gela kwetneniŋ busuwagiŋ. ²⁷Busuaune Aisakdi indiŋ yeniŋguk, "Hidi maŋgande nu'walaŋkade biŋi? Hidi adi not mu tinamuŋa nahakali tubune bugut." ²⁸Adibo yogiŋ, "Indi Wapumdi dukut hatilat u biyagoŋ hinek kaŋ indiŋ yogumun, 'Indi lekiŋgoŋnik foloŋ mede yofolok niŋ tiŋa yokwambundanene halune hatiŋaneem.'" ²⁹Indi du nemek kadakanŋiŋ nemu tigamuŋa mohinek tigamuŋa kwelemaŋgoŋ gapmene buguŋ. Unduŋgoŋ dubo nemek kadaakanŋiŋ nemu tinimbaŋ. Biyagoŋ kuyoŋ, du Wapumdi kahaŋ tigamulak." ³⁰Unduŋ yobune Aisakdi muni hinaŋ tiyembune nanaje ime nagiŋ. ³¹Kwet heleune haniŋ mede yokwambudaŋ yofolok tigiŋ. Unduŋ tiŋa Aisakdi yapmeune yohite kwelemaŋgoŋ ugiŋ.

^b 26:20 Esek mebi adi "tosiwe". ^c 26:21 Sitnah mebi adi "memik".

³²Nai unjaningon Aisak kwanai menjiyedi buŋa ime bom dobugin wondok mede kahat timiŋa indinŋ ninginŋ, “Indi ime tubumintamun.”
³³Yobune ime wondiniŋ wou Siba yoguk. Unduŋ doktiŋa nai indidegon yokwet wou Beasiba^d yoiŋ.

Esaudi Kanaanhi tam yanagikuk.

³⁴Esau adi guletŋin 40 tubune Hitait niŋ wou Beli adi’walaŋ wabi wou Yudit u tamunŋin nagikuk. Tiŋa Hitait niŋ me wou Elon, adi’walaŋ wabiŋin Basema maanŋ nagikuk. ³⁵Tamyat adi’walaŋ titinŋdi Aisakdut Lebeka wele bulaningon tubumintayemgumuk.

Yakobodi Esau’walaŋ kahaŋ kuboneguk

27 ¹Kaŋ Aisak adi hatigane me gawadaŋ tiŋa dawi gweheye hinek tubune nemek kedem mu yabuŋa mihiniŋ biyeniŋ kutniŋa ninguk, “Mihine.” Adibo yoguk, “Nu yoŋ.”

²Aisakdibo yoguk, “Nu agaŋ me gawadaŋ tilat tiŋa kumuŋ naine mu nadilat. ³Unduŋ doktiŋa du kale kaliŋ diniŋ bomboŋ tebe miŋ eŋ mihiniŋ moŋgola behepneŋ wooŋ kale neeŋ utnambeŋ. ⁴Tiŋa kobaŋ na dibek nawe nadilat undiniŋ hinambeŋ kaŋ naanŋke kahaŋ tigamgidibaan kumumbaak.”

⁵Lebeka adi kabup yale magi kametnadi tulune Aisak adi mihiniŋ biyeniŋ dut mede yonadi tugumuk. Agaŋ Esau adi kale kaliŋ behepneŋ uguk. ⁶Kaŋ Lebekadi mihiniŋ Yakobo indinŋ ninguk, “Nadilaŋ be? Nu bahadi dake Esau indinŋ nimbune nadinŋat. ⁷Du kale niŋ tinam buŋa nanaŋe kobaan henambune naanŋke Wapum’walaŋ namanda foloŋ kahaŋ tigamgidibaan kumumbaak. ⁸Ale mihine, yoŋ adi ganindidimewene nadiŋa mede tiloloŋ tibeŋ. ⁹Du indidegon pilap wooŋ meme mihiniŋ maahi lufom moŋgola buŋa nambeŋ, kaŋ nu bahadok nanaŋe kobaan hemimbit. ¹⁰Kaŋ du bahadok timiŋa loweŋ kaŋ naanŋke kahaŋ tigamgidibaan kumumbaak.”

¹¹Yakobodibo miinŋ Lebeka indinŋ ninguk, “Nadiweŋ. Datne Esau adi folooŋ dumuniŋ nit, eŋ nu adi foloone gumoi. ¹²Ala batnedi nobu nehinabek? Tiŋa nadiwek e nu tikamanda timilat unduŋ nehitudumintaanŋ kahaŋ tinamdok wabiŋa haaki tinambek kube.”

¹³Miinŋdibo ninguk, “Mihine. Haaki u biune nutok tibek. Du adi pilap wooŋ nemek ganilat u tibeŋ. Pilap wooŋ moŋgola bu nam!”

¹⁴Unduŋ yobune mihi adi wooŋ moŋgokuk moŋgola buŋa miinŋdok miŋguk, kaŋ miinŋdi nanaŋe kobaan beudi nawe nadilak undiniŋ heeŋ tiulidokomiŋguk. ¹⁵Lebeka adi unduŋ tiŋa mihiniŋ biyeniŋ’walaŋ dahidahi niŋ ne’walaŋ yolineŋ hatuguk u tiŋa mihiniŋ kuyaniŋ Yakobo

^d 26:33 Beasiba mebi adi “Mede yofafaŋe diniŋ ime.”

dahimɨnguk. ¹⁶Miɨŋ adi unduŋ tiŋa kohoŋ eŋ kodi gumoi u meme gitnemdi kufulaguk. ¹⁷Miɨŋ adi unduŋ tiŋa nanaŋe kobaŋ eŋ belet tiulidokoguk u mihiniŋ Yokobo kohoŋ foloŋ boiminguk.

¹⁸Yakobo adi beu'walaŋkade wooŋ yoguk, "Baatne."

Aisakdibo yoguk, "Woe, mihine. Du nedigoŋ?"

¹⁹Yakobodibo beu niŋguk, "Nu Esau mihige biyeniŋ, nu mede yoŋaŋ wondok tuwolit tiŋat ale du pilale ila kalene naaŋ kahaŋ tinambeŋ."

²⁰Aisakdi mihiniŋ ninadiguk, "Mihine, du dediŋ tiŋa pilap tubumintaŋaŋ?" ²³Kibibo niŋguk, "Du'walaŋ Wapum Bepaŋdi pilap tubumintanamuŋak."

²¹Kaŋ Aisakdi Yakobo niŋguk, "Mihine, yamaŋgoŋ buune Esau biyagoŋ be yoŋa gohone gabit."

²²Yakobo adi beu Aisak habeŋ foloŋ uguk. Uune hone nadiŋa yoguk, "Maŋiŋ malap adi Yakobo'walaŋ maŋiŋ malap, iŋgoŋ kohoŋ adi Esau'walaŋ kohoŋ." ²³Adi kohoŋ dumuniŋnit doktiŋa mu nadidakaleguk. Unduŋ tiŋa kahaŋ timiŋguk. ²⁴Tubudapmaŋaŋ indiŋ ninadiguk, "Du biyagoŋ hinek mihine Esau be?" Adibo yoguk, "Nu adigoŋ."

²⁵Kaŋ adibo yoguk, "Mihine, kalege neeŋ moŋgotnambune nawit, naaŋke kahaŋne gambit." Yakobo adi moŋgola wooŋ miŋguk kaŋ Aisakdi naguk, naune wain ime maŋaŋ mimbune naguk. ²⁶Tiŋa beu Aisakdi niŋguk, "Mihine, na itatneŋ iŋgoŋ buŋa siŋgoŋgome tinambeŋ."

²⁷Kaŋ Yakobo adi wooŋ siŋgoŋgome tuguk. Unduŋ tubune beu Aisak adi dahidahiŋiŋ diniŋ munduŋ nadiŋa kahaŋ timiŋa yoguk, "Wa mihine diniŋ munduŋ adi behep munduŋ undiniŋ. Wapumdi behep kahaŋ tuguk ukuyoŋ."

²⁸"Bepaŋ adi kunum mentok eŋ kwet diniŋ galiki tiŋa haŋgom eŋ wain duhuduhu wapum siloŋ tigambaak.

²⁹"Eŋ meeniŋ kwetkwet adi tipilapilaye tigamuneŋ. Eŋ meeniŋ bop mohok adi du'walaŋkade duwokeneneŋ. Du daake kwayageye bombonŋi tiyembaaŋ. Kaŋ maŋge'walaŋ yalakiŋiye adi duwokinegamuneŋ. Du haaki tigamuneŋ adi haaki tiyemdok. Eŋ du kahaŋ tigamuneŋ adi adi kahaŋ tiyemdok."

³⁰Agaaŋ Aisak adi Yakobo kahaŋ timimbune dapmaune Yakobo adi beu kweli biŋa uguk. Ulune Esau adi behepneŋ ugukdi udaneŋ busuaguk. ³¹Adibo undugoŋ kale heeŋ beudok tiŋaloŋ niŋguk, "Baatne, du pilali mihige nu'walaŋ kale naaŋ kahaŋ tinambeŋ."

³²Kaŋ beu Aisakdibo niŋguk, "Kei, du nedigoŋ!?"

Kaŋ adibo yoguk, "Nu mihige tuwo biyeniŋ, Esau."

³³Aisak adi sukule tiŋa boho hinek tiŋa yoguk, "Kaŋ du mu labune kale ula tilabuŋa nambune naaŋ kahaŋ timiŋat u nedi? Kahaŋ woŋ adi aditok fafaŋeniŋ halaak!"

³⁴Esau adi beu'walaŋ mede unduŋ nadiŋa makat kisaŋ kolaŋa beu niŋguk, "O Mebaŋ, nu maanŋ fiit kahaŋ tinambeŋ!"

³⁵Ingoŋ oŋ beudi yoguk, "Kwayage ne yalaŋ naniŋa du'walaŋ kahaŋ moŋgolaŋak!"

³⁶Yobune Esaudi yoguk, "Yopo hinek wou Yakobo yogiŋ, adi adi nalamut tubune nai lufom agaŋ tilak! Adi koom tuwo biyeninŋ diniŋ kahaŋ u nolom moŋgokuk agaŋ kamiŋ kahaŋne moŋgolaŋak." U yodapmaŋ kotigoŋ yonadiguk. "Nutok kahaŋ neembe binamuŋaŋ?"

³⁷Aisakdibo Esau indinŋ niŋguk, "I nadiweŋ. Adi me bombongi tigamdok nindapmaŋat. Eŋ dalikwayaŋiye adi adi tipilapilaye timindok yoŋat, haŋgom eŋ wain u maanŋ aditogoŋ yoŋat. Unduŋ doktiŋa mihine kada, dutok maŋgoŋ gambit?"

³⁸Esaudibo beu niŋguk, "O Mebaŋ, kahaŋ kubugoŋ hogok nemube hakamulak? Mebaŋ, nu maanŋ kahaŋ tinambeŋ!" Unduŋ yoŋa Esau maat wapum kookuk.

³⁹Unduŋ tubune beu Aisakdi mede indinŋ niŋguk,

"Du adi kwet galiki mu hatakneŋ eŋ kunum mentok mu malakneŋ yoke kwake undineŋ itouluwaanŋ. ⁴⁰Du adi mik kwadigedi nanaŋege tubumintagambaak. Kaŋ kwayage tipilapilaye timimbaanŋ, tiŋa indinŋ mintawaak. Du fafaŋe tiŋa gicine nobu tibaanŋ adi adi'walaŋ mulabumuŋ boboke ginaniŋ dilitelewaanŋ."

Fiye 27:41-46 Esau eŋ Yakobo tububihila danegumuk.

⁴¹Esau adi adi beudi Yakobo kahaŋ timiŋguk wondok tiŋa Yakobo nadikadaka timiŋguk. Tiŋa welenŋ ginaŋ indinŋ nadisuguk, "Baatne'walaŋ kobulabulaye nai dula tilak ale u dapmaune nu kwayane Yakobo ulukumuŋ tibaat."

⁴²Kaŋ Lebeke adi mihiniŋ biyeninŋ'walaŋ mede u nimbihilune nadiŋa mihiniŋ mona nihamaneŋ mede indinŋ niŋguk, "Nadilaŋ be? Dake Esau adi kwihita wapum tiŋa kibikooŋ gulukumuŋ tibene yolak? ⁴³Ale, mihine indinŋ yobene nadiweŋ. Du pilap pilali momooŋ witne Laban Halan yokwetneŋ hatilak adi'walaŋ weŋ. ⁴⁴Tiŋa adut nai yagigi hatilune dake'walaŋ nadikwihita kwelemawaak. ⁴⁵Kwelemaune du nemek timiŋaŋ u kauleune nu dutok mede kame gambene nadiŋa udaneŋ baanŋ. Hidi maŋgoŋde nai kubugoŋ wanaŋ liwenamundeemek?"

⁴⁶Lebeke adi unduŋ yoŋa Aisak indinŋ niŋguk, "Nu adi Hitait tamyat dut hatidok adi foloone gulida tilak. Ala tiyaugane Yakobodibo Hitait me adi'walaŋ wabi kwet iŋahi kuyoŋ nagilaak adi nu dedinŋ tiŋa itouluwaat."

Fiye 28:1-9 Yakobo momoŋ Laban'walaŋ uguk.

28 ¹Lebekadi unduŋ yobune Aisakdi Yakobo nihamaneŋ kahaŋ timiŋa mede indinŋ niŋguk, "Du Kanaanŋ kwetniŋ wabiwoi

adi'walaniŋ tamge mu nagilaan. ²Ale pilale Padan-Alam kwetneŋ maanŋe'walaŋ beu Betuel adi'walaŋ weŋ. Uŋoŋ maanŋe'walaŋ wiwi me Laban'walaŋ wabiŋiye hatiŋ adi'walaniŋ niŋ tamge nagilaan. ³Bepaŋ Saŋiniŋ Molom adi gehitubulodaan kahaŋ tigambune minta-ulihakaan meeniŋ bop fee mintaneen. ⁴Kaŋ adigoŋ da eŋ yalakigeye hidi wanaŋ Abalaham'walaŋ kahaŋdi siloŋ tihambaak. Unduŋ tubune Bepaŋdi kwet miŋguk buŋambu hatilaŋ u kedem hinek kahilewaaŋ.”

⁵Aisakdi Yakobo unduŋ niŋa niŋkulune adi Padan-Alam kwetneŋ Laban kawene uguk. Laban adi Alam niŋ, me Betuel'walaŋ mihi eŋ Yakobo eŋ Esau mehik Lebeka'walaŋ wiwi.

⁶Ala Aisak adi Yakobo kahaŋ timiŋa tamŋiŋ niŋ tubumintadok Padan-Alam kwetneŋ niŋkulune uguk. Tiŋa kahaŋ timiŋa mede indiŋ niŋguk, “Du Kanaan tamwoi adi'walaniŋ tamge mu nagilaan.” ⁷Unduŋ niŋguk doktiŋa Yakobo adi miŋbeu'walaŋ mede tiloloŋ tiŋa Padan-Alam kwetneŋ uguk. ⁸Kaŋ Esau adi adi nemek u nadiguk eŋ beu Aisak adi Kanaanhi tamwoidok nadiune tuwot mu tuguk u maan kanadi tiŋa ⁹Abalaham mihiniŋ Ismael adi'walaŋ wooŋ wabiŋiŋ Mahalat, Nebayot'walaŋ wiwi uku tamŋiŋ nagilaŋa tamŋiŋyat komihi dut tomboyokuk.

Fiye 28:10-20 Kunum diniŋ talolo

¹⁰Yakobo adi Beasiba yokwet bikabuŋa Halan yokwetneŋ wene uguk. ¹¹Talik baniŋ kwet fiileŋ ulune mele foune kwet bufa tuguk. Kaŋ kwet uŋoŋ kawade fee ikiŋ ala kawade niŋ tiŋa mebi poop kameenŋ domo deikuk. ¹²Deilaŋa lihine tiŋa talolo niŋ kaguk, adi mebididi kwet foloŋ youkilitiŋa yakuk, eŋ boki yeŋ looŋ kunum youdihina yakuk. Kaŋ hayabulune Bepaŋ'walaŋ aŋelo heki yeŋ talolo foloŋ lolonŋ fofonŋ tigiŋ! ¹³Kaŋ Wapum ne adi pilap hinek talolo bokineŋ yaleŋa indiŋ yoguk, “Nu Wapum, baha papage Abalaham eŋ Aisak adi'walaŋ Bepaŋ. Kwet dahatanŋ woŋ uye da eŋ yalakigeye hiditok hambaat. ¹⁴Eŋ yalakigeye adi mintaulihaka tige tige kwet foloŋ kwam dukwa hatak wondok tuwolitiŋ tineeŋ. Tiŋa du ulihakaan kwet fukufukuŋ woihiŋkade eŋ komaanŋkade dane popohineeŋ wooŋ kahilewaaŋ. Tiŋa undugoŋ da eŋ yalakigeye hidi'walaŋ kahaŋdi meeniŋ kwetkwet tokiyembaak. ¹⁵Nadilaŋ be, nu dukut hatibaat tiŋa kwet danŋoŋ hatibaanŋ tuwot hatiŋa gabudokowaat. Tiŋa hatigane ganagilene kwet iŋoŋ kotigoŋ udaneenŋ baanŋ. Nu adi bigabu mu tibaat, dukut helemahemaŋ hatiluwene nemek mintagamdok ganifafanelat u folooŋnit tibaak.”

¹⁶Kaŋ Yakobo adi sukuleenŋ pilale yoguk, “Wapum adi biyagoŋ kwet iŋoŋ hinek hatilak. Nu adi hogok binek hatak yogut.” ¹⁷Tiŋa munta tiŋa indiŋ yoguk, “Yakeii! Kwet yoŋ adi uŋgoŋiŋ hinek! Biyagoŋ hinek! Bepaŋ'walaŋ yoli kweli, eŋ kunum diniŋ talik yeme.”

¹⁸Heleune haniŋ hinek Yakobo adi pilaliŋa kawade mebi poop kameeŋ deikuk u tubupilale kolon kambiyale ime wahu munduŋnitdi yougomguk. ¹⁹Unduŋ tiŋa yokwet wou Betele^e yoguk. Kom kwaha adi yokwet wou Lus yoyagiŋ.

²⁰Unduŋ tiŋa Yakobo adi mede yofolok indiŋ tuguk, “Bepaŋ, du nukut hatibaaŋ, tiŋa talik hati uluwene nabuulidoko tibaaŋ. Tiŋa kumone miindok nanaŋe eŋ foloonedok tinahukut tubumintanambaŋ. ²¹Unduŋ hati tinamtalolune foloone kunilit batne’walaŋ yolineŋ baat adi Wapum du nu’walaŋ Bepaŋ tinambaŋ. ²²Kaŋ kawade fek kambiyatat yendi du’walaŋ yot tibaak. Eŋ nemenemek nambaŋ hogohogok woŋ adi daneeŋ ten ten boiŋa dutok ten kubuŋon tubuudanegamuluwaat.”

Fiye 29:1-14 Yakobo adi Padan-Alam usuaguk

29 ¹Yakobo adi helebufa fee uge, uge meeniŋ mele labulabuneŋkade hatiyagiŋ adi’walaŋ kwehineŋ usuaguk. ²Ugane dadiyeen dawi diweune uune hewehewe ginaŋ ime bom niŋ kaguk. Uŋon dompa bop lufomkulitniŋdi hakiŋ. Biyagon kuyon, meeniŋ yohi kwehi uŋahi adi ime bom uŋaniŋ gilaŋa kalehiye yehitoiyagiŋ. Ime bom mamineŋ adi kawade wapumdi kufulaune ituguk. ³Ala ime uŋon adi dompa makau bop mohomohok wanaŋ yeheŋeen buŋa bopneen kawade u liliweneen ime giyembune nadapmaune kotigon teheyagiŋ.

⁴Ala Yakobodi kale yabudoko heki yeninadiguk, “Notneye hidi diŋahi?” Adibo yogiŋ, “Indi Halanhi.”

⁵Kaŋ yeninadiguk, “Hidi Naho mihiniŋ Laban nadiiŋ be?” Adibo yogiŋ, “Eŋ, uŋon nadiyam.”

⁶Kaŋ yeninadiŋa yoguk, “Adi kedem be hatilak?” Adibo yogiŋ, “Kedeem hatilak, ala wabiŋiŋ Lesel adi beu’walaŋ dompa makau yanagila kougon bulak.” ⁷Yakobodibo yoguk, “Mele wohiŋ gwalan itak maŋ be kaiŋ, dompa makau yopmaŋ yapmedok nai mu tilak. Ale ime giyemiŋa yapmeune kotigon woŋ kilihikit nanen.”

⁸Kaŋ adibo yogiŋ, “Kale bop noli mu bulune unduŋ kedem mu tinim. Wanaŋ budapmaune adigili kawade bom mamineŋ itak u liliweneen kale mihihhi ime yemiyam.”

⁹Yakobo adi mewoidut mede yonadi ya tulune uŋaniŋgon Lesel adi beu’walaŋ dompa makau yanagila busuaguk. Adi adi wabidi kwanai u tuluguk. ¹⁰Kaŋ Yakobo adi kokoon Laban’walaŋ wabi Lesel eŋ kokoon’walaŋ kale maŋ yabuŋa woŋ bom mamineŋ kawade kwehene tikameen kokoon Laban’walaŋ dompaŋiye ime giyemguk. ¹¹Dapmaune Lesel siŋgongomeen tububihila maat wapum kokuk. ¹²Unduŋ tiŋa Yakobo adi Lesel beu’walaŋ naŋgat diki eŋ Lebeka’walaŋ mihiniŋ unduŋ niŋguk.

^e 28:19 Betele mebi adi “Bepaŋ’walaŋ yot”

Kaŋ Lesel adi Yakobo bikabuŋa kiyane wooŋ beu Laban mede kahat timiŋguk.

¹³Kaŋ Laban adi wiwi diniŋ mihi Yakobo adi'walaŋ mede kahat nadiŋa wenenŋeila wooŋ kaŋ toboŋa singoŋgomeeŋ nagila yolineŋ loguk. Kaŋ Yokobodi mede kahatŋiŋ didimeniŋgoŋ hinek Laban niŋguk. ¹⁴Kaŋ Labandibo niŋguk, "Du adi nu'walaŋ gom eŋ naŋgat hinek." Kaŋ Yakobo adi muyakip kubugoŋ adut hatiguk.

Yokobo adi Lea eŋ Lesel tamŋiŋyat yanagikuk.

¹⁵Labandi Yakobo niŋguk, "Du naŋgatne diki iŋgoŋ maŋgoŋde kwanai tuwanit mokit tinambaŋ. Ale tuwaŋiŋ maŋgoŋ moŋgotdok nadilaŋ u kedem nanimbenŋ." ¹⁶Laban adi wabiŋiŋyat lufom hatigumuk. Wabiŋiŋ mok wou Lea eŋ wabiŋiŋ wene Lesel. ¹⁷Ala Lea'walaŋ dawi adi haŋandaŋ, eŋ Lesel adi folooŋ namandap momooŋ hinek. ¹⁸Unduŋ dokiŋa Yakobo adi weleŋ Leseldok nadiguk. Unduŋ doktiŋa indiŋ yoguk, "Nu wabige wene Lesel aditok tiŋa gulet 7 kwanai hogok tigambaat."

¹⁹Kaŋ Labandibo yoguk, "Adi me gitipmuŋdok mu miŋa dutok gamdok adi nadiwene kedem eŋ tuwot hinek tilak. Ale nukut hatibaŋ." ²⁰Unduŋ doktiŋa Yakobo adi Lesel nagitok nadiŋa gulet 7 tipilapilaye kwanai hogok tihatiguk. Tiŋa Leseldok mohinek nadiguk doktiŋa gulet fee u nadiune melenai lufomkabe nabugoŋ tuguk.

²¹Unduŋ tiŋa Yakobodi Laban niŋguk, "Kwanai naine agaŋ tubudapmagut ale tamne nambenŋ nu agaŋ adut deile nadilat." ²²Unduŋ yobune Laban adi nanaje kale nanaje he bopneeŋ meeniŋ uŋahi yeniyehemaneune buŋa kale nanaje eŋ ime nagiŋ. ²³Ala agaŋ kwet bufaune Laban adi wabiŋiŋ mok Lea nagila looŋ Yakobodok miŋguk. Kaŋ Yakobo adi Leadut deikumuk. ²⁴Laban adi unduŋ tiŋa yeguk e Leadok tipilapilaye tam e Silpa miŋguk.

²⁵Heleune haniŋ kaguk kei! Yadi Lea boyoŋ! Unduŋ kaŋ Yakobodi Laban niŋguk, "Du maŋgoŋ tinamuŋaŋ? Nu adi Leseldok tipilapilaye kwanai tigamgut! Kaŋ du maŋgoŋde nalamut tiŋaŋ?"

²⁶Kaŋ Labandibo yoguk, "Yokwet iŋoŋ wabi biyeninŋdi hogok hatilune wabi wene me foloŋ mu yapmeyam. ²⁷Wabi'walaŋ kwanai muniniŋ sondadok tuwolit u tubudapmawaŋ. Kaŋ indi wabi wene maŋ gamneem. Kaŋ du aditok tiŋa gulet 7 tipilapilaye kwanai kotigoŋ tibaŋaŋ."

²⁸Kaŋ Yakobo adi undugoŋ tuguk. Yakobo adi Lea dut hatibune sonda niŋ tubune Labandi wabiŋiŋ Leselbo miŋguk. ²⁹Unduŋ tiŋa Laban adi wabiŋiŋ Leseldok tipilapilaye tam niŋ miŋguk wou Bilha. ³⁰Yakobo adi tamŋiŋ Lesel nagila adut bo deikumuk. Unduŋ tiŋa adi Lesel welenŋdi kahile hinek tuguk. Eŋ Lea adi welenŋdi kahile hinek mu tuguk. Unduŋ tiŋa Yakobo adi Leseldok tiŋa gulet 7 Laban'walaŋ tipilapilaye kwanai kotigoŋ tuguk.

Fiye 29:31-35 Yakobo'walaŋ Wapmihiniye

³¹Wapumdi Lea kaguk e yohoidi welenđi kahile mu tiluguk kaŋ wapmihi mintadok taliu dilitominguuk. Eŋ, Lesel adi kafi hatiguk. ³²Lea adi mihiwele tiŋa mihi niŋ nagikuk. Tiŋa indinŋ yoŋa wou Luben youkuk, “Wapumdi bulaningonŋ tibene nabuguk. Nai indinde yohone adi welenđi nabukahilewaak.”

³³Lea adi mihiwele kotigonŋ tiŋa mihi niŋ nagila yoguk, “Wapum adi nu nabukahile mu tiinŋ, unduŋ nadiŋa mihi i maanŋ namguk.” Unduŋ doktiŋa wou Simeon youkuk.

³⁴Lea adi kotigonŋ mihiwele tiŋa mihi niŋ nagila yoguk, “Kaminŋ yohone adi nukut kadiwaak. Maŋgonđe nu mihiniye lufomkulitniŋ yanagiliminguuk.” Unduŋ yoŋa wou Lewi youkuk.

³⁵Lea adi mihiwele kotigonŋ tiŋa mihi nagila yoguk, “Kaminŋ adi Wapum wou nintilowit.” Unduŋ yoŋa wou Yuda youkuk. Unduŋ tiŋa wapmihi yanagi-yanagit wabiguk.

30 ¹Lesel adi Yakobo wapmihi nemu nagiliminguuk u kaŋ dalidut goliŋgoliŋ tubumintaguk. Unduŋ tiŋa Yakobo niŋguk, “Wapmihi neeŋ nabeŋ, eŋ moonŋ adi nu kumuŋ tibit!”

²Unduŋ yobune Yakobo adi Lesel kwihita timiŋa yoguk, “Bepaŋdi wapmihi yanagitdok taali tehep tigambune nu dedinŋ tiŋa tubumintagambit?”

³Kaŋ Leseldibo yoguk, “Unduŋ yolaŋ ale nu'walaŋ tipilapilaye tam Bilha nagila hatibune mihi niŋ mintaune nutok nagila wapmihi bomboŋnit tibaat.”

⁴Unduŋ yoŋa tipilapilaye tam Bilha Yakobo'walaŋ tam titindok nindapmaune ⁵Yakobodi nagila hatibuune mihiwele tiŋa Yakobo'walaŋ mihi niŋ nagikuk. ⁶Unduŋ tubune Leseldibo yoguk, “Bepaŋ adi nadinambune tuwot tubune medene nadiŋa mihi niŋ silonŋ tinamulak.” Unduŋ yoŋa wou Dan youkuk.

⁷Lesel'walaŋ tipilapilaye tam adi kotigonŋ mihiwele tiŋa Yakobo mihi nimaanŋ nagiliminguuk. ⁸Unduŋ tubune Leseldibo yoguk, “Datnedut gicine kwanai tiŋa fafaŋelat.” Unduŋ yoŋa mihi wou Naftali youkuk.

⁹Leadibo u kaŋ ne wapmihi yanagitdok taali agaŋ teheguk nadiŋa tipilapilaye tam Silpa nagila wooŋ Yakobodok tam miŋguk. ¹⁰Lea'walaŋ tipilapilaye tam Silpa adi mihiwele tiŋa Yakobodok mihi niŋ nagikuk. ¹¹Nagilune Leadi “wele momoonŋ” yoŋa wou Gad youkuk.

¹²Lea'walaŋ tipilapilaye tam Silpa Yakobodok mihi nimbo nagilimimbune lufom tugumuk. ¹³Unduŋ tubune Leadi yoguk, “Nu

^f **30:1** Fiye 30 diniŋ mede mebi molomgoŋ mu mintalak. Adi Fiye 29 dut wanaŋ tomboyoutak doktiŋa wabiyam.

nadifo hinek tilat. Tamwoi adi nadifo naniyaneer.” Unduŋ yoŋa wou Ase youkuk.

¹⁴Haŋgom uut nai tubune Luben adi kade gineŋ woŋ haguwo niŋ tam kafi hatiŋ yehitubulodaune wapmihinit titindok u yabuŋa moŋgola buŋa miŋ Leadok miŋguk. Kaŋ Leseldi indiŋ niŋguk, “Mihigedi haguwo moŋgola bu gamuŋak u noli nutok kedem be nambuŋ?”

¹⁵Adibo yoguk, “Yohone nolom nagila weŋ u nadilodaan be buŋa mihine’walaŋ haguwo u maan moŋgole ya yolaŋ!”

Leseldibo yoguk, “Kedeem ale mihige’walaŋ haguwo wondiniŋ tuwaŋiŋ Yakobo adi kamiŋ timiŋ dukut deitemek.”

¹⁶Ala Yakobo adi kwanai tiyauge tebele yopmande bulune Leadi woŋ kaŋ niŋguk, “Du adi kamiŋ nukut deitim. Mihine’walaŋ haguwodi agaŋ gehituwaŋat.” Unduŋ doktiŋa timiŋ woŋ e Lea dut deikumuk.

¹⁷Bepaŋ adi Lea’walaŋ mede nadiguk. Kaŋ Lea adi mihiwele tiŋa Yakobodok mihi nimaan nagilune kunakunatiŋiŋ 5 tuguk. ¹⁸Kaŋ Lea adi indiŋ yoguk, “Bepaŋ adi tipilapilaye tam yohonedok miŋgut doktiŋa kibibo namulak.” Unduŋ yoŋa wou Isaka youkuk.

¹⁹Lea adi mihiwele kotigoŋ tiŋa Yakobodok mihi nimaan nagilune kunakunatiŋiŋ 6 tuguk. ²⁰Kaŋ Leadi yoguk, “Bepaŋ adi siloŋ momooŋ tinambune yohone’walaŋ mihiŋiye 6 yanagikut, doktiŋa nakat didimeniŋgoŋ hatibaak.” Unduŋ yoŋa wou Sebulon youkuk. ²¹Mindaŋ wabi niŋ nagila wou Dina youkuk.

²²Agan Bepaŋdi Lesel nadimiŋa wapmihi yanagitdok welaŋ dilitomguk. ²³Kaŋ Lesel adi mihiwele tiŋa mihi niŋ nagikuk, tiŋa yoguk, “Bepaŋ adi meekane liliwenekutnamulak.” ²⁴Unduŋ yoŋa wou Yosep youkuk, tiŋa yoguk, “Bepaŋ adi fiit mihi noli maan nambaak.”

Yakobo adi me bomboŋnit tuguk.

²⁵Kaŋ Lesel adi Yosep nagilune Yakobodi Laban indiŋ niŋguk, “Nu agaŋ nameune yotne kwatnede mawit. ²⁶Tamneyat eŋ wapmihineye aditok tipilapilaye kwanai agaŋ tuwot tigamgut ale nanindapmaune yanagila mawiit. Tiŋa tipilapilaye kwanai dediŋ tigamtalabut u da nadilaŋ.”

²⁷Iŋgoŋ e Labandibo niŋguk, “Iŋgoŋ nobu hatidok nadikaŋ kedem nukut iŋgoŋ hatiyaneem. Nu indiŋ nadilat. Du nukut hatilaŋ doktiŋa Bepaŋdi kahaŋ tinambune duhu duhu wapum mintanamlak.”

²⁸Laban adi tomboyoula yoguk, “Kwanaige diniŋ tuwaŋiŋ yobeŋ kaŋ gehituwawit.”

²⁹Yakobodibo yoguk, “Nu kwanai dediŋ tigamgut eŋ dompa makaugeye yabudokowene dediŋ tigiŋ u da nadilaŋ. ³⁰Kom nu mu bugutneŋ lufom kabe itougamiŋ. Nai indidegoŋ adi kisaŋ mintaulihaka tigamiŋ hatiŋiŋ. Kaŋ nu kwanai tuluwene Wapumdi nemek momooŋ

tigamguk. Nai indide adi nu na'walaŋ wapmihine tam aditok tiŋa kwanai tiŋa yehitubulodadok nadilat.”

³¹Kaŋ Labandi ninadiguk, “Maŋgoŋ gambit yoŋa nanilaŋ?”

Yakobodi mede indiŋ tubuudaneer niŋguk, “Du nemek nemu namber. Nu mede nadisulat u yobene nadiune tuwot nobu tibek adi dompa makageye kotigoŋ hati yabudokoluwaat. ³²Ala nadinamber kaŋ kalegeye bop bop yabutawooŋ youbutombutom, er kudikudi hinit^s u yabuŋa yehidaneer yehikelekulit, dompa mihiniŋ gouyehi, er meme mihiniŋ youbutombutom hinit yabuŋa unduŋ tibit. Kaŋ kale undihi adi nu kwanai tilat wondiniŋ tuwane. ³³Kaŋ nemek tilat wondiniŋ mebi adi kougoŋ dakalewaak. Ala du hatigane tuwane kawene buŋa meme baŋam ginaŋ youbutombutom hinit mookit wanaŋ yatneer, er dompa baŋam ginaŋ gouyehi hogok moonŋ noli maŋ yalune yabuŋa yobaan. ‘Noli woŋ adi kubo tigiŋ yobaan.’ ”

³⁴Kaŋ Labandibo yoguk, “U nadiwene tuwot tilak. Yolaŋ undugoŋ titindok.” ³⁵Unduŋ yoŋa Laban melenai uŋaniŋgoŋ wooŋ meme maahi kudikudi youbutombutom hinit, er meme kudikudi youbutombutom hinit, er fafau gouyeniŋ lekiŋgoŋ lekiŋgoŋ hinit, er dompa mihihi gouyehi yanagila mihiniŋye kohohik ginaŋ boidapmaguk. ³⁶Unduŋ tiŋa Yakobo bikabuŋa melenai lufomkulitniŋ uge uge kwet kwatnaŋgoŋ ususaguk. Kaŋ Yakobodi Laban'walaŋ dompa mohok noli hatiyabudokoguk.

³⁷Kaŋ Yakobo adi ŋaso, er bem noli wondi kuyaŋ kobuhi diniŋa gitnem uŋaniŋ uŋaniŋ dobu kelemadiŋa kibidalune maŋ fafau u miŋgoŋ mintaune kudikudinit tuguk. ³⁸Unduŋ tiŋa kuyaŋ kibidatnit u dompa heki ime nane buune habehik foloŋ ime maliŋ ginaŋ kapmaune foluguk. ³⁹Uyadi dompa hekidi ime nane buŋale maahidi tam tuat tagiŋ doktiŋa unduŋ tuguk. Kaŋ kale heki adi kuyaŋ hakukneŋ unduŋ tiŋa mihiniŋ kudikudi er youbutombutom hinit^h undihi yehitubumintagiŋ. ⁴⁰Kaŋ Yakobo adi dompa mihihi yehidaneŋ yehibopneune Laban'walaŋ kale bop mohok kudikudi hinit, er gouyehi adi'walaŋkade dauhik ya diwegoŋ. Adi unduŋ tiŋa netok bop niŋ molomgoŋ boiŋa Laban'walaŋdut mu yehikiukuk. ⁴¹Kaŋ kale fafaŋehi yeŋ tam tuwat tubune yabuŋa Yakobodi kale namandahik ginaŋ kuyaŋ ime maliŋ ginaŋ dahiune foluguk. Uyadi kale hekidi tam tuwat tiŋale kuyaŋ kudikudinit u kakandok yoŋa unduŋ tuguk. ⁴²Kaŋ gweheyehidi tam tuwat tagiŋneŋ kuyaŋ kudikudinit ime gineŋ mu kameluguk. Unduŋ doktiŋa kale gweheyehi adi Labandok tigiŋ. Er fafaŋehi adi Yakobodok tigiŋ. ⁴³Biyagoŋ kuyoŋ me woŋ adi unduŋ tiŋa bomboŋ mohoknit tuguk, er kale, er tipilapilaye metam, er kamele, er doŋki fee mintamiŋgiŋ.

^s 30:32 Kale kudikudihik wou noli indi'walaŋ mede gineŋ mu hatak doktiŋa mu mintaiŋ.

^h 30:39 Mede woŋ adi kudikudi diniŋ mede wahinŋ dabugoŋ hinek tilak.

Fiye 31:1-21 Yakobodi Laban kasukuleeņ momoguk.

31 ¹Laban mihiniyedi mede yogiņ u Yakobo'walaņ magi ginaņ foguk. Mede indiņ, "Yakobo adi betnik'walaņ nemenemek hogohogok moņgodapmaguk. Biyagoņ kuyoņ, nemek betnik netok gigit hakuk u bumbut moņgola me bomboņnit tuguk." ²Kaņ Yakobodi Laban'walaņ namanda eņ titiņ kanadi tubune koom menot timiņa tuluguk nabugoņ mu tuguk. ³Unduņ tubune Wapumdi Yakobo indiņ niņguk, "Udaneeņ baha papageye'walaņ kwehineņ waaņ. Kaņ nu dukut hatibaat."

⁴Unduņ yobune Yakobo adi kale heki hatiyagineņ uņgoņ hale tamņiyat Leseldut Leadok mede kameyemguk. ⁵Tamyat buune yeniņguk, "Nu behik'walaņ titiņ kawene koom tinamguk nabugoņ mu tilak. Ingoņ batne'walaņ Bepaņ adi nukut hatilak. ⁶Hidi agaņ nadiyamuk. Nu behik'walaņ kwanai fafaņe tiņa tihatilat. ⁷Ingoņ oņ behik adi tuwane namdok nalamula tiņa loņat foņat tubune nai 10 tuguk. Tiņa bomboņne nolom moņgola nehitubufigitawaakneņ yoņa Bepaņdi kamehep timiņguk. ⁸Kale yobutombutom hinit u dutok yobune kale hogohogok yobutombutom hinit mintagiņ. Agaņ kudikudi hinit u tuwage yobune kale hogohogok adi mihiniņ kudikudinit mintadapmagiņ. ⁹Unduņ tubune Bepaņ adi behik'walaņ kale undihi lom moņgodapmaaņ nutok namdapmaguk. ¹⁰Kale maahi adi tam tuat tigiņ nai uņaniņ lihine ginaņ daune diweeņ nemek indiņ kagut. Domba, eņ meme maahidi tam tuat tigiņ adi'walaņ sigihik adi kudikudi hinit eņ yobutombutom hinit hogohogok. ¹¹Kaņ Bepaņ'walaņ aņelodi indiņ naniņguk, 'Yakobo!' Kaņ nubo yogut, 'Nu yoņ eeņ.' ¹²Kaņ yoguk, 'Du dadiyeēņ dauge diweeņ kaweņ. Domba, eņ meme maaniņdi tamuhi tam tuwat tiyemiņ adi adi kudikudi hinit, eņ yobutombutom hinit hogohogok. Kaņ nu Labandi nemek tigamguk u agaņ kaņ nadidapmalat. ¹³Nu Betele yokwet wondiniņ Bepaņ. Du kwet uņgoņ hinek kawade niņ wahu munduņ imedi yougomuņa mede yofolok niņ tinamguņ. Pilap indidegoņ pilat. Tiņa yokwet i bikabuņa da'walaņ yoke kwakeneņ naņgatge mamaņneņ udaneēņ weņ.' "

¹⁴Kaņ Leseldut Lea adi Yakobo mede indiņ tubuudanemiņgumuk. "Indi betnik'walaņ kohoņ diki inditok gigit yoņit u neembe hatak? ¹⁵Adi'walaņ hebeņ foloņ buņambu nabugoņ mu be hatiyamut, ale? Adi adi nihikelekula inditok tuwaņiņ moņgola agaņ tubudapmaguk. ¹⁶Unduņ doktiņa Bepaņdi betnik bomboņ lom moņgokuk hogohogok woņ adi agaņ indi eņ wapmihiniye inditok gigit tilak. Unduņ doktiņa Bepaņdi ganiņdidimeguk tuwot tibeņ."

¹⁷Unduņ yobune Yakobo adi pilale tamņiye eņ wapmihiniye kamele foloniņ yapmeguk. ¹⁸Tiņa domba makauņiye eņ bomboņņiņ noli Padan-

Alam kwetnej hatiņele tubumintaguk u moņgodapmaan Kanaan kwetnej beu Aisak kawene udaneņ uguk. ¹⁹Nai uņaniņ Laban adi dompaņiye dumuniņ dobyembene uguk. Kaņ Lesel adi beu'walaņ yabap welewele bepaņ yalayalaņ kuboneņ timauguk. ²⁰Yakobo adi momowene Alamniņ me Laban mu nimbuhilaņa tilamut tuguk. ²¹Unduņ tiņa pilali nemenemek hogohogok adi'walaņ gigit u kimahapneņ momooņ mauguk. Momooņ uge uge Yufeletis ime meņeņa wooņ Gilead kweboboeneņkade uguk.

Fiye 31:22-42 Labandi Yakobo mindaņ keleguk.

²²Kaņ melenai lufomkulitniņ dapmaune Laban indinņ niņgiņ, “Yakobo agaņ momooņ mauguk.” Unduņ nimbune nadiņa ²³naņgat dikiniye yanagila mele 7 yahakalitawooņ Gilead kwet haņgi foloņ ungoņ usuwaaņ yabugiņ. ²⁴Bepaņ adi me Alamniņ wou Laban timiņ lihine ginaņ mintamiņa indinņ niņguk, “Du Yakobo mede unduņ be unduņ yoņa nintobaaneņ ala nadinadiņele yobeņ.”

²⁵Yokobo adi kwet haņgi foloņ ungoņ houle yot maaņ wanaņ deikiņ. Kaņ Laban tiņa meņimeņiye adi yabuhila adi maaņ ungoņ houle yot maaņ ikiņ. ²⁶Tiņa Labandi Yakobo indinņ niņguk, “Du maņgoņ kudi tinamguņ? Tiņa nalamulaņa wabineyat mik ginaņ memik heki yehitehiņa yanagi yawiin nabugoņ yanagila buguņ. ²⁷Tiņa maņgoņde nalamula kabup momooņ buguņ? Nanimbune nadiņa muni hinaņ tiņa kap miyeņ gamewe beņ oņ! ²⁸Du adi wabineyat yehisiņgoņgomedok mu nadinamguņ. Du kudi kauleeņ hinek tuguņ. ²⁹Kaņ yoņ adi nemek ube u kaka tigamdok saņiniņ mu lohigut, iņgoņ oņ, baha'walaņ Bepaņdi timiņ nanihep tiņa indinņ yoņak, ‘Du Yakobo mede unduņ be unduņ yoņa nintobaaneņ ala nadinadiņale yobeņ.’ ³⁰Du baha papageye yabene mohinek nadiņa momooņ buguņ wa kedem ala kubugoņ adi nu'walaņ yabap welewele maņgoņde kubo tiguņ?”

³¹Kaņ Yakobodi Laban mede indinņ tubuudaneņ niņguk, “Nu wabigeyat nolom moņgolaaneņ yoņa munta tugut. ³²Eņ yabap welewele wondok mu nadilat. Du nedi'walaņ liineņ yabap welewelege tubumintaweņ adi adi mu hatibaak. Nemek boi hatilat u naņgat dikiniye'walaņ namandahik foloņ lohina yabeņ.” Yakobo adi Leseldi yabap welewele u tuguk u mu nadiguk.

³³Kaņ Laban adi Yakobo, eņ Lea, eņ tipilapilaye tam adi'walaņ houle yotneņ loguk iņgoņ yabap weleweleņiņ u mu tubumintaguk. Unduņ tiņa Lea'walaņ yopmaņneņiņ labuņa wooņ Lesel'walaņ yolineņ foguk. ³⁴Uluguk kaņ Lesel adi yabap welewele u pilap tiņa kamele'walaņ kumoise ginaņ dahiņa folooniņ looņ wihila ikuk. Kaņ Laban adi yot maaneņ looņ mooņ lohi kaguk. ³⁵Lesel adi beu yalaņ indinņ niņguk, “Bombongine, du kwihita mu tibeņ, muyakip yagit tilat doktiņa nu

du'walaŋ dauge foloŋ tuwot mu pilalit.” Laban adi nemenemek agaŋ yabudapmaguk iŋgoŋ yabap welewele hogok mu tubumintaguk.

³⁶Kaŋ Yakobo Labandok kwihita kisaŋ timiŋa nintoŋa indiŋ niŋguk, “Nu maŋgoŋ kadakaniiŋ eŋ mulabumuŋ tigamgut doktiŋa nula nahakililaŋ? ³⁷Yoŋ adi nemenemekne hogohogok wiya loŋiloŋineeŋ kadapmaŋaŋ. Ale da'walaŋ nemek neeŋ nobu tubumintaweŋ kaŋ naŋgat dikiniye'walaŋ dauhik ginaŋ kameune adi u kaŋ indi'walaŋ mede yodapmaneŋ.”

³⁸“Nu dukut hatibene gulet 20 dapmalak. Kaŋ dompa eŋ memegeye adi mihiniŋ biyegiŋ kadaka be kumuŋ nemu tigiŋ, eŋ du'walaŋ dompa maaniŋ nemu ula hinagut. ³⁹Biyagoŋ kuyoŋ, dompa mihihi kamo moiŋdi idikadakaŋiŋ u yanagila du'walaŋ mu bugut, na kibikoŋ boilugut. Kaŋ du yadi timiŋ be hedepmo kubo tagiŋ wondiŋiŋ tuwaŋiŋ kamendok naniiŋgiginelugun. ⁴⁰Nu yadi hedepmo mele fafaŋeniŋ diweune gweheye tulugut eŋ timiŋ sububa doktiŋa domo kaipmuŋ hatulugut. ⁴¹Nu yadi gulet 20 wapum yokeneŋ tipilapilaye kwanai tugut. Gulet 14 wabigeyat doktiŋa tugut, eŋ gulet 6 kalegeye doktiŋa tugut. Du yadi tuwane tiŋaloŋ tiŋafoŋ tinambune naiŋiŋ 10 tuguk. ⁴²Biyagoŋ kuyoŋ, batne'walaŋ Bepaŋ, Abalaham'walaŋ Bepaŋ, eŋ Aisakdi gikiŋgoŋ timiluguk adi nukut mu hati binek du hambep kohom balim hinek napmeune bee tugut. Bepaŋ adi bulaniŋgoŋ eŋ folofigita kwanaine kanadi tiŋa timiŋ medene yodapmaŋak.”

Laban dut Yakobo adi mede yofolok tugumuk.

⁴³Kaŋ Labandi Yakobo mede indiŋ tubuudaneŋ niŋguk, “Wabiyat, eŋ wapmihi, eŋ dompa makau, eŋ nemek yabulaŋ hogohogok yoŋ adi nu'walaŋ. Ala yoŋ adi wabineyat, eŋ wapmihi yanagikiŋ adi adi kamiŋ maŋgoŋ kedem niŋ tiyembene tuwot tibek? ⁴⁴Ale pilap yofolok niŋ tidim, tiŋa kawadedi fek niŋ kambiyatim wondi lekiŋgoŋnik foloŋ yali mebinik ninimbuhila ninindidimeluwaak.”

⁴⁵Unduŋ yobune Yakobodi kawade niŋ tiŋa kolon fek kambiyakuk. ⁴⁶Tiŋa naŋgat dikiniye indiŋ yeniŋguk, “Hidi kawade ugamale buŋa bopneneŋ.” Unduŋ yenimbune adi kawade ugamale buŋa bopneune kawade bop gagayeŋ uŋgoŋ ilaŋa muni nagiŋ. ⁴⁷Unduŋ tiŋa Laban adi kawade bop wondok wou Yega Sahaduta yobune Yakobodi wou Galeed yoguk.

⁴⁸Kaŋ Labandi yoguk, “Kamiŋ kawade bop yendi indi'walaŋ mebinik ninimbuhila ninindidimeluwaak.” Unduŋ doktiŋa wou Galeed yogiŋ. ⁴⁹Eŋ kawade fek hinek wondok Labandi indiŋ yoŋa wou Misipa yoguk, “Wapum adi daneŋ molomolom hatiyane hati nibidokoluwaak. ⁵⁰Du wabineyat menot mu tiyembaaŋ ee mu nadiluwene tam noli maŋ yanagila indiŋ nadiwaŋ Bepaŋ adi hatinibilak.”

⁵¹Unduŋ tiŋa Labandi tomboyoula Yakobo indinŋ niŋguk, “Nadiwenŋ, kawade bop eŋ kawade fek lekiŋgoŋnik foloŋ kambiyalat ⁵²wondi indi’walaŋ yodakalenik itune nu mik kwadi tigamuŋa du’walaŋ hatihati ginanŋ mu foluwaat, eŋ dubo nu mik kwadi tinamuŋa fek i kelelahula nu’walaŋkade mu buluwaanŋ. ⁵³Biyagoŋ kuyoŋ, Abalaham eŋ Naho adi’walaŋ Bepaŋdi indi’walaŋ mede yodapmaluwaak.” Kaŋ Yakobo adi adi beu Aisakdi Bepaŋ gikiŋgoŋ timiluguk adi wou foloŋ yofolok fafaŋeniŋ tuguk. ⁵⁴Unduŋ tiŋa kwet haŋgi foloŋ muni hinaŋ tiŋa kale nanaŋe hebopneŋ naŋgat dikiŋjiye yenyehemaneune buŋa muni naaŋ haŋgi foloŋ uŋgoŋ deikiŋ.

⁵⁵Ala kwet heleune Laban adi wabiŋiŋ laaŋjiye yehisiŋgoŋgomeeŋ kahaŋ tiyemguk. Unduŋ tiyemiŋa biyabuŋa yolide udaneŋ mauguk.

Yakobo adi Esau kakandok tiulidokoguk

32 ¹Kaŋ Yakobo adi maanŋ undugoŋ yolide uguk. Woonŋ Bepaŋ’walaŋ aŋelo hekidut talipmeŋ kimindegiŋ. ²Kaŋ Yakobodi yabuŋa yoguk, “Yoŋ adi Bepaŋ’walaŋ memikŋjiye’walaŋ hamuhe!” Unduŋ yoŋa kwet wondiŋiŋ wou Mahanaim yoguk.

³Biyagoŋ kuyoŋ, Yakobo’walaŋ dali Esau adi Sea kwet u Edom kwet wapumneŋ uŋoŋ itouluguk. Ala Yakobo adi tipilapilaye me yehidaneŋ yameune koom ugiŋ. ⁴Tiŋa indinŋ yeniŋguk, “Hidi bombongoŋe Esau indinŋ nineeŋ, Tipilapilayege Yakobo adi indinŋ yolak. ‘Nu kwet kwatnaŋgoŋ Labandut hati-talabugut ⁵tiŋa nu dompa makau, doŋki, tipilapilaye metam yabukahilegut. Doktiŋa, bombongoŋe, du me not tinamben yoŋa mede i kamewene ulak.’”

⁶Kaŋ tipilapilaye me adi woonŋ udaneŋ buŋa Yakobo indinŋ niŋgiŋ, “Indi dake Esau agaŋ kamun. Adi agaŋ talipmeŋ gabene me 400dut bulak.” ⁷Yakobo adi munta kisaŋ tiŋa welemulap wapum hinek nadiguk. Unduŋ doktiŋa meeniŋjiye, eŋ dompa makaŋjiye, eŋ kamelenjiye yehidaneune bop lufom tigiŋ. ⁸Woonŋ adi indinŋ yoŋa tuguk, “Esau adi bop niŋ udihiluwek kaŋ bop niŋ kedem momoŋ uneŋ.”

⁹Unduŋ tiŋa Yakobo adi indinŋ yoŋa Bepaŋ ninadiguk, “O Wapum, batne papane Abalaham eŋ Aisak’walaŋ Bepaŋ, biyagoŋ kuyoŋ, du indinŋ naniŋguŋ. Du yoke mebineŋ eŋ naŋgat dikigeye hatiineŋ udaneŋ uune nu gehitubulodawaat. ¹⁰Du tipilapilaye mege fofonŋit nu siloŋ tobogoŋ tinamuŋa yofolokge didimeniŋ keleeŋ nehitudulodaguŋ. Nu adi kuyaŋne hogok maliŋa Yodan ime i meŋeŋa ugut. Yoŋ adi kisaŋ ulihakaŋ buŋa daneŋ bop lufom tilat. ¹¹Ale du yahehewenamunŋa datne’walaŋ kohoŋ ginaŋniŋ nehikibidaleŋ. Adi buŋa na eŋ wapmihineye eŋ meehiye wanaŋ nindihikumumbaakneŋ yoŋa muntalat. ¹²Biyagoŋ kuyoŋ, dagoŋ hinek indinŋ yoguŋ. Nu gabudokoŋ kahaŋ tigamuŋa yalakigeye yehitubuulihakawene kiŋ luhi ginaŋ ikiŋ wondok tuwot tineeŋ, woonŋ adi bop wapum hinek doktiŋa kunakunatdok tuwot mu tilak.”

¹³Unduŋ yonja nai unjanij Yakobo adi timinj domo deikuk. Heleune nemenemek tubumintaminguk u noli dali Esau welemomooŋ timindok indinj daneguk. ¹⁴Meme taamuniŋ 200 eŋ maaniŋ 20, agaŋ dompa taamuniŋ 200 eŋ maaniŋ 20, ¹⁵kamele nom kahikiŋ mihiniŋnit 30, eŋ makau taamuhi 40, eŋ maahi 10, agaŋ doŋki tamuhi 20 eŋ maahi 10. ¹⁶Nemek woŋ e bop molomolom tipilapilaye meniye yemiŋa yoguk, “Hidi talitimerŋ tinamuŋa kale bop molomolom yanagila unej, bop kubugoŋ adi mu unej.” ¹⁷Eŋ timerŋ uguk adi indinj ninguk, “Datne Esaudi gehitubumintaŋ ganinadiwek, ‘Du needi’walaŋ tipilapilaye me eŋ daŋgoŋ weŋ eŋ nemek timerŋ ulak i nedi’walaŋ?’ ¹⁸Unduŋ ganinadiune indinj yobeŋ, ‘U yadi tipilapilayemege Yakobodi bombongine Esau du siloŋ tigamdok kameune bulak, tiŋa nadilaŋ be, ne adi mindaŋ bulak.’”

¹⁹Biyagoŋ kuyoŋ, kale bop yabudoko kunakunat 2, eŋ kale bop yabudoko kunakunat 3, eŋ kale bop noli yabudokoŋ ugiŋ adi hogohogok mede unakoŋ yenindapmaŋ yoguk, “Hidi Esaudut kiminderŋ unduŋ nineŋ. ²⁰Tiŋa indinj tomboyola yoneŋ, ‘I nadiweŋ, tipilapilaye mege Yakobo adi mindaŋ bulak.’” Yakobo adi indinj nadisuŋa unduŋ tuguk. Wele nadifodok siloŋ boiwene uune Esaudi yabuŋa weleŋ kwelemalune woŋ kawene menot tinambek. ²¹Unduŋ nadisuŋa wele nadifodok siloŋ boiune timerŋ ugiŋ. Ne adi timinj kwet daŋgoŋ houle yot maŋ iŋiŋneŋ uŋgoŋ deikuk.

Fiye 32:22-32 Yakobo adi Bepaŋ dut kiwobu tuguk

²²Kaŋ Yakobo adi kwet mu helehतालune mambimambipde pilaliŋa tamŋiyat eŋ tipilapilaye tam lufom eŋ mihiniŋye 11 u yanagila Yabok ime wohiŋgoŋ foloŋ meŋegiŋ. ²³Adi wapmihiniŋ tam yehitubulodaune meŋedapmaune bombongŋiŋ hogohogok moŋgola looŋ ime fokolok boidapmaguk. ²⁴Yakobo ne adi ime fokolok udaneŋ looŋ hakuk. Hatune me niŋ mintaune adut kiwobu tulune heleminj dobuguk. ²⁵Kaŋ me wondi Yakobo’walaŋ saŋiniŋ ula tiŋa fofondok moŋ tikaŋ baŋ kahipuhindaguk. Unduŋ tubune Yakobo adi me woondut kiwobu tulune Yakobo gadiŋiŋ teleguk. ²⁶Unduŋ tiŋa me woondi indinj ninguk, “Helegap kamelak ale binaabeŋ.” Kaŋ Yakobodi mede indinj tubuudanemiŋguk, “Hogok adi mu bigaabit, kahaŋ tinambeŋ kaŋ bigaabit.”

²⁷Kaŋ me wondi ninadiguk, “Du woho needigoŋ?” Yobune adibo yoguk, “Yakobo.”

²⁸Kaŋ yoguk, “Du’walaŋ woho Yakobo wabiŋa Isilae yodok. Biyagoŋ kuyoŋ, du Bepaŋdut eŋ meeniŋdut kiwobu tiŋa wanaŋ fafaŋeŋaŋ.”

²⁹Kaŋ Yakobodibo ninadiguk, “Mu yolaŋ! Du’walaŋ woho needigoŋ?” Adibo yoguk, “Du maŋgoŋde wootnaanedok yonadilaŋ?” Unduŋ yonja uŋgoŋ kahaŋ timimiŋguk.

³⁰Unduŋ doktiŋa Yakobodi kwet u wou Peniel yoguk. Woŋ adi indinj yonja yoguk, “Nu Bepaŋ namandatnedi kika kika hinek tumut iŋgoŋ e hatihatine mu tubuliweŋjak.”

³¹Unduŋ tiŋa Peniel kwet u bikabu ulune mele labuguk. Yakobo adi gaadiŋiŋ teleguk doktiŋa kayoŋ taŋ tiŋa uguk. ³²Kaŋ me woondi Yakobo baan kahipuhiindaguk doktiŋa Isilae me adi kale baan diniŋ sulusu baan foloŋ gaaliŋa yatak u mu nayagiŋ eŋ indindegoŋ maan mu naiŋ.

Fiye 33:1-20 Esau Eŋ Yakobo Kimindegumuk.

33 ¹Kaŋ Yakobo adi dawi diweune uune Esau eŋ meenjiye 400di bulune yabuguk. Yabuŋa wapmihi yehidaaneenŋ Lea eŋ Lesel eŋ tipilapilaye tam lufom adut yapmeguk. ²Tiŋa tipilapilaye tamyat adi wapmihihiedut timenŋ yapmeguk, agaŋ Lea eŋ wapmihiniye, eŋ Lesel eŋ Yosep adi e mindaŋ hinek yapmeguk. ³Nee adi timenŋ wooŋ mulelem timiŋa pilalune nai 7 tubune dali'walaŋ usuwaguk.

⁴Kaŋ Esau adi weneŋgeila Yakobo kawene uguk wooŋ toboguk. Toboŋa kohoŋ boboli foloŋ kuumaanŋ siŋgoŋgomeguk. Unduŋ tiŋa maat kookumuk. ⁵Unduŋ tiŋa Esau dawi diweenŋ wapmihi tam yabuguk yabuŋa yoguk, "I neediyenŋ dukut biinŋ?"

Yakobodibo yoguk, "Biyagoŋ kuyoŋ. Bepaŋdi welesiloŋŋiŋ doktiŋa tipilapilayemege nu siloŋ tinamguk."

⁶Unduŋ yobune tipilapilaye tamyat eŋ wapmihihie buŋa mulelem timiŋŋiŋ. ⁷Adi'walaŋ siginenŋ Lea eŋ wapmihiniyedi buŋa mulelem timiŋŋiŋ. Mindaŋ hinek Yosep eŋ Lesel adi maan buŋa mulelem timiŋgumuk.

⁸Kaŋ Esaudi indinŋ yonadiguk. "Me eŋ kale bop talipmenŋ uune yabuŋat u maŋgoŋ titindok yolaŋ." Yakobodibo mede indinŋ tubuudaneguk, "Bomboŋgine, du yabuŋa menot tinamenŋ yoŋa boiŋat."

⁹Esaudibo yoguk, "Kwayane, nu na'walaŋ fee hatinamiinŋ, unduŋ doktiŋa nemek hakaamulak u daatok halek." ¹⁰Kaŋ Yakobodibo yoguk, "Moonŋ, du nutok nadinambuune utumbaune siloŋne u fiit moŋgoleŋ. Du menot tinamŋa mik mu tinamuŋaŋ kaŋ gaabeene namandake Bepaŋ'walaŋ namanda nabugoŋ tiŋak. ¹¹Ale siloŋ tigamuŋat u kedem moŋgoleŋ. Bepaŋ adi welesiloŋŋiŋ doktiŋa siloŋ tinamguk doktiŋa fee hinek hatnamlak." Unduŋ yoŋa gigne tubune fiit moŋgokuk.

¹²Unduŋ tiŋa Esaudi yoguk. "Agaŋ ale pilalune une, nu gehitubulodawene udim."

¹³Iŋgoŋ e, Yakobodibo niŋguk, "Bomboŋgine, du agaŋ nadiŋaŋ. Wapmihi adi kuyahi hogohogok. Eŋ dompa makau mihihi adi nom naiŋ. Unduŋ doktiŋa melenai kubugoŋ pilap uundok yeniŋgiginewe wooŋ gweheye tiŋa kumuneenenŋ. ¹⁴Unduŋ doktiŋa bomboŋgine du kedem koom weŋ. Kaŋ nu adi kale eŋ wapmihi saŋiniŋhikdok tuwolit ulune yamaadi yale wene uge uge du hatilaŋnenŋ Sea yokwetnenŋ usuwawaat."

¹⁵Kaŋ Esaudi yoguk, "Unduŋ yolaŋ ale mewoi nukuut hatiinŋ i neenŋ yamewene gehitubuloodaŋ hanagila unenŋ."

Yakobodibo yoguk, “U manjonde? Nu yadi not momoon tinambendok hokok yolat.”

¹⁶Kaŋ Esau adi nai uŋaniŋ udaneŋ woon Sea yokwetneŋ usuwaguk. ¹⁷Yakobo adi adi Sukot yokwetneŋ woon yoli uŋon maguk, tiŋa kaleniye’walaŋ yohalaŋ maan mayemguk. Unduŋ tiŋa yokwet u wou Sukot yoguk.

¹⁸Yakobo adi Padan Alamniŋ foloon kwelemaanŋon udaneŋ buge buge Sekem yokwetneŋ, Kanaan kwet wapumneŋ busuwaan yokwet gagayeŋ itouguk. ¹⁹Tiŋa Sekem beu’walaŋ mihiŋiye adi’walaŋ kwet muneŋ 100di tuwaŋ houle yot uŋon maan itouguk. ²⁰Unduŋ tiŋa uŋon alata niŋ tutumbaan wou indiŋ yoguk, Bepaŋ adi Isilae’walaŋ Bepaŋ.ⁱ

Fiye 34:1-31 Sekem Yokwetneŋ Mulabumuŋ Mintaguk.

34 ¹Leadi Yakobodok wabi niŋ nagikuk wou Dina, adi helen yohiwahi wabi nolijiye yabene uguk. ²Kaŋ kwet uŋaniŋ me bomboonŋi Hiwaitniŋ me Hamoa adi’walaŋ mihi Sekem adi wabi u kaguk tiŋa nagila woon adut deila tubukadakaguk. ³Tiŋa weleŋdi kahileŋ menot timiŋa mede momoon niŋguk. ⁴Tiŋa beu Hamoa indiŋ niŋguk, “Du wabi i tamne titindok mede kwanai tibeŋ.”

⁵Yakobo adi wabiŋiŋ tubukadakaŋit wondiniŋ mede kahat agaŋ nadiguk iŋon mihiŋiye adi kale yabudoko tine ugiŋ doktiŋa mede u hokok kameune hakuk.

⁶Kaŋ Sekem beu Hamoa adi Yakobodut mede yodok uguk. ⁷Kaŋ Yakobo mihiŋiye adi tebele kwanai ginaniŋ busuwaan Sekemdi wihik tubukadakaan Isilae’walaŋ lekiŋonhik folon kudi meekaŋon tuguk mede kahat u nadiŋa welehek kadakaune kwihita tigiŋ. Biyagon kuyon, adi adi nemek mu titindok tuguk.

⁸Hamoa adi adi indiŋ yeniŋguk, “Mihine Sekem adi weleŋdi kahile hinek tilak doktiŋa fiit nadimimbuune tamniŋ nagilek. ⁹Kaŋ indiguut hekinamuŋit tiyaneem, hidi wabihiye nimiŋa kibi hidibo indi’walaŋ wabiniye yeheŋyaneŋ. ¹⁰Unduŋ tiŋa indut itouŋa hidi maan kwet yendok moloom tineŋ. Unduŋ doktiŋa kwet iŋon kwanai tiŋa iŋon fafaŋeniŋ itouyaneŋ.” ¹¹Kaŋ Sekem adi Dina beu eŋ wiwiye indiŋ yeniŋguk, “Hidi fiit nadinamuneŋ! Tiŋa yoneŋ wondok tuwolit hambit. ¹²Hidi tam tuwaŋiŋ tiŋa loon kale bombon feedok yoneŋ iŋon on, nu wondok tuwolit kamewit. Ale wabi woŋ adi nam hinek tineŋ kaŋ nagilit.”

¹³Kaŋ Sekem adi wihiŋk Dina tubukaadaka tuguk doktiŋa Yakobo mihiye adi Sekem eŋ beu Hamoa medehik tubuudaneyemŋa yalaŋ e indiŋ yeniŋgiŋ, ¹⁴“Indi me niŋ sigiŋ diki gitnem mu dobukukuk adi wiitnik mu mineem. Nemek undiniŋ woŋ adi indi’walaŋkade meekaŋon tilak.

ⁱ 33:20 Judahi’walaŋ mede gineŋ adi Elelohe Isilae.

¹⁵Unduŋ dotiŋa indiŋ tubune nadihamunee tuwot tibek. Hidi indi tiyam unduŋ tiŋa me hogohogok sigihik diki gitnem dobukutneeŋ. ¹⁶Unduŋ tubune wabiniye kedem hamuneem, eŋ indi maanŋ hidi'walaŋ wabihiye kedem yanagitnee. Unduŋ tiŋa hidiguut tomboyoulaŋa me bop kubugoŋ tineem. ¹⁷Eŋ mede wobu tiŋa mede haniyam i mu tiŋa folohik ginaŋ fek mu tineeŋ adi wabinik nagila yokwet i bikabuŋa niŋkade uneem.”

¹⁸Kaŋ Hamol eŋ mihiŋiŋ Sekem adi medehik nadiune tuwot tuguk. ¹⁹Kaŋ Sekem adi unduŋ nadibedi mu tuguk, biyagoŋ kuyonŋ, adi Yakobo wabiŋiŋ kahiloda hinek tuguk eŋ meenjimeeŋiye adi Sekem dok nadiune loloŋnit tuguk. ²⁰Kaŋ Hamol eŋ mihiŋiŋ Sekem adi yohikwehineŋ udaneeŋ wooŋ bop yotneŋ looŋ me unŋaahi indiŋ yeniŋgumuk, ²¹“Me yoŋ adi kwelemaahi doktiŋa kwetnineŋ hatiŋila kwanaihik titindok yenindapmaneem. Kwet wapum hogok haale ulak ale tuwot hatineeŋ. Unduŋ tiŋa indi wabihiye kedem yeheŋeneem. Eŋ kibi indibo wabiniye aditok yemineem. ²²Adi adi nemek indiŋdok hogok nadinimiŋa iŋoŋ indiguut hatiŋa indiguut kiula bop kubugoŋ tiŋa hatidok yoiŋ. Nehi sigihik diki gitnem dobukut tigiŋ undugoŋ indi'walahi me hogohogohok indi maanŋ unduŋ titindok niniŋit. ²³Unduŋ tinene domba makauhiye eŋ bomboŋhik hogohogok u maanŋ inditok tineeŋ. Unduŋ doktiŋa yenindapmanee indut itouyaneeŋ.” ²⁴Kaŋ me yohiwaahi hogohogok adi Hamol eŋ mihiŋiŋ Sekem medehik nadiune tuwot tubune sigihik diki gitnem dobukukinŋ.

²⁵Unduŋ tiŋa mewoi adi melenai lufomkulitniŋ folofigita nadi haakiŋ. Kaŋ biyagoŋ kuyonŋ, Yakobo mihiŋiyat Simeonŋ eŋ Lewi, Dina'walaŋ wiyyat adi mik diniŋ noŋ maŋiŋ kweheyeŋi moŋgola looŋ me kwehi waahi widihidapmanŋ tugumuk. ²⁶Hamoŋa eŋ mihiŋiŋ Sekem wanaŋ widihikumunŋa Dina Sekem'walaŋ yolineŋ ikuk woodi tiŋa fooŋ nagila ugumuk. ²⁷Kaŋ Yakobo'walaŋ mihiwoi nolidi wooŋ me widihikumunŋ tigiŋ adi'walaŋ bomboŋ eŋ yokwet wondiniŋ bomboŋ kubo tigiŋ. Woŋ adi wihiŋik tubukadakaŋiŋ doktiŋa unduŋ tigiŋ. ²⁸Tiŋa domba makau eŋ donkihiye yopmanŋ hatigiŋ eŋ kwanai ginaŋ hatigiŋ u bumbut yanagidapmagiŋ. ²⁹Unduŋ tiŋa bomboŋhik eŋ wapmihitam u wanaŋ yanagila ugiŋ. Biyagoŋ hinek yopmanŋ nemek hakuk hogohogok u kubo moŋgodapmaanŋ moŋgola maugiŋ.

³⁰Unduŋ tubune Yakobodi Simeonŋdut Lewi indiŋ yeniŋguk, “Hidi kwet molohiye Kanaanŋ eŋ Pelisait me adi'walaŋ namandahik foloŋ nu'walaŋ wootnene tubukadakaŋ kotigoŋ wohiŋkade nemek wapum moŋgolune loŋak. Nu adi mewoine lufom kabe hatiŋiŋ, ala adi kitubuloda tiŋa buŋa nindihiune nu eŋ maanemaaneŋe kadaka hinek tinim.” ³¹Kaŋ adibo yogumuk. “Kaŋ dedinŋ! Adi wiitnik talik tam nabugoŋ mube timiŋguk ale!”

Fiye 35:1-15 Yakobo Udaneeŋ Betelede Uguk.

35 ¹Kaŋ Bepaŋdi Yakobo indiŋ niŋguk, “Pilap hinek tiulidokoŋ Betele yokwetneŋ looŋ unŋoŋ itouluwaanŋ. Biyagoŋ hinek, daake

Esaudok muntaan momoolune Bepaŋdi mintagamguk uŋgoŋ Bepaŋdok alata niŋ tutumbamimbaan.” ²Unduŋ nimbuune Yakobodi meenimeenjiye eŋ me adut hatiyagiŋ adi indiŋ yenindapmaguk, “Hidi’walaŋ lekiŋgoŋhik giŋaŋ welewele bepaŋ yalayaŋ beehatiŋ u beekulune uune sigihik tubuwalandaŋ dahidahihik walaŋiŋ kadahineŋ. ³Unduŋ tiŋa pilale Betele yopmaŋde loneŋ. Nu gooliŋgooliŋ giŋaŋ hatiluene nadinamuŋa nehitubulodaŋ talipmeŋ yahehewe tinamguk, Bepaŋ aditok alata niŋ tutumbamimbat.” ⁴Unduŋ yenimbuune nemek welewele bepaŋ yalayaŋ eŋ maagisuwaŋ heki u beena buŋa Yakobo mimbuune Sekem yokwet gagayeŋ bem muŋgohom niŋ yakuk wondiniŋ mebineŋ wenefulaguk.

⁵Unduŋ tiŋa pilale logiŋ. Kaŋ yokwet maagi maagi ila ugiŋ adi Bepaŋdok munta tiŋa deeti Yakobo eŋ mihiye udihi yahakalineetiŋiŋ. ⁶Biyagoŋ kuyoŋ, Yakobo eŋ meenimeenjiye neet hatiyagiŋ adi Kanaŋ kwetneŋ Lus yopmaŋ Betele uŋgoŋ wanakaŋ hogohogok usuwagiŋ. ⁷Usuwaŋ Yakobo adi alata niŋ tutumbaŋ wou El Betele youkuk. Biyagoŋ kuyoŋ, adi dalidok muntaŋ momooŋ ulune Bepaŋdi uŋgoŋ mintamiŋguk doktiŋa unduŋ tuguk.

⁸Kaŋ Lebeka’walaŋ tubuloda tam wou Debola adi uŋgoŋ kumumbuune Betele yokwet hapmeeneŋ bem muŋgohom mebiyeŋ wenefulagiŋ. Unduŋ tiŋa bem wou Allom Bakut yoguk indi’walaŋ mede foloŋ kobulabulaye muŋgohom.

⁹Kaŋ Yakobo adi Paddan-Alam kwetneniŋ busuwaŋ hatilune Bepaŋdi kotigoŋ mintamiŋa kahaŋ timiŋguk. ¹⁰Tiŋa indiŋ niŋguk, “Du wohe Yakobo, ala Yakobo kotigoŋ mu yodok adi Isilae yodok.” Unduŋ yoŋa Isilae yoguk. ¹¹Tiŋa Bepaŋdi tomboyoula niŋguk. “Nu Bepaŋ saŋiniŋ moloom, du fee mintaŋ ulihaka tibaaŋ, eŋ du mekop kubugoŋ mooŋ meeniŋ bop mohok mintatauneŋ. Tiŋa undugoŋ mapme heki adi du’walaŋ folooge giŋaniŋ mintaneŋ. ¹²Kaŋ Abalaham eŋ Aisak kwet yemgut u dutok gambaat. Eŋ kougoŋ yalakigeye mintaŋ hatineŋ adi maŋ yembaat.” ¹³Kaŋ Bepaŋ adi Yakobodut yale mede yonadi tugumuk kwet uŋgoŋ yakaane loguk.

¹⁴Unduŋ tubune Yakobo adi Bepaŋdi kwet yale mede niŋgukneŋ uŋgoŋ kawade niŋ tiŋa fek kambiyale wondok foloŋ siloŋ muni boiŋa ime wahu munduŋnitdi yougoomguk. ¹⁵Unduŋ tiŋa Bepaŋdi kwet yale mede niŋguk wondiniŋ wou Betele yoguk.

Fiye 35:16-29 Aisak Eŋ Lesel Kumungumuk.

¹⁶Unduŋ tiŋa Beteleniŋ pilaliŋa kotigoŋ ugiŋ. Taalik wooŋ Efatat ususadok kabe tamaigoŋ hatuune Lesel adi mihi nadiguk. Tiŋa tubumulahuda tuguk. ¹⁷Mihi nagitdok tubumulahuda hinek tubune tam mihi uloloŋ timiŋgukdi indiŋ niŋduk, “Du munta mu tibeŋ. Mihi noli

maan nagitan.”¹⁸ Kumumbeene munabudapmandok tinjale mihi wou Ben-Oni^j youla kumunguk. Ingon on beu adi wou Benyamin^k youkuk.

¹⁹Biyagon kuyon Lesel kumumbuune Efatat talipmen wenegin (yokwet wou noli Betlehem). ²⁰Kan Yakobo adi Lesel sitnin ginan kawade nin fek kambiyakuk. Kawade woondi Lesel sit nin dinin fek ikukdi itak. ²¹Kan Isilae adi talik kotigon tomboyoula uge uge Migola Edel yot kweheyenin gunaanin usuaan houle yotni maguk. ²²Tina kwet unon itoulune Luben adi beudi tiplapilaye tam nin tamnin nagikuk wou Bilha yolinej loon adut deikumuk. Kan Isilae adi u nadinja kwihita-tuguk.

Yakobo adi mihiniye 12: ²³Lea mihiye: Me tuwo Luben, Simeon, Lewi, Yuda, Isaka en Sebulun. ²⁴Lesel mihiniye: Yosep en Benyamin. ²⁵Lesel'wala tipilaye tam Bilha'wala mihiniye: Dan en Naftali. ²⁶Lea'wala tipilapilaye tam Silpa'wala mihiniye: Gad en Ase. Yon adi Yakobo mihiniye Paddan-Alam kwetne hatilune mintamingin.

²⁷Yakobo adi Mamele kwetne beu yolinej Kiliat Aba wou noli Hebulon ungon wosuwaguk. Biyagon kuyon, Abalaham en Aisak adi yokwet ungon itougumuk. ²⁸Aisak adi guletin 180 tuguk. ²⁹Adi hatige hatige me gawadaan hinek tina kumuja beu papaaniedut tomboyoukuk. Kan mihiniyat Esau en Yakobodi wenefulagumuk.

Fiye 36:1-30 Esau'wala Yalaakiniye

36 ¹Yon adi Esau, wou noli Edom, adi'wala mede kahat, tina adi yalakinie'wala wouhik habet. ²Esau adi tamniye Kanaanhi wabiheem lufomkulitnin yeheneguk. Nin e Ada Hitaitnin me Elon adi'wala wabinin, en noli e Hiwaitnin me Sebeon mihinin Ana'wala wabinin wou Oholibama, ³tina nin e Isimael'wala wabinin, wou Basemat, Nebayot'wala wiwi. ⁴Kan Adadi Elifas nagikuk, Basematdi Leguel nagikuk, ⁵en Oholibama adi adi Yeusi, Yalam en Kola yeheneguk. Biyagon kuyon, Esau'wala mihiniye Kanaan kwetne undun mintagin.

⁶Kan Esau adi tamniye en wapmihiniye en metam noli adi'wala yolinej itouyagin, en bombon hogohogok, en dompa makau en nemenemeknin noli Kanaan kwetne hatina yehitubumintaguk u mongodapmaan kwayan Yakobo bikabuja Sea kwet mauguk. ⁷Kale bombonhik fee doktina wanakan itoudok nadiune mulahudaguk, tina makauhiye maan fee doktina bunambu kwetne hatigumuk u aditok tuwolit mu tuguk. ⁸Biyagon kuyon, Esau wou noli Edom adi undun tina Sea kwet hanji hanji unon wooj itouluguk.

⁹Kan yon adi Esau'wala yalakinie Edom me Sea kwet haangi haangi unon loon itouyagin adi'wala mede kahat. ¹⁰Esau yalakinie'wala

^j 35:18 Ben-Oni mebi adi Mihi folofigita wapumnit nagilat. ^k 35:18 Benyamin mebi adi Mihi wou gigitnit.

wouhik habet indij hinek hatak. Yoŋ adi Esau dut Ada mihihik wou Elifas. Agaŋ Esau dut Basema mihihik Leuel. ¹¹Elifas mihiŋiye adi indij: Teman, Omal, Sefo, Gatam eŋ Kenas. ¹²Esau mihiŋij Elifas adi tam niŋ wou Timna hogok nagila hatibuune mihi nagilimiŋguk wou Amalek. Kaŋ yoŋ adi Esau tamŋij Ada adi'walaŋ laaŋiye.

¹³Yoŋ adi Leuel mihiŋiye: Nahat, Sela, Sama, eŋ Misa. Adi adi Esau tamŋij Basema'walaŋ laaŋiye.

¹⁴Esau tamŋij Oholibama, Ana wabiŋij eŋ Sibeoŋ laaŋ, adi Yeus, Yalam, eŋ Kola yanagikuk.

¹⁵Yoŋ adi Esau yalakiŋiyedi me loloŋ hinit mintaŋ hatigiŋ. Esau'walaŋ mihi biyeŋij Elifas adi'walaŋ mihiŋiye me loloŋnit hatigiŋ wouhiye indij: Teman, Omal, Sefo, Kenas, ¹⁶Kola, Gatam eŋ Amalek. Yoŋ adi Elifas mihiŋiye Edom kwetneŋ me loloŋ hinit hatigiŋ. Adi adi Ada'walaŋ laaŋiye. ¹⁷Esau mihiŋij Leuel'walaŋ mihiŋiyedi me loloŋnit hatigiŋ wouhiye indij: Nahat, Sela, Sama eŋ Missa. Adi adi Leuel'walaŋ yalakiŋiyedi Edom kwetneŋ me loloŋnit hatigiŋ. Ala adi adi Basemat'walaŋ laaŋiye. ¹⁸Esau tamŋij Oholibama adi'walaŋ mihiŋiye indijdi me loloŋnit hatigiŋ: Yeus, Yalam eŋ Kola. Oholima adi adi Ana'walaŋ wabiŋij. ¹⁹Yoŋ adi Esau (wou noli Edom) adi'walaŋ yalakiŋiye adi me loloŋnit hatigiŋ diniŋ habet.

²⁰Eŋ yoŋ adi Sea mihiŋiye Holait me kwet uŋoŋ itouyagiŋ: Lotan, Sobal, Sibeon, Anah, ²¹Dison, Esel eŋ Disan. Sea Edom niŋ me'walaŋ mihiŋiye indijdi me loloŋnit hatigiŋ. ²²Lotan mihiŋiye: Holi eŋ Hemam. Timna adi Lotan'walaŋ wiwi. ²³Sobal mihiŋiye: Alwan, Manahat, Ebal, Sefo eŋ Onam. ²⁴Sibeon mihiŋiye: Aia eŋ Ana. Ala Ana adi kougoŋ hatigane kwet himintaŋ ginaŋ beu Sibeon'walaŋ doŋki yanagila nanaje ime kaliŋ hatiyaugaane ime daawii niŋ kudut labulak tubumintaguk. ²⁵Ana'walaŋ wapmihiŋiye: Dison, eŋ Oholibama Ana'walaŋ mihiŋij wabiŋij. ²⁶Dison'walaŋ mihiŋiye: Hemdan, Esban, Itlan eŋ Kelan. ²⁷Esel mihiŋiye: Bilhan, Sawaan eŋ Akan. ²⁸Disan mihiŋiye: Us eŋ Alan. ²⁹Me loloŋhiŋit yoŋ adi Holaiti: Lotan, Sobal, Sibeon, Anah, ³⁰Dison, Esel eŋ Disan. Me loloŋhiŋit wouhiye mintanək yoŋ adi mebop fee hatitaugiŋ indigoŋ tuwot mintaŋ hatija Sea kwetneŋ Holait heki yabulidokogiŋ.

Fiye 36:31-43 Edomhi Maapme

³¹Maapme kwanai woŋ adi Isilaehidi mu tububihituune Edomhidi timen tububihila kwanainegiŋ.

³²Beol mihiŋij Bela adi Edomhi'walaŋ mapme tuguk. Yokwet wapumŋij wou Dinhaba.

³³Bela kumumbuune Selah mihiŋij Yobap adibo kwelikoŋ tiŋa mapme ikuk (Selah adi Boslaniŋ.)

³⁴Yobab kumumbuune Teman kwetneniŋ me wou Husan adibo kwelikooŋ tiŋa mapme ikuk.

³⁵Husan kumumbuune Bedad mihinjij Hadad Midienhi Moab hanggi foloŋ widihi kwaaneguk adibo kwelikooŋ tiŋa mapme ikuk. Adi'walaŋ yokwet wapum wou Awit yogij.

³⁶Hadad kumumbuune Maslekanij me Samla adibo kwelikooŋ tiŋa mapme ikuk.

³⁷Samla kumumbuune Lehobot ime foloŋ ikagij uŋaniŋ meniŋ wou Saul adibo kwelikooŋ tiŋa mapme ikuk.

³⁸Saul kumumbuune Akbo mihinjij Baal-Hanan adibo kwelikooŋ tiŋa mapme ikuk.

³⁹Akbo mihinjij Baal-Hanan kumumbuune Hadaddibo kwelikooŋ tiŋa mapme ikuk. Adi'walaŋ yokwet wapum wou Pau. Eŋ tamŋij wou Mehetabel, Matled wabiŋij, Matled adi Mesahab wabiŋij.

⁴⁰Kaŋ yoŋ adi Esau'walaŋ yalakiŋiyedi me loloŋnit tiŋa metam bop hatitaugij tuwot yabuulidokogij: Timna, Alwa, Yetet, ⁴¹Oholibama, Ela, Pinon, ⁴²Kenas, Teman, Mipsa, ⁴³Magdiel eŋ Ilam. Yoŋ adi Edomhi'walaŋ mebop itouŋa ugiŋ indigoŋ tuwot me loloŋnit ilaŋa yabuulidokotaugij.

Biyagoŋ hinek, yoŋ adi Esau Edomniŋ'walaŋ yalakiŋiye.

Fiye 37:1-11 Yosep Lihine Tuguk.

37 ¹Yakobo adi beudi Kanaaŋ kwet daŋgoŋ itoulugukneŋ uŋgoŋ itouguk. ²Yoŋ adi Yakobo'walaŋ mede kahat. Yosep adi guletŋij 17 tubune daliyedut dompa yabudoko kwanai tigiŋ. Biyagoŋ kuyoŋ, adi mekuya doktiŋa beu'walaŋ tamŋiyat Bilha eŋ Silpa adi'walaŋ mihihiyedut dompa yabudokoguk. Ala daliyedi maŋgoŋ kedem be hogoli tagiŋ u yabuŋa wooŋ behik nimbihit tuguk.

³Isilae adi Yosep weleendi kahile hinek tuluguk. Eŋ mihinjiye noli adi wahiwaŋgoŋ yabukahileeluguk. Isilae adi agaŋ me gawadaaŋ hinek tulune Yosep mintaguk doktiŋa weleendi kahile hinek tuluguk. Unduŋ tiŋa yeguk e dahidahi kudikudinit houle momooŋ hinekdi tibineŋ miŋguk. ⁴Kaŋ daliye adi behikdi Yosep weleendi kahile hinek tilak unduŋ kaŋ nadiŋa Yosepdok nadikadaka timiyagiŋ. Unduŋ tiŋa Yosepdut mede momooŋgoŋ mu toyagiŋ.

⁵Nai niŋde Yosep adi lihine tiŋa daliye yeniŋguk. Yeenimbuune daliye adi kwihita kisaŋ hinek tigiŋ. ⁶Adi indiŋ yeniŋguk, “Hidi maagihik mohinek kameeŋ lihine tiŋat i nadineŋ. ⁷Indi pandiŋ kwanai ginaŋ wooŋ pandiŋ ibi ibi tumun. Ala deebek tiŋa nu'walaŋ pandiŋ ibidi pilali koloŋ didimeneŋ yalak, eŋ hidi'walaŋdi pilale nu'walaŋ yakelemaadi tiŋa nu'walaŋ yalaŋakneŋkade duwookene tiŋa yaliŋit.” ⁸Kaŋ daliyedi u nadiŋa yogij, “Be dukuyembe loloŋnit tiŋa indi niibidokowaaŋ? Biyagoŋ hinek kube du mapme tiŋa niibiulidokowaaŋ?” Yosep adi lihine tiŋa mede yoguk wondok tiŋa daliye adi Yosepdok kwihita kisaŋ tigiŋ.

⁹Agan nai nimbo lihine tiŋa daliye indiŋ yeniŋguk, “Lihine nimaŋ tiŋat ale yobee nadineŋ. Lihine tiŋa kawene mele muyakip

erj hinantilamek 11 adi nu duwokene tinamuñit.” ¹⁰Yosep adi lihine i daliye erj beehik yenimbuune nadiña beu adi nintoo tiña yoguk, “U mangoñ lihine undiniñ tiñañ? Maançe erj naa erj daakeye indi biyagon hinek kube du’walañ habaake foloñ duwookeneñ namandatnik kwet foloñ tubuwopmoobutneem?” ¹¹Daliye adi welehek gouye tuguk. Ingoñ oñ, beu adi nemenemek nadiguk u weleenj ginañ kabup nadidaheña boikwambundaan hatiluguk.

Fiye 37:12-36 Me Biyehidi Yosepdok Tuwaanijñ Fukut Begiñ.

¹²Agan daliye adi behik’walañ kale yabudokoneene Sekemde ugiñ. ¹³Unduñ doktiña Isilae adi Yosep indinñ niñguk, “Du agan nadilanj daakeye adi Sekem gwaan kale yabuulidoko tiin. Ale buune ganiñkuleene wooñ yabeñ.” Yosepdibo yoguk, “Oo u kedem.” ¹⁴Unduñ yobune beudi indinñ niñguk, “Wooñ dakeye kedem be hatiinñ yabunadi tibeñ erj kale heki maanñ yabunadi tubudapmaanñ buña mede kahat tinambuune nadiwaat.” Unduñ niña Hebulon kwet gutuñneninñ niñkulune uguk. ¹⁵Sekem kwetneñ usuwaanñ daliye yolohi hatilune me niñdi tubumintaanñ ninadiguk, “Du mangoñ lohilañ?” ¹⁶Adibo yoguk, “Nu daatneye yolohilat. Du kedem be dañgoñ hatiña kale yabuulidoko tiin nanimbuune wooñ yabit?” ¹⁷Me woondibo yoguk, “Adi inoñ agan wabiña ugiñ. Nu indinñ yoyaginñ nadigut, ‘Indi Dotan de une.’ Alee unañ wooñ yabeñ.” Unduñ doktiña Yosep adi mindañ yahakaleña wooñ Dotan gagayenñ yabuguk. ¹⁸Ingoñ e adi yamaangoñ mu uguk kougoñ kwatnaangoñ ulune daliyedi agan kakiyodaanñ uut titindok yofolok tigiñ. ¹⁹“Lihine molo i mangoñ bulak! ²⁰Buune ula tobo tikutnene ime bom koomiineñ fowek. Kanñ indinñ yonim kale fafañeniñ miknit hinek niñdi sikumuñguk. Unduñ tineene lihineninñ dininñ mebi dakalewaak.” ²¹Luben adi mede u nadiña kwayanijyedi Yosep mu ulukumunñdok nadiña mooñ yoguk. Luben adi indinñ yoguk, “Haatihaatinñ mu tubuliwedok. ²²Erj nanñgatniñ mu kwaanewek. Kwet fiilenñ boom siliinñ ikiinñerñ inañ kuumanee fowek, erj ulukumunñ adi mu titindok.” Luben adi indinñ nadiguk kougoñ kabup haman tibene labuune nagila beu’walañ wit.

²³Ala agan Yosep busuwalat be yoguk e de! buña honeñ dahidahinñ kudikudinit houle momoonñdi tibineeminiñ u kwihikulimiña ²⁴nagila wooñ toboonña tukulune ime bom koomii ime silida tuguk siliineñ foguk. ²⁵Unduñ tiña nanañe naneene fooñ ikiñ. Ilaña dauhik diweune uune Ismaelhi me bomboñ kibikibi tineene Gilead yokwet bikabuña bugiñ. Kamelehek foloñ ime wahu munduñnit erj bem gumamum erj nemek nanañe tubukobadok mehe heki undihi tiyoula tiulidokooñ kamelehek foloñ boiña monñgola Isip kwetneñ kibikibi tineene ugiñ adi yabuginñ. ²⁶Yuda adi pilale noliñyiye indinñ yeniñguk, “Indi kwayanik ulukumunña nanñgatniñ youfulaña folooñ mangoñ monñgotneem. ²⁷Ale pilap buune

Ismaelhi yemineene tuwaanij fukut niminej. Ej ulukumuj adi mu tinim. Manjonde adi adi nangatnik diki, ej kwayanik, ej mehinek kubugonj.” Unduj yobune nolijye adi wele kubugonj tiginj. ²⁸Ala aganj Midienhi me bombonj hinit busuaune daliye woonj Yosep hamaneune labuune nagi woonj Ismaelhi me yemiņa tuwaanij fukut kunakunat 20 silwadok yoginj. Kanj Ismaelhi adi tuwaanj nagila Isipde uginj. ²⁹Luben adi kougonj woonj Yosep bom ginanj be hatak yonj lohiguk injonj e moonj. Unduj kanj moonj kanj Luben adi dahdahinj kwihinj ulibaginekulanja ³⁰kwayanjye haakijneņ woonj yoguk, “Mihi adi bom ginanj mu hatak! Nu diņaandij woonj kawit?” ³¹Unduj tinj moonkanj meme maanj nij ulanj nangatnijdi Yosep’walaņ dahidahi folonj yougoombuune ³²nangatnit tubune tinj behik’walaņ uginj. Woonj yalaņ indij ninginj, “I baigonj kakoloodiweenj. Tiyauge mihige Yosep’walaņ dahidahi nobu? Indi gwaanj tubumintaanj tinj baam.” ³³Yakobo adi mihinj Yosep’walaņ dahidahi u kakiyondaanj yoguk, “Biyagonj hinek ya mihine’walaņ dahidahi kudikudinit. Nemek kale fafaņenij ej miknitdi sikumuņa sibulaaginekut tijak!” ³⁴Unduj yonj Isilae adi dahdahinj ulalagine kulanja bulaaningonj dinij dahidahi dahija mihinj doktija maat kobulabulaye melenai fee tuguk. ³⁵Wapmihinjye hogohogok buņa nijkwelemanim yo tiginj injonj medehik mu nadiyemguk. Adi adi unduj yoguk, “Nu yadi mihinedok bulaaningonj nadiņa maat kobulabulaye tige tige kumumbaat.” Unduj yonj Yosep beu adi aditok tinj kobulabulaye tuguk. ³⁶Isilae adi unduj tulune nai unaningonj Midienhi adi Yosep nagila woonj Isip kwetneņ me nij wou Potifa adut tuwaginj. Potifa adi mikme Felo ne kadokoyaginj, adi’walaņ talitimeņhik.

Fiye 38:1-30 Yuda Ej Tama

38 ¹Nai unanj Yuda adi kwayanjye biyabuņa woonj Adulam yokwetneņ me nij wou Hila adiguut hatiguk. ²Ala unonj hatija Kanaanj me nij wou Sua adi’walaņ wabinj kanj tamnij nagilanj adiguut hatigumuk. ³Kanj tam u mihiwele tinj mihi nij nagilune wou Ea youkuk. ⁴Kanj hatigane kotigonj mihiwele tinj mihi injonj nagila wou Onan youkuk. ⁵Kootigonj mihiwele tinj mihi nijbo nagila wou Sela youkuk. Mihi wonj adi Kesip yokwetneņ hatija nagikuk. ⁶Kanj Yuda adi hatigane mihinj biyenij Ea-dok tam nij nagiliminguk wou Tama. ⁷Mihi biyenij adi kadakanij fulingonj tuguk doktija Wapumdi aditok nadiune tuwot mu tuguk doktija yobune kumunguk. ⁸Unduj tubune Yudadi Onan indij ninguk, “Du daake tam kahat guut hatija tam kahat heki’walaņ mede yofafaje hatak u takalija daakedok yalaki yehitubumintawaanj.” ⁹Kanj Onan adi indij nadisuuguk, “Nu yalaki yehitubumintawene naatok gigit mu tineņ.” Unduj yonj dalidok yalaki mu yehitubumiintdok nadisuguk. Unduj tinj tam’walaņ uluguk tuwot

meenij imenij giinerj kwatneluguk. ¹⁰Unduj hogok tulutulu Wapum adi nadikadakaan yobune adi maanj kumunguk. ¹¹Kanj Yudadi nabunij Tama indij ninguk, “Du wooj baha yolinej tam kahat hatilune mihine Sela bediwaak.” U yadi indij nadisuja yoguk. Sela adi tiyaugaane daliyat kumungumuk unduj kumumbaakneij unduj nadisuja yoguk. Kanj Tama adi wooj beu’walañ yolinej hatiluguk.

¹²Ala hatigane kougoñ Sua’walañ wabiñij Yuda’walañ tamñij kumunguk. Kanj mat kobulabulaye nai dapmaune noliñij Hila Adulamniñ adut Timna kwetneij dompañiye dumuniñhik dobukukij yabudeene ugumuk. ¹³Kanj Tama adi mede indij niñgij, “I nadi. Nabuge adi dompañiye dumuniñhik doobeene Timna yokwetneij loolak.” ¹⁴Unduj nadiña tam kahat diniñ mut u dilitele kameeñ. Houle yañaamuñdi namanda tumukuk. Tiña wooj Timna talipmeñ yokwet niñ ikuk wou Enaim, uñoj wooj yokwet gagayeñ foikuk. Woñ adi Sela agañ me wapum bediguk iñgoñ Tamadi wooj heemiñdok mu niñdapmagiñ doktiña unduj tuguk. ¹⁵Kanj Yuda adi wooj kanj nadiune talik tam binek yo nadiguk. Tama adi namanda houle yañaamuñdi mukufulaña wooj ikuk doktiña mu kadakaleguk. ¹⁶Kanj adi talik beheepneñ fooj wooj kanj yoguk, “Kedeem be nadinambeñ kanj nu duguut deitim?” Biyagoñ kuyoj, adi nabuniñdi ituguk mu kanj ninguk. Kanj Tamadibo yoguk, “Nukut deitok nadigambeene mañgoñ nambeñ?” ¹⁷Yobune Yudadibo yoguk, “Nu meme mihiniñ niñ kamegambene baik.”

Yobune Tamadibo yoguk. “Mede yofafaje diniñ fek mañgoñ nambuune kame hatiluwene busuwawaak.” ¹⁸Yobune Yudadibo yoguk, “Yofolok diniñ fek mañgoñ gambit nadiña yolañ?” Tamdibo yoguk, “Da’walañ mede yodapmañ fek kudinit eñ tawañij eñ kuyañge kohoge foloj kameyatañ, u nambeñ.” Kanj nemek yoguk indigoñ tuwot miña adut deikuk. ¹⁹Deilune agañ mihiwele tuguk. Unduj tiña pilale wooj haule yañaamuñ u kwihikula tam kahat mutniñ u kotigoñ tiña mukuk.

²⁰Kanj hatigane Yudadi noliñij, Adulam yopmañniñ adi Yuda’walañ yofolok diniñ fek u beemiña bubundok meme mihiniñ miña niñkulune uguk. Adi adi wooj tam u lohi tuguk. ²¹Tiña meeniñ yeninadiña yoguk, “Taalik tam Enaim talik foloj ikuk adi de?” Adibo yogiñ, “Taalik tam niñ iñoj nemu buune kagumun.” ²²Unduj yobune Yuda’walañkade kotigoñ udaneñ wooj ninguk, “Nu tam u mu kagut. Eñ meeniñ yohiwahi adi indij naniñgij, ‘Taalik tam niñ iñoj nemu buña hatiguk.’”

²³Kanj Yudadibo yoguk, “Mede mintawaakneñ ale nemek u fiit biyabune uñgoñ halimineñ. Meeniñ nolidi nadinimbuune hogohi tibaakneñ yojña nu meme mihiniñ agañ kamewene nagi uguñ iñgoñ du tam u mu kaguñ.”

²⁴Kanj muyakip lufomkulitniñ dapmaune Yuda mede kahat indij timiñgij, “Nabuge siloda kwanai tiyaugane mihiwele tilak.” Kanj

Yudadibo yoguk, “U nagila buune kudupdi heneene dakumumbaak.”²⁵ Unduŋ yobune nagila ulune nabuŋiŋdi me’walaŋkade mede indiŋ kameune uguk, “Nemek yendiniŋ moloomdi nabuune mihiwelenit tugut. Ale du kaweŋ mede yodapmaŋ fek kudinit ee tawaŋiŋ eŋ kuyaŋ heki u needi’walaŋ?”²⁶ Kaŋ Yuda adi yali yabuhohoneŋ yabukiyondaŋ yoguk, “Adi mede biyagoŋ yolak. Nemek hogohogok u nu’walaŋ. Nu yom tiŋa niŋkuleene mihiŋe Sela’walaŋ mu uguk.” Unduŋ yoŋa tam woondut kotigoŋ mu hatiguk.

²⁷Kaŋ hatigane wapmihi mintaminta nai tubune mihiyat katap mintagumuk. ²⁸Aganŋ mintadok tulune timeŋ mihi niŋ’walaŋ kohonŋdi fosuwaguk. Kaŋ tam mihi uloloŋ tugukdi tawa giminiŋ tiŋa kohonŋ ginaŋ folokeneguk. Waa indiŋ yoŋa tuguk, “Biyagoŋ kuyonŋ, adi timeŋ mintaguk.” ²⁹Iakŋaak woondi kohonŋ kotigoŋ hamatiŋa loune kwayaŋdi mintaguk. Kaŋ tam mihi uloloŋ tugukdi indiŋ yoguk, “Kei! Du deeti dake kalakapmeenŋ timeŋ mintanŋa?” Unduŋ doktiŋa wou Peles’ youkiŋ. ³⁰Kaŋ mindaŋkade dali kohonŋ foloŋ tawa giminiŋ ibidokoŋit adi mintaguk. Adi’walaŋ wou Sela youkiŋ.

Fiye 39:1-23 Yosepdi Fafaŋeen Tikamanda Kelekufaakuk.

39 ¹Yosep aganŋ nagila Isip kwetneŋ fogiŋ. Kaŋ Isip niŋ me niŋ wou Potifa adi adi Felo’walaŋ me wapme, mikme Felo ne kadokoyagiŋ adi’walaŋ talitimeŋ, ala Ismaelhi nagila uune tuwaguk.

²Wapum adi Yosep guut hatiguk doktiŋa Yosepdi nemek tubune kedem hogok tuguk. Kaŋ bomboonŋiŋiŋ’walaŋ yolineŋ hatidok nadimimbuune tuwot tuguk. ³⁻⁴Kaŋ Yosep adi kwanai tuluguk u yadi Wapumdi adut hatiŋa tubulodaune kwanai tuguk u kedem hogohogok tuguk. Bomboonŋiŋiŋdi Yosep kwanaiŋiŋ kaŋ nadiune tuwot tubune yot diniŋ kwanai eŋ kwanai metam hogohogok adi yabudokodok niindapmaguk. Eŋ Potifa’walaŋ nemenemek u adi’walaŋ kohonŋ foloŋ kamedapmaguk. ⁵Yot bomboŋ eŋ nemenemek halimiŋguk u yabudokodok nindapmaguk nai uŋaandiŋgoŋ Yosep doktiŋa Wapumdi Isipniŋ me’walaŋ nemenemek hogohogok kahaŋ timiŋguk. Wapum’walaŋ wahu kahaŋdi Potifa’walaŋ nemenemek yopmaŋ eŋ kwanai ginaŋ tokidapmaguk. ⁶Unduŋ doktiŋa Potifa adi Yosep kohonŋ foloŋ nemenemekniŋ boidapmaŋ Yosepdok wele lufom mu tuguk. Nee adi kwanai ginaŋ yaugaane buŋa nanaŋe hogok naluguk.

Yosep adi me folooŋnit eŋ folooŋnamandapniŋ momooŋ hinek, ⁷doktiŋa kabe hatihatiyeenŋ bomboonŋiŋiŋ’walaŋ tamdi Yosep kasiloda hatiguk. Unduŋ tihatigane heleenŋ niŋ indiŋ niŋguk, “Du buune nu’walaŋ gulup ginaŋ noŋgoŋ deitim.”

¹ 38:29 Peles mebi adi “kalakapmeŋ.”

⁸ Inḡonḡ Yosep adi moonḡ yoguk. Tiḡa indiḡ niḡguk, “Bomboonḡine adi yopmanḡ nemek ikiḡ wondok nadibedi mu tilak. Adi adi nutok welelufom mu tiḡa nemenemekniḡ hogohogok nu yabudokodok nanindapmaanḡ kohone foloḡ boiguk. ⁹ Yot yendiniḡ maaneḡ nebek niḡdi nu nalakapmeenḡ loloḡnit mu tilak. Bombonḡine adi nemek niḡ kamehep mu tinamguk. Agaḡ du kubugoḡ. Du yadi ne’walaḡ tamniḡ. Ale nu dedinḡ tiḡa titiḡ hogoli u tiḡa Bepaḡ’walaḡ weleḡ tubukadakawit.” ¹⁰ Uḡaaniḡonḡ tububihila helemanḡ helemanḡ Potifa tamniḡ adi Yosep mede uḡaakoḡ niluguk inḡonḡ Yosep adi tam wondi’walaḡ gulup ginaḡ nonḡonḡ deitok nemu uguk, be adut nemu hatiguk.

¹¹ Ala heleḡ niḡ kwanai metam noli adi yopmanḡ nemu haakiḡ. Kaḡ Yosep adi kwanainiḡ tibene yopmanḡ loguk. ¹² Kaḡ tam wondi dahidahiniḡ foloḡ hooneḡ niḡguk, “Buune wooḡ gulup ginaḡ nonḡonḡ deitim!” Inḡonḡ Yosep adi dahidahiniḡ tam kohonḡ foloḡ kwihikula momoonḡ fakaḡde uguk.

¹³ Yosep adi dahidahiniḡ tam kohonḡ foloḡ kwihikula momoonḡ fakaḡde fouluguk kaḡ ¹⁴ tam adi metam yot uḡaḡ kwanaineyagiḡ kutiyeniḡguk tiḡa indiḡ yeniḡguk, “I kanenḡ! Potifa adi Hibulu me niḡdi kadakaninḡ tinimdok nagila buḡa kamenimguk. Adi nukuut deitim yoḡa labuune kwakwayeḡat. ¹⁵ Kwakwayewene nadiḡa dahidahiniḡ kwihinaḡ nu hatilatneḡ kameḡ momoonḡ fakaḡ founak!” ¹⁶ Unduḡ yeniḡa Yosep’walaḡ dahidahi uḡonḡ kameune hatuune Yosep bombonḡiniḡ buguk. ¹⁷ Busuwaune mede kahat uḡaakoḡ timinaḡ yoguk. “Hibulu kwanai me nagila buguḡ adi kadakaninḡ tinambene labuḡak. ¹⁸ Kaḡ nu kwakwayewene dahdahiniḡ nu’walaḡ habaatne foloḡ kwihitukulaḡa momoonḡ fakaḡde founak.”

¹⁹ Kaḡ bomboonḡiniḡ adi tamniḡdi kwanai mege adi unduḡ tinamḡak yoḡa mede kahat timimbuune nadiḡa kisaḡ kwihitaguk. ²⁰ Kwihitaḡa Yosep nagila yot fafaḡeniḡ ginaḡ mapme’walaḡ kwanai tiḡa yom tubune yapmeune ikagiḡ adut kameune uḡonḡ itouluguk. ²¹ Kaḡ Wapum adi Yosepdut hatiḡa yot fafaḡeniḡ ginaḡ me hatigiḡ adi’walaḡ kadokome tubulodaguk. Kaḡ adi Wapum doktiḡa Yosepdok nadiune utumbaguk. ²² Unduḡ doktiḡa yot fafaḡeniḡ diniḡ kadoko wapum adi Yosepdi me yot fafaḡeniḡ ginaḡ hatigiḡ hogohogok wanaḡ yabudokodok nindapmaguk. Kaḡ adi nemenemek hogohogok u Yosepdi yenindidimeune tigiḡ. ²³ Unduḡ tubune me yot fafaḡeniḡ kadoko adi Yosepdi kwanai ube u titindok mede yoguk u tomboyoula nemu yoluguk. Woḡ adi Wapumdi Yosepdut hatiḡa tubulodaune nemenemek tubune utumbadapmanḡ tuluguk doktiḡa unduḡ tuguk.

Fiye 40:1-23 Yosepdi Meyat Lihine Meebii Yeeninguk.

40 ¹ Nemek i mintagak sigiineḡ mapme diniḡ wain ime tutumba diniḡ talitimenḡ eḡ belet heheḡ diniḡ talk timenḡ adi

kwanaihik tubukadakagumuk. ²Unduŋ tubune biyagoŋ hinek Felo adi kwanai meŋiyat wain kadoko eŋ belet heheŋ diniŋ kadoko aditok kwihitayemguk. ³Unduŋ doktiŋa yobune ne'walaŋ mik me heki diniŋ talitimeŋ'walaŋ yolineŋ yot fafaŋeniŋ ginaŋ yapmegiŋ. Yosep maan yot uŋgoŋ deitouluguk. ⁴Ala yot fafaŋeniŋ diniŋ kadokodi Yosep adi yabudokodok niŋdapmaguk. Kaŋ adi nai muniniŋ yot fafaŋeniŋ ginaŋ hatigumuk. ⁵Tiŋa timiŋ kubugoŋ niŋ foloŋ lihine wanaŋ tugumuk. Ala lihine molomoloom tugumuk eŋ lihine u mebiniŋ tugumuk. Biyagoŋ kuyonŋ, Isipniŋ mapme'walaŋ wain ime kodoko eŋ belet heheŋ diniŋ kadoko adi unduŋ tugumuk. ⁶Ala kwet heleune Yosepdi adi'walaŋ yohineŋ looŋ bulaaniŋgoŋ namandap ila diweeune yabuguk. ⁷Yabuŋa yeninadiguk, "Hidi kamiŋ deetiŋa bulaaniŋgoŋ namandap ikaamuk?" ⁸Yobune niŋgumuk, "Indi lihine tumut, tiŋa me neediyeŋ mebi ninimbek yoŋa lohiyamut."

Kaŋ Yosepdi yoguk, "Lihine diniŋ mebi adi Bepaŋdi hogok nadilak iŋgoŋ fiit yobune nadiwit."

⁹Kaŋ wain ime kadokodi lihine tuguk wondiniŋ mede kahat timiŋa yoguk, "Nu ye indiŋ kaŋat. Habaatne foloŋ wain mebi niŋ mintane kaŋat. ¹⁰Tiŋa taŋeeniŋ lufomkulitniŋ mintalune wowoŋ niŋ maan youkuk. Tiŋa undugoŋ folooŋ mintaanŋ gimindaŋak. ¹¹Kaŋ nu yadi Felo'walaŋ ime utnaŋ kohoonedi hooneeŋ yale mindipmuŋ gimilhi moŋgola kahileene imeeŋiŋ ime utnaŋ ginaŋ foune tiŋa Felo kohoŋ ginaŋ kamewene hooneŋak."

¹²Kaŋ Yosepdibo niŋguk, "Woondiniŋ mebi indiŋ. Taŋeeniŋ lufomkulitniŋ woondi melenai lufomkulitniŋ wondok tuwolit. ¹³Ala melenai lufomkulitniŋ tubune dapmaune Felodi ganindapmaanŋ kwanaige ginaŋ kotigoŋ gapmewaak, kaŋ du koom wain kadoko hatiŋa Felo wain ime milugunŋ undugoŋ kotigoŋ tibaanŋ. ¹⁴Unduŋ tiŋa nadifo foloŋ hatiŋale nu kadaa maanŋ nadinamuŋa Felo nimbaanŋ. Unduŋ tiŋa nehitubulodaune, yot i bikabuŋa foonŋ waat. ¹⁵Naadilaŋ be! Nu Kanaanŋ kwetneniŋ kubo nanagikiŋ eŋ iŋoŋ maanŋ undugoŋ nemek kadakanŋiŋ nemu tibene hogok hinehinek yot fafaŋeniŋ ginaŋ napmegiŋ."

¹⁶Unduŋ tubune belet heheŋ diniŋ talitimeŋ adi Yosepdi lihine diniŋ mebi momooŋ hinek yodakaleŋak unduŋ kaŋ indiŋ niŋguk, "Nu maanŋ lihine indiŋ tiŋat. Nu boondiboondi lufomkulitniŋ belet nit mebine foloŋ udieŋat. ¹⁷Kaŋ bondibondi wohiŋ ilaŋak wondiniŋ maaneŋ Felo'walaŋ belet kobaanŋ mebimebi ituune bagi hekidi buŋa naŋit."

¹⁸Unduŋ yobune Yosepdi indiŋ tubuudaneŋ niŋguk, "Wondiniŋ mebi indiŋ. Bondibondi lufomkulitniŋ adi melenai lufomkulitniŋdok tuwolit iŋgoŋ. ¹⁹Ala melenai lufomkulitniŋ dapmaune Felodi yobune bem fuloŋ gehitehikapmaneŋ kaŋ bagi hekidi folooge goom nadapmaneŋ."

²⁰Ala agaŋ melenai lufomkulitniŋ dapmaune Felo mintamintaŋiŋ nai foloŋ kwanai meŋiyedok hinaŋ muni tiyemguk. Unduŋ tiŋa kwanai

menjiye namandahik foloŋ wain kadoko taali timeŋ eŋ belet heheŋ taali timeŋ adi'walaŋ mede yodapmaguk. ²¹Tiŋa wain kadoko diniŋ talitimeŋ adi ime utnaŋiŋ kotigoŋ mimindok niŋguk. Kwanaiŋiŋ komii uŋaakon hinek kotigoŋ miŋguk. ²²Eŋ belet heheŋ diniŋ talitimeŋ adi Yosepdi yeniŋguk undugoŋ hinek tehikapmagiŋ. ²³Kaŋ wain kadoko diniŋ talitimeŋ adi Yosepdok mu nadisuuguk. Adi yadi kaule tiŋa hatiguk.

Fiye 41:1-40 Yosepdi Felo'walaŋ Lihine Diniŋ Meebii Yoguk.

41 ¹Hatigane gulet lufom dapmaune Felo adi lihine niŋ tuguk. Felo adi lihine ginaŋ ime wapum Nael gagayeŋ yakuk. ²Adi ime Nael gagayeŋ yale yabulune makau 7 moomoohi goom gaaliki hinit ime ginaniŋ labusuwaan kilihikit yanagiŋ. ³Yanalune mindaŋ makau 7 iŋgoŋ noli maan ime ginaniŋ labugiŋ, adi adi hogohi kigitahi. Adi labuŋa makau moomoohi goom gaaliki hinit adi'walaŋ gagayeŋ yakiniŋ. ⁴Yaaleŋa makau hogohi kigitahidi moomoohi goom gaalikit hinit yehinakukiŋ. Felo adi unduŋ kaŋ sukuleguk.

⁵Felo adi damo kotigoŋ fooŋ deila lihine nimbo tuguk. Woŋ adi indiŋ. Haŋgom kwedei kubugoŋ labuŋa yakuk eŋ folooŋ adi 7 moomoohi eŋ tokitokilehi. ⁶Mindaŋ haŋgom kitili nimbo labuguk adi'walaŋ folooŋ 7 iŋgoŋ alaa, adi yadi maniunedi yehifedilune folooŋ momooŋgoŋ mu mintagiŋ, tumut hogok. ⁷Ala haŋgom hogohi, tumut hogokdi folooŋ hinit tokitokilehi yehikumuyegiŋ. Felo adi unduŋ lihineeŋ sukuleeŋ pilaakuk.

⁸Haaniŋ Felo lihine tuguk wondok nadibediŋa me mebi nadinadi eŋ mebi tubutakale me heki mede kameyembuune bugiŋ kaŋ Felo adi lihine tuguk wondok mede kahat tiyemguk. Iŋgoŋ e adi'walaniŋ nebek niŋdi lihine wondiniŋ mebi mu niŋguk.

⁹Unduŋ tubune mapme'walaŋ ime utnaŋ kadokoluguk adi Felo indiŋ niŋguk, “Nu kamiŋ yomne nadibihitat. ¹⁰Felo, yakalaŋ! Du koom kwanamegeye inditok kwihita tiŋa belet heheŋ diniŋ talik timeeŋ eŋ nu indi yot fafaŋeniŋ ginaŋ nipmeguŋ. ¹¹Nai uŋaniŋ indi lihine tugumut. Tiŋa lihine tugumut u mebiniŋ. ¹²Kaŋ nai uŋaniŋ Hibulu me kuya niŋ yot fafaŋeniŋneŋ indigut noŋgoŋ hatigumun. Adi mik me diniŋ talitimeŋ tubulodaluguk. Biyagoŋ kuyoŋ adi lihine tugumut u nindeene nadiŋa mebi niniŋguk. Tiŋa lihine tugumut tuwolit mebi molomoloom ninindakaleguk. ¹³Ala mebi ninindaleguk wondok tuwolit nemek folooŋ mintaguk. Nu kwanaine ginaŋ kotigoŋ namegiŋ eŋ belet heheŋ diniŋ kadoko adi tehikapma tigiŋ.”

¹⁴Kaŋ Felodi Yosep bubundok yobune uŋaniŋgoŋ yot fafaŋeniŋ ginaŋniŋ nagila bugiŋ. Tiŋa kii dumuniŋ dobu kulimiŋa dahidahi koobuli dahiŋa Felo'walaŋ namanda ginaŋ uguk. ¹⁵Usuaune Felodi indiŋ niŋguk, “Nu lihine tiŋat. Woondiniŋ mebi me niŋdi nemu yobihila naniŋak. Dutok adi indiŋ yobune nadiŋat. Du yadi lihine tiŋa ganimbuune lihine diniŋ mebi kedem yodakalelaŋ.”

¹⁶Unduŋ nimbuune Yosepdibo Felo indinŋ tubuudaneenŋ ninguk, “Nu naa hogohogok dedinŋ tiŋa tibit. Bepaŋ adigili Felo du mede momoonŋ kedem ganimbek.”

¹⁷Kaŋ Felodi Yosep indinŋ ninguk, “Nu Nael ime gagayenŋ yalaŋat ¹⁸Kaŋ makau 7 moomoohi goom gaalikihinit imeginaniŋ labuŋa yale kilihikit naanjit. ¹⁹Kaŋ mindaŋ makau 7 inŋonŋ hogohi enŋ kigitahidi labuŋit. Nu Isip kwetneŋ inŋonŋ makau undihi nemu yabugut. ²⁰Kaŋ makau hogohi adi makau 7 moomoohi enŋ goom gaalikihinit u yehinaginŋ. ²¹Yehi nadapmaginŋ inŋonŋ kabak kabe nemu tiginŋ. Kom dibek hogohi enŋ kigitahi undihigonŋ yakinŋ. Nu lihine unduŋ tiŋa sukuleŋat.”

²²“Kootigonŋ deilaŋa lihine kotigonŋ indinŋ tiŋat. Haŋgom niŋ labuŋa yalak, mebi kubugonŋ enŋ foloonŋ adi 7 momohi enŋ kakahi. ²³Mindaŋ haŋgom mebi niŋ labuguk umaanŋ foloonŋ 7 inŋonŋ alaa, sububa maniunedi feedilune sigene tiŋa foloonŋ yolihaapmuŋ hogok. ²⁴Ala yolihaapmuŋ hogokdi foloonŋ momoonŋ u kumuyeguk. Kaŋ wondok tiŋa nadinadi me yenimbeene nebek niŋdi mebi mu nanilak.”

²⁵Kaŋ Yosepdidi Felo indinŋ ninguk, “Felo! Du lihine lufom tiŋaŋ wondiniŋ mebi kubugonŋ hogok. Biyagonŋ kuyonŋ, Bepaŋ adi kudi niŋ titindok ganimbihitak. ²⁶Ale makau moomoohi 7 woondi gulet 7 tilak, agaŋ haŋgom moomoohi 7 woondi gulet 7 inŋonŋ tilak. Unduŋ doktiŋa lihine lufomuk adi mebi kubugonŋ tilak. ²⁷Makau hogohi 7 mindaŋ labuŋit woŋ adi gulet 7 wondok tuwolit. Tiŋa haŋgom foloonŋ yolihaapmuŋ hogok sububa maaniunedi feedikwambudaguk woŋ adi fiye kadaka halune map wapum gulet 7 wondok tuwot halaak.”

²⁸“Biyagonŋ kuyonŋ, nu woondogonŋ nadisuŋa Felo agaŋ indinŋ ganiŋat. Bepaŋ adi nemek tibee nadilak u Felo du ganimbihitak. ²⁹Ale nadilaŋbe? Yoŋ adi Isip kwetneŋ gulet 7 nanaje duhu duhu wapum mintawaak. ³⁰Ala nanaje duhu duhu nai dapmaune nanaje map wapum hinek mintaanŋ hatuune gulet 7 inŋonŋ dapmawaak. Nai uŋaniŋ duhu duhudok kaule tiŋa fiye kadaka halu nanaje map kisaŋ tubudapmaneŋ. ³¹Duhu duhu adi agaŋ kaule tineenŋ uyadi map fulinŋonŋ hinek mintaanŋ halaak doktiŋa unduŋ tineenŋ. ³²Felo du lihine mebi kubugonŋ nai lufom kaanŋaŋ wondiniŋ mebi indinŋ. Biyagonŋ kuyonŋ, Bepaŋ adi nemek u pilap mintadok yokwambundaguk hatak.”

³³“Unduŋ doktiŋa Felo, du me niŋ nadidakalenit enŋ nadisu fulinŋonŋnit tubumintaanŋ Isip kwet wapum i kadokodok nindapmawenŋ. ³⁴Tiŋa du yokwet tuwot talitimenŋ yapmeune adi gulet 7 duhu duhu nai ginaŋ nanaje mintawaak tuwot bop 5 uŋaniŋ kubugonŋ mongola boiune hogok itneenŋ. ³⁵Adi nai wondiniŋ maaneŋ pandinŋ enŋ haŋgom mintawaak tuwot ugamaali bopneenŋ du’walaŋ woho folonŋ boiune dumuŋ itneenŋ. ³⁶Unduŋ tubune haŋgoom enŋ pandinŋ wondi fiye kadaka halu map wapum gulet 7 halaak wondok mebit dumuŋ itneenŋ. Unduŋ doktiŋa Isip

kwetnej map wapum mintaanj halaaknej meeniñdi nananje map doktiņa mu kadakaneej.”

³⁷Felo ej me wapuhiņiye adi mede yodakale ej yohabet wondok nadiune utumbagak. ³⁸Doktiņa Felodi yeninadiguk, “Indi me niņ Bepañ’walaņ munabuli me i halimilak undiniņgoņ niņ tuwot mu tubumintanim.”

³⁹Moņ lohi kaņ Felodi Yosep indij niņguk, “Bepañdi mede hogohogok u ganimbuhidapmaguk doktiņa me nadinadinit ej nadidakalenit du indiniņgoņ noli nemu hatilak. ⁴⁰Biyagoņ kuyoņ, unduņ doktiņa du nu’walaņ yot ej nememeemek wondok kadoko wapum gameelat. Unduņ doktiņa nu’walaņ metam adi du’walaņ mede tiloloņ taneej. Maapme iitdok kumupoopne kubugoņ adi gikiņgoņ timimbaaņ.”

Fiye 41:41-57 Yosepdi Isip Kwet Kadokoguk.

⁴¹Unduņ yoņa Felodi Yosep indij niņguk, “Naadilaņ be? Biyagoņ kuyoņ nu Isip kwet wapum wondiniņ kadoko wapum gapmeelat.” ⁴²Felo adi unduņ yoņa mapme’walaņ mede yodapmaņ fek mapme kudinit u ne’walaņ kohoņ foloņ ikuk kwihija ti Yosep kohoņ foloņ dahiune loguk. Ej dahidahi momooņ hinek niņ dahimiņguk ej fukut momooņ goldi tigiņ niņ homoginemiņguk. ⁴³Unduņ timiņija yobune ne’walaņ kaali namba 2 foloņ looņ ulune meeniñdi koom uņale indij yoņa kutigiņ, “Mulelem timinej!” Biyagoņ kuyoņ unduņ timiņa Isip kwet wapum wondiniņ kadoko wapum hatidok nindapmaguk. ⁴⁴Unduņ tiņa Felodi Yosep indij niņguk, “Nu Felo iņgoņ oņ, du mu nadilune meeniņ Isiphi adi nehi nadigoņ tiņa nemek nemu tineej.” ⁴⁵Unduņ yoņa Felodi Yosep wou koobuli Isip mede foloņ Safenat-Panea youkuk. Unduņ tiņa yeguk e On yopmaņniņ me siloņ muni heeluguk wou Potifela, adi’walaņ wabi Asinati mimbuune tamņiņ nagikuk. Unduņ tiņa Yosep adi Isip kwet diniņ me wapum hatiņa keleemaadiņa kadokoluguk.

⁴⁶Ala Yosep adi guletņiņ 30 tubune Isipniņ mapme Felo adi’walaņ namanda foloņ mintagak. Unduņ tiņa Felo bikabuņa kaaliņiņ kale wosi hekidi hamaneune Isip kwet wapum wanaņ keleemaadidapmaņ yawooņ kadokoguk. ⁴⁷Gulet 7 maaneņ kwet uņaņ duhu duhu wapum mintagak. ⁴⁸Kaņ Yosep adi gulet 7 wondiniņ maaneņ pandiņ ej haaņgoom fee mumuyeņ mintagak u ugamaale bopneej boiune yokwet wapum ila ugiņneņ udapmaguk. Biyagoņ kuyoņ, adi yokwet wapum tuwot yawooņ dininout haale uguk uņaniņ pandiņ ej haaņgom ugamaaliņa yopmaņ bopnetauguk. ⁴⁹Yosep adi unduņ tiņa pandiņ ej haaņgoom u ime luhi gagayeņ kiņ hatak undiniņ ilune ugamale bopneune kunakunatdok tuwot u kalakapmeune hogok kauleej tinadahi fiit tuguk.

⁵⁰Kaņ map mu mintalune Yosep’walaņ mihiņiņyat lufom mintagumuk. On yopmaņniņ siloņdok muni heheņ me Potifela’walaņ wabi Asinatidi

yanagikuk. ⁵¹Kaŋ Yosep adi mihiniŋ tuwo aditok indin yoŋa wou Manase youkuk, “Bepandi nehitubulodaune wele bulaaningoŋne eŋ baatne’walaŋ yolidok kaule tugut.” ⁵²Mihiniŋ mona’walaŋ wou adi indin yoŋa Efilaim yoguk, “Bepandi kwet inoŋ folofigita ginaŋ hatibene nadisuunamŋa mihi tubumintanamguk.”

⁵³Agan Isip kwet duhu duhu wapum gulet 7 haale labuguk u dapmaune ⁵⁴gulet 7 map nai tububihila mintaguk. Biyagoŋ kuyoŋ, Yosepdi yoguk wondok tuwolit mintaguk. Unduŋ tubune kwetkwet nanaŋedok map wapum hatuune Isip kwet wapumneŋ nanaŋedok baniŋ mu tigiŋ. ⁵⁵Agan Isip kwetneŋ maan fiye kadaka tububihila mintaune metam adi map tiŋa Felo’walaŋ wooŋ nanaŋedok nimbula bulaye tigiŋ. Kaŋ Felodibo Isiphi metam indin yeninguk, “Hidi Yosep’walaŋ uneŋ kaŋ adi dedin hanimbek wondok tuwot tineŋ.” ⁵⁶Fiye kadaka haluune map wapumdi kwetkwet tokidapmaan hakuk. Unduŋ mintaune Yosepdi nanaŋe tinauliibi yot talik dilitomyembuune tuwaan moŋgokiŋ. Unduŋ tulune Isip kwetneŋ map wapum hinek mintaguk. ⁵⁷Unduŋ tubune meeniŋ kwetkwet nanaŋe tuwaneene Isip kwetneŋ ugiŋ. Woŋ adi kwetkwet fiye kadakadi mulabuda hinek tuguk doktiŋa unduŋ tigiŋ.

Fiye 42:1-38 Yosep Daliye Adi Isip Kwetneŋ Ugiŋ

42 ¹Kaŋ Yakobo adi Isip kwetneŋ nanaŋe kedem tuwadok unduŋ nadiŋa mihiniye indin yeninguk, “Hidi maŋgoŋde nadikabaleen hatiŋ? ²Isip kwetneŋ nanaŋe kedem tuwadok yobune nadilat. Ale hidi uŋoŋ wooŋ tuwaan moŋgola buneŋ. Tiyaugede indi nanaŋe map kisaŋ tineemneŋ alaa.” ³Kaŋ Yosep daliye ten adi nanaŋe tuwaneene Isip kwetneŋ ugiŋ. ⁴Biyagoŋ kuyoŋ Yosep’walaŋ kwayaŋ Benyamin adi yadi beudi daliyedut mu uundok nadisuuŋa kahile tubune hakuk. Tiyaugede kwet fiileŋ haulune nemek figitaan niŋ mintamimbaakneŋ yoŋa unduŋ tuguk. ⁵Kaŋ Isilae Mihiniye adi Kanaanhi me noli nanaŋe tuwaneene ugiŋ adut noŋgoŋ ugiŋ. Uge uge usuwagiŋ. Biyagoŋ hinek Kanaan kwetneŋ maan fiye kadaka wapum hakuk.

⁶Yosep adi Isip kwet dinin kadoko me wapum hatiŋila kwetkwet me nanaŋe tuwaneene bulune nanaŋe yembuune kibikooŋ muneŋ miŋgiŋ. Unduŋ tulune daliyedibo busuwan duwookeneŋ namandahik kwet foloŋ tubuwopmoobut timiŋgiŋ. ⁷Kaŋ Yosep adi daliye agan yabukiyondaguk. Ingoŋ mebiŋiŋ kameheebi tiŋa mede fafaŋeniŋgoŋ yeniŋa indin yeninadiguk, “Hidi diŋahi yeŋ biŋiŋ?”

Adibo yogiŋ, “Kanaan kwetneniŋ ala nanaŋe tuwaneene baam.” ⁸Yosep adi daliye agan yabukiyodaguk ingoŋ adi kibi mu kakiyondagiŋ. ⁹Kaŋ Yosep adi koom kwaha aditok lihine tuguk u nadisuguk. Tiŋa indin yeninguk, “Hidi yadi bolik titiŋ me. Hidi yadi indi’walaŋ kwet kanadi tiŋa kwet faakii danŋoŋ momooŋgoŋ mu kadokoyam undihi kanadiku

tineene bujit on.” ¹⁰ Adibo yogin, “Bomboongi, unduŋ moon ale! Tipilapilayemegeye indi yadi nanaŋe tuwaneene bumun. ¹¹ Indi yadi me kubugoŋ diniŋ mihiniye hogohogok. Indi yalaŋ me moon. Eŋ boolik mu tiyam.”

¹² Adibo yeninguk, “Moon, hidi yadi indi’walaŋ kwet faakii daŋgoŋ hogok hatak uku kanadi tineene bujit.”

¹³ Yobune adibo yogin, “Tipilapilayemegeye indi 12 hatigumun. Tiŋa indi hekidalit me kubugoŋ diniŋ mihiniye ala indi Kanaaŋhi. Kwayanik dikineŋ hinek adi beudut halumuk. Eŋ kwayanik noli adi yadi koom kwaha daambek fiikuk.”

¹⁴ Kaŋ Yosepdibo yeninguk, “Nu agaŋ haniŋat, hidi yadi boolik titiŋ me. ¹⁵ Unduŋ doktiŋa medehik diniŋ mebi dakalewaak. Nu Felo’walaŋ wou foloŋ yofafaneŋ hanilat. Kwayahik dikineŋ hinek mu nobu busuwawaak adi hidi kwet i bikabuŋa kotigoŋ yohikwehineŋ mu uneŋ. ¹⁶ Unduŋ doktiŋa hidi’walaniŋ niŋ niŋkulune wooŋ kwayahik dikineŋ nagila baak. Eŋ noli hogohogok hidi yadi yot fafaneŋiŋ ginaŋ itneŋ. Kaŋ nu medehik diniŋ mebi didimeneŋoŋ nadidakalewaat. Unduŋ tiŋa mede yoŋ u kawene yalaŋ nobu tibaak adi hidi boolik titiŋ me hanimbaat. U Felo’walaŋ wou foloŋ yofafaneŋat.” ¹⁷ Unduŋ yoŋa wanakaŋ hogohogok yot fafaneŋiŋ ginaŋ yapmeune melenai lufomkulitniŋ uŋoŋ itougiŋ.

¹⁸ Ala agaŋ melenai lufomkulitniŋ tubune Yosepdi indiŋ yeninguk, “Nu Bepaŋ gikiŋgoŋ timilat doktiŋa hidi hehifiyakutdok nobu nadiyanŋ kaŋ indiŋ tineŋ. ¹⁹ Hidi yalaŋ mu yoŋ kaŋ hidi’walaniŋ me kubugoŋdi yot fafaneŋiŋneŋ iŋgoŋ bikabuune ilune noli hogohogok hidi noohiye nanaŋe map kisaŋ tineeneŋ doktiŋa pandiŋ eŋ haŋgom beŋa uneŋ. ²⁰ Tiŋa kwayahik dikineŋ nagila buune mede biyagoŋ yoŋ unduŋ nadiŋa bihabeene hatineŋ.” Kaŋ daliye adi Yosepdi yoguk undugoŋ tigiŋ. ²¹ Tiŋa nehigoŋ uŋgoŋ kiyonadi tiŋa indiŋ yogin, “Biyagoŋ kuyoŋ, nemek yoŋ adi kwayanik titiŋ hogoli timiŋgumun doktiŋa mintanimulak. Adi munabukadeŋa ninimbulabulaye tulune indi nadikabale tiŋa bikabune uguk. Ale wondegoŋ tiŋa kibikoŋ nemek mulabumuŋ i mintanimlak.”

²² Kaŋ Lubendi indiŋ yeninguk, “Nu agaŋ haniŋgut! Hidi mihi kada u nemek hogoli mu timineŋ. Iŋgoŋ hidi medene nadikabaleŋ tigiŋ wondoktiŋa kibikoŋ mintalak u agaŋ kaŋ nadiiŋ. Naŋgatŋiŋ diniŋ yomdok kibikoŋ mintanimlak.” ²³ Biyagoŋ kuyoŋ, adi yadi Yosepdi medenik agaŋ nadilak u mu nadigiŋ. Yosep adi yadi daliyedut mede yonadi tibene me niŋdut mede yotubutakale tuguk. ²⁴ Unduŋ tiŋa Yosep adi daliye biyabuŋa wooŋ maat kookuk. Unduŋ tiŋa kotigoŋ udaneŋ wooŋ adut mede mede toguk. Tiŋa yobune Simeon lekiŋgoŋhik ginaŋ yakuk hamane tiŋa wooŋ yakalune dauhik foloŋgoŋ kohoŋ ibigiŋ. ²⁵ Tiŋa yobune pandiŋ eŋ haŋgoom likhik ginaŋ dahitoki tiyemiŋgiŋ tiŋa muneŋhik kotigoŋ likhik maŋiŋ ginaŋ kadahiyemgiŋ. Tiŋa talipmen

woonj map nadija nanandok dumuŋ maan dahiyemdok yoguk kaŋ undugonj tigiŋ.

²⁶Kaŋ adi nanaŋe likhik doŋkihiye folonj moŋgolonj boiŋa agaŋ tububihila ugiŋ. ²⁷Uge uge bufaune nalum yot niŋ ginaŋ usuwaan me niŋdi doŋkiŋiŋ nanaŋe mimbeene lik maŋiŋ fiyakula kaguk, be muneerŋiŋ lik ginaŋ uŋgonj dahigiŋ. ²⁸Biyabgonj kuyonj, adi unduŋ kaŋ dali kwayaŋiye yeniŋguk, “Ai! Deebek tiŋa muneerŋe kotigonj likne maŋiŋ ginaŋ kotigonj dahinamuŋit. Lik maŋiŋ ginaŋ i itak onj!” Yobune adi boho tiŋa kikakika tiŋa yogiŋ, “Bepaŋdi dedinj tinimilak.”

²⁹Kaŋ adi Kanaaŋ kwetneŋ behik Yakobo woonj kaŋ nemek mintayemiŋguk wondiniŋ mede kahat wanakaŋ hogohogok tubudapmaan niŋgiŋ. Tiŋa niŋgiŋ, ³⁰“Kwet umun wondiniŋ me bomboonji adi mede fafaŋeniŋ eŋ wapum hinek niniŋguk. Tiŋa inditok boolik titiŋ me niniŋa yot fafaŋeniŋ ginaŋ nipmeguk. ³¹Unduŋ tinimbuune indinj niŋgumun, ‘Indi yadi me kwelemaahi eŋ boolik mu tiyam. ³²Indi me heki dalit 12, beetnik’walaŋ mihiniŋiye. Ala kubugonjdi koom kwaha fiikuk eŋ kwayanik kuyaniŋ hinek adi yadi Kanaaŋ kwetneŋ beetnik dut hatilak.’ ³³Unduŋ yoneene kwet wondiniŋ me bomboonji adi indinj niniŋguk. ‘Hidi me kwelemahi be dedinj adi mebihik indinj tubune habuŋa nadidakalewaat. Ale hidi’walaŋiŋ me kubugonjdi iŋgonj hatilune noli hidi mehimehiye nanaŋe map tineeneŋ doktiŋa nanaŋe moŋgola unej. ³⁴Ala hatigane kotigonj buneene kwayahik kuyaniŋ u maan nagila buneerŋ. Kaŋ hidi boolik titiŋ me moonj me kwelemahi hatiŋiŋ wondiniŋ mebi dakalewaak. Unduŋ tubune daahik tubuudanehambene hidi kwet iŋonj uŋat buŋat tineene kaakaa tiyaneerŋ.’”

³⁵Kaŋ adi lik molomoloom pandinj kwaaneneelune muneerŋ yawenit maan foune yabuŋa bohoo tigiŋ. Unduŋ tiŋa mewoi nehi be behik adi muneerŋ yawe foloonj hinit yabuŋa munta nadigiŋ. ³⁶Kaŋ behik Yakobodi indinj yeniŋguk, “Hidi mihineye noloom-moŋgodapmaiŋ. Yosep agaŋ fiikuk, Simeon iŋgonj mu hatinamulak. Kaŋ yonj adi Benyamin maan nagila unee yoiŋ. Doktiŋa nu bulaaniŋgonj wapum hinek nadilat.”

³⁷Unduŋ yobune Lubendibo niŋguk, “Mu nagikambaat kaŋ wondok kibikoonj nu’walaŋ mihineyat lufom u udihikumumbaŋ. Unduŋ doktiŋa adi fiit nu’walaŋ kohoone folonj kameweŋ. Kaŋ nu kedem kotigonj nagikambaat.”

³⁸Adibo yoguk, “Mihine adi hidut mu waak. Dali agaŋ kumuŋguk doktiŋa adi neehogok kadaa hatinamulak. Hidi talik uneeneŋ uŋonj nemek mulabumuŋ niŋ mintamimbaak adi nu guhakatnenitdi bulaaniŋgonj tiŋa hatigane kumumbaat wondiniŋ yom adi hidi folonj halaak.”

Fiye 43:1-34 Yosep Daliye Isipde Uune Nai Lufoom Tuguk

43 ¹Kanaaŋ kwetneŋ nai yagigi hinek fiye kadaka wapum hakuk. ²Isip kwetneniŋ nanaŋe moŋgo bugiŋ u naune dapmaune behikdi indinj yeniŋguk, “Hidi kotigonj nanaŋeenik tuwaneene uneerŋ.”

³Yobune Yudadi indin niŋguk, “Me woŋ adi mede yofafaje indin tininŋuk, ‘Hidi yadi kwayahik kuyaniŋnit mookit nu’walaŋ namandatne foloŋ mu mintaneŋ.’ ⁴Ale du kwayanik adi indut wanakaŋ uundok nindapmaweŋ adigili kedem woŋ nanaŋe tuwagamuneem. ⁵Adi kame kibida haleŋ adi me woondi indin yoguk doktiŋa mu unim, ‘Hidi yadi kwayahik kuyaniŋnit mookit nu’walaŋ namandatne foloŋ mu mintaneŋ.’”

⁶Yobune Isilaedibo yoguk, “Hidi maŋgoŋ tineene waleene sibila kwayahik diniŋ mebi me u nimbihikin?”

⁷Yobune adibo yogin, “Me woondi indee eŋ meenimeeniye hiditok wanakaŋ nininadiŋa yoguk, ‘Beehik hatilak be? Eŋ kwayahik kuyaniŋ neembe hatilak?’ Unduŋ yobune hatiyam indigoŋ tuwot nindapmagumun. Kaŋ adi kwayahik nagi buneŋ unduŋ yobek u indi mu nadigumun.”

⁸Kaŋ Yudadi beu Isilae adi indin niŋguk, “Mihi adi nu kohoone foloŋ kameune tiulidokoŋ pilale uneem. Kaŋ indi be du be wapmihiniye be indi wanakaŋ mu kumuneem. Kedeem hatineem. ⁹Nu adi’walaŋ kweli kooŋ tibene udaneŋ baakdok yofafajeelat. Ala mu nobu nagila, udaneŋ buŋa habaake foloŋ kamewaat wondiniŋ yom adi nu foloŋ halune hatige hatige kumumbene dapmawaak. ¹⁰Indi wondok wele lufom mu tiyanim binek adi uŋat buŋat tinene nai lufom binek agaŋ tiluwek.”

¹¹Kaŋ beehik Isilae adi indin yeniŋguk, “Taaliu unduŋ titindok nobu hatuwek kaŋ hidi indin tineŋ. Kwet iŋoŋ nemek mintalak uŋaaaniŋ noli yabudakaleŋ momohi u moŋgola likhik ginag kadahiŋa woŋ me u siloŋ timineŋ. Ime wahu munduŋnit, simiŋkupuk gaaliki, bem gumamuum, bem mindip eŋ ŋaaso. ¹²Agan muneŋ koobuli eŋ koom nanaŋe lik maŋineŋ kadahi hambuune moŋgo bugin u wanaŋ moŋgo uneŋ. Waa nebek nadibubuye binek tiŋa tuguk. ¹³Unduŋ tiŋa kwayahik maŋ nagila me adi’walaŋ kotigoŋ uneŋ. ¹⁴Bepaŋ saŋiniŋ moloomdi me ad’walaŋ weleŋ tubukwelemaune daahik eŋ Benyamin yeniŋkulune udaneŋ buneŋ. Biyagoŋ kuyoŋ, nu wapmihineye nobuniŋ nolom-bedapmaune kaŋ wapmihiniŋit mokit undugoŋ hatibaat.”

¹⁵Kaŋ mewoi adi unduŋ tiŋa muneŋ koomii koobuli wanaŋ beegin eŋ Benyamin maŋ nagila Isipde uge uge Yosep’walaŋ usuagin. ¹⁶Usuaune Yosepdi Benyamin daliyedut uune kaŋ kwanai meŋin indin niŋguk, “Yanagila yopmaŋ yapmeweŋ tiŋa kale dobuheŋ nanaŋe he bop tibeŋ kaŋ mewoi adi mele leekiŋ diniŋ nanaŋe u nukut noŋgoŋ nanim.”

¹⁷Unduŋ nimbuune me woondi Yosepdi yoguk wondok tuwot tuguk. Tiŋa mewoi yanagila yopmaŋ yapmeguk. ¹⁸Kaŋ adi Yosep yolineŋ yapmeŋin doktiŋa munta kisaŋ tiŋa yogin, “Kom bugumuneŋ liknik maŋin ginag muneŋ kotigoŋ dahinimŋin ale muneŋ wondok tiŋa iŋaŋ nipmeiŋ. Indi iŋoŋ hatneene labuŋa nihitehiŋa tipilapilaye me tuwaanit mookit nipmeneŋ, eŋ kale dooŋkiniye kubo niloom moŋgotneŋ.” ¹⁹Unduŋ

yoŋa Yosep'walaŋ yot kadoko hatiguk me u talik yemeŋ yatuune indiŋ niŋgiŋ, ²⁰“O bomboonŋinik, indi koom nanaŋe tuwane bugumun. ²¹Ala udaneŋ uge uge yot deikumuneŋ usuwaanŋ liknik dilitoomŋa kagumun be muneerŋnik lik maŋineŋ uŋgoŋ kadahi niŋgiŋ unduŋ yabuŋa boho tugumun. ²²Unduŋ tiŋa yemun e muneerŋ kobuli maanŋ moŋgola bumun. Neediyeŋ liknik ginaŋ kadahiguk u indi mu nadiyam.”

²³Kaŋ adibo yoguk, “U kedem ale munta mu tineŋ. Biyagoŋ kuyoŋ hidee eŋ beehik'walaŋ Bepaŋdi likhik ginaŋ nemek wapum hamuŋguk. Eŋ muneerŋhik adi kedem busuaune yabugut.” Unduŋ yoŋa Simeon nagila foŋ yemguk. ²⁴Tiŋa Yosep yolineŋ yanagila looŋ kayohik youtetdok ime giyemguk, tiŋa doŋkihiye nanaŋe yemiŋguk. ²⁵Kaŋ adi Yosepdi bubundok woomŋale aditok siloŋ timindok nemek moŋgo bugiŋ u ha kunadaanegiŋ. Biyagoŋ kuyoŋ adi nanaŋe uŋaŋ nanandok yogiŋ u agaŋ nadigiŋ.

²⁶Ala Yosep busuaune nemek siloŋ timinee moŋgo bugiŋ u moŋgola looŋ miŋa adi'walaŋ habeen foloŋ duwookeneeŋ namandahik tubuwopmoobut tigiŋ. ²⁷Adi yadi yeninadiŋa yoguk, “Behik me gawadaŋdok yogiŋ adi dedinŋ hatilak?” ²⁸Yobune yogiŋ, “Biyagoŋ kuyoŋ, tipilapilayege, beetnik, me gawadaŋ adi kedem hatilak.” Unduŋ niŋa mulelem tiŋa namandahik tubuwopmobut timiŋgiŋ. ²⁹Kaŋ adi dadiyeerŋ kwayaŋ Benyamin kaŋ yoguk, “Kwayahik kuyaniŋdok yogiŋ iŋaakoŋ be?” Tiŋa yoguk, “Mihi kadaa, Bepaŋ adi momooŋ tigamuŋa gabudokoluwaak.” ³⁰Yosep adi unduŋ yoŋa pilap hinek ne'walaŋ yoli maaneŋ foguk. Adi kwayaŋ kaŋ bulaaniŋgoŋ kisaŋ nadiŋa makat kokotdegoŋ tiŋa unduŋ tuguk. Tiŋa uŋaŋ kookuk. ³¹Tiŋa namanda youteela kotigoŋ foŋ fafaŋeŋ yoguk, “Nanaŋe kameneŋ.” ³²Tiŋa adi nanaŋe neehogok miŋa daliye adi maanŋ nehi hogok yemuŋa Isiphi maanŋ nehi hogok yemgiŋ. Biyagoŋ kuyoŋ Isip me adi Hibulu medut nanaŋe wanaŋ nanandok kamehep hatuguk. Isiphi adi wondok nadiune nemek maadimaadikegoŋ tuguk. ³³Biyagoŋ kuyoŋ Yosep adi fukuniŋ ilune daliye adi fukuniŋ me tuwodi tububihila ilune mintagiŋ indigoŋ tuwolit ilune wooŋ kwayahik kuyaniŋdi iheguk. Kaŋ adi nemek u kaŋ bohoo tigiŋ. ³⁴Tiŋa Yosepdi yobune ne'walaŋ nanaŋe faalek ginaŋniŋ naanaŋe moŋgola yemgiŋ. Tiŋa nolidok kubugoŋ kubugoŋ boiyemgiŋ, eŋ Benyamindok adi 5, 5 unduŋ boigiŋ. Kaŋ daliye adi Yosepdut nanaŋe eŋ wain ime wanaŋ naaŋ wele momooŋ nadigiŋ.

Fiye 44:1-34 Yosepdi Dali Kwayaŋ Yalamukuk.

44 ¹Kaŋ Yosepdi yot kadokoŋiŋ indiŋ niŋguk, “Du me saŋiniŋhikdok tuwolit nadiŋa paŋdinŋ likhik ginaŋ gidahiyembeŋ. Tiŋa yeweŋ e muneerŋhik u yek likhik maŋiŋ ginaŋ molomoloom paŋdinŋ wohiŋ foloŋ kadahiyembeŋ. ²Ime utnaŋne siliwadi tutumbagiŋ uyadi

kwayahik dikineŋ hinek adi'walaŋ lik ginaŋ pandiŋ muneenŋdut wanaŋ dahiweŋ.” Kaŋ agaŋ Yosepdi yoguk wondok tuwot tubudapmaguk. ³Ala heleune mewoi eŋ kale doonŋkihiye wanaŋ yapmeune ugiŋ. ⁴Ulune nai mu kweheyeune Yosepdi yot kadokoŋiŋ indiŋ niŋguk, “Mewoi pilap hinek yahakaliŋa ulan! Woonŋ yabuŋa indiŋ yenimben, ‘Hidi yadi nemek kedem tihamkabaune hidi kibi titiŋ hogoli timiŋa ⁵ime utnaŋiŋ siliwadi tutumbagiŋ u kubonemiŋit? Biyagoŋ kuyonŋ bomboonŋgine adi ime utnaŋ wondiŋime ime nalak. Tiŋa uŋaakoŋ kame hatiŋa kigili mede yolak. Inŋon e, hidiyadi kudi kadakanŋiŋ hinek timiŋit.’ ”

⁶Kaŋ adi woonŋ yabuŋa mede uŋaakoŋ yeniŋguk. ⁷Kaŋ adibo mede kibi indiŋ niŋgiŋ, “Bombonŋginik adi maŋonŋde mede undiniŋ ninilak? Indi yadi titiŋ undihi mu tiyam. ⁸Indi koom muneenŋ liknik maŋneŋ muneenŋ yabugumun u ye kwatnaŋonŋ Kanaaŋ kwetneniŋ tubuudanenŋ moŋgo bugumun. Unduŋ doktiŋa deetiŋa bombonŋgige'walaŋ yolineniŋ siliwa be gol kubo tineetumun? ⁹Tipilapilayegeye needi'walaŋ tubumintaweŋ adiyadi kumunŋ tibek. Kaŋ noli indi tipilapilayegeye tineem.”

¹⁰Adibo yoguk, “Biyagoŋ kuyonŋ yoiŋ undugonŋ hinek mintawek. Biyagoŋ hinek needi'walaŋ lik ginaŋ tubumintanim adi tipilapilayene tibek, eŋ noli hidiyadi kedem hogok woonŋ hatineenŋ.” ¹¹Unduŋ yonŋa mewoi adi likhik kale doonŋki folonŋ woodigiŋ pilap kiteleenŋ moŋgofoonŋ tawa lik mahik folokenehep tigiŋ u fiyakula molomoloom yamaadiyakiŋ. ¹²Kaŋ adi tububihila me tuwo'walaŋ lik dihiŋguk tiŋa lik hogohogok dihitauyeŋ kwayahik kuyaniŋ'walaŋ dihiune dapmaguk. Ime utnaŋ adi Benyamin'walaŋ liiginaŋ tubumintaguk. ¹³U tubumintaune me hekidalit adi dahidahihik ulalaagineenŋ likhik moŋgola doŋki folonŋ boiŋa kotigonŋ udaneenŋ Yosep yolinenŋ ugiŋ.

¹⁴Yosep adi yopmaonŋonŋ hatilune Yuda eŋ dali kwayaŋiye adi woonŋ kaŋ mulelem tiŋa adi mebiyeŋ namandahik tubuwopmoobut tigiŋ. ¹⁵Kaŋ Yosepdi indiŋ yeniŋguk, “Hidi maŋonŋ kudi tiŋit? Me niŋ nu indiniŋdi kigili mede yonŋa mebihik miŋonŋ tubumintawek aditok kaule be tiŋit?”

¹⁶Kaŋ Yudadi indiŋ yoguk, “Bombonŋginik, du maŋonŋ medebo ganinim bee Bepaŋdi tipilapilayegeye indi'walaŋ kadakanŋiŋ agaŋ miŋonŋ tubumintaguk doktiŋa maŋonŋ mede foloonŋbo yonŋa ganineene tuwot tibek? I nadiweŋ. Biyagoŋ kuyonŋ bomboonŋginik, indi agaŋ du'walaŋ kwanai megeye tiyam, indi inde eŋ me likniŋgiŋ ginaŋ ime utnaŋ tubumintanaŋ adi maŋaŋ wanakaŋ.”

¹⁷Kaŋ adibo yoguk, “Unduŋ moonŋ, adi tobo me needi'walaŋ lik ginaŋ ime utnaŋ ilaŋaak adi hogokdi nu'walaŋ tipilapilayemene hatibaak. Nooli hogohogok hidi kedem kwelemaonŋonŋ beehik woonŋ kanenŋ.”

¹⁸Unduŋ yobune Yudadi pilap hinek loonŋ indiŋ niŋguk, “O bomboonŋgine, du yadi Felo netok tuwolit hatilaŋ inŋonŋ fiit nu namandake folonŋ mede yobene nadiŋa kwihita mu tinambenŋ. ¹⁹Bomboonŋginik,

du tipilapilaye megeye indij nininadiguj, ‘Hidi beehik be, bee kwayahik kuyaniņ neembe hatilak?’ ²⁰ Kaņ indi bombonġinik du indij ganiņgumun. ‘Indi beetnik uņġoņ hatilak, ala me gawadaan tija hatilune kwayanik kuyaniņ niņ mintaguk. Nee’walaņ dali biyeniņ kumuņ tuguk. Mehikdi biyagoņ hinek meyat lufom hogok yanagikuk ala adi hogok hatilak, unduņ doktiņa beudi kahile hinek tilak.’ ²¹ Kaņ du ye tipilapilaye megeye indij niniņguj., ‘Hidi kwayahik nagila buune kawaat’ ²² kaņ indi bomboonġinik, du indij ganiņgumun, ‘Mihi woondi beu tuwot mu bikaabaak, nobu bikaabaak adi beu kumumbaakneņ.’ ²³ Kaņ du indij niniņguj, ‘Kwayahik kuyaniņ mu baak adi hide hogok nu’walaņ namandatne foloņ mu mintaneņ hinek.’ ²⁴ Biyagoņ kuyoņ indi usuwaan tipilapilayemege beetnik kaņ du’walaņ mede uņaakoņ hinek nimbuhikumun. ²⁵ Kaņ hatigane beetnikdi indij niniņguk, ‘Hidi kotigoņ nanajeenik tuwane uneņ.’ ²⁶ Unduņ yobune indibo indij niņgumun, ‘Indi adi indee hogok mu unim. Kwayanik kuyaniņ wanaņ unim ninimber wondok kedeunim. Adinit mookit adi me wondiniņ habeeņ foloņ mu usuwanim.’ ²⁷ Unduņ yoneene beetnikdi indij niniņguk, ‘Tamnede mihineyat lufom hogok yeheņeguk u hidi agaņ nadiiņ. ²⁸ Kaņ niņ adi binabuņa fiilune indij yogut, “Adi yadi kale moihiđi sibulaagibulaagit tuguk doktiņa mu kagut eņ indidegoņ maañ mu kalat.” ²⁹ Ala i hatilak adi maañ noloom tubuune nemek niņ mintamimbuune nu guhakatnenitdi bulaaniņgoņ tiņa kumumbaat wondok kibikooņ kadakanij hidi foloņ lowaak.’ ³⁰ Unduņ doktiņa biyagoņ hinek nu mihi adinit mookit tipilapilaye mege beetnik adi’walaņ usuwawene weleeņđi mihi u kahile hinek tilak doktiņa ³¹ biyagoņ hinek mihi u lohiņa uņaaniņgoņ kumumbaak. Indi unduņ nobu tineem adi betnikdi bulaniņgoņ tiņa kumumbaak wendiniņ yom inditok tibaakneņ. ³² Unduņ doktiņa tipilapilaye mege nu mihi aditok kibikooņ titindok baatne yofolok indij timiņgut. ‘Nu munobu nagila udaneņ baat woondiņ kibikooņ yom adi du’walaņ namandake foloņ heki hatige hatige kumumbene dapmawaak.’ ³³ Unduņ doktiņa yoņ adi tipilapilaye mege nu yadi mihidok kibikooņ bombonġine dutok tipilapilaye hatigamdok nadinamņa mihi u bikaabeņ kaņ daliyedut udaneņ wek. ³⁴ Nu mihi adinit mookit baatne’walaņ deeti udaneņ wit? Nu baatne nemek undiniņ mintamimbuune kakaņđok munta hinek nadilat.”

Fiye 45:1-28 Yosep Nee’walaņ Meebii Yeenimbihikuk.

45 ¹ Kaņ Yosep adi bulaaniņgoņ kisaņ nadiņa meeniņ keleemadiņa yaķiņ u indij yeniņguk, “Meeniņ i yeniņkulune fodapmaneņ!” Unduņ yobune Isiphi hogohogok adi fodapmaune Yosepđi daliye ne’walaņ mebiņiņ yeniņguk. ² Tiņa makat kakaņ koola toobuune Isiphi metamđi nadigiņ, eņ metam Felo’walaņ yolineņ hatigiņ adi maañ nadidapmagiņ

³Unduŋ tiŋa Yosepdi daliye indiŋ yeninguk, “Nu Yosep! Baatne hatilakbe?” Kaŋ daliye adi sukuleeŋ bohoo kisaŋ tiŋa mahik gaaliune mede map yaŋiŋ.

⁴Unduŋ tubune Yosepdi daliye indiŋ yeninguk, “Hidi bubuyeeŋ yamaaŋgoŋ yatneŋ!” Kaŋ daliye adi wooŋ yamaŋgoŋ yalune indiŋ yoguk, “Nu kwayahik Yosep, biyagoŋ hinek me Isiphi kohohik foloŋ napmeeŋ nu’walaŋ tuwaaŋiŋ moŋgokiŋ nu iŋaakoŋ. ⁵Ale munta mu tineŋ eŋ bulaaŋiŋgoŋ kisaŋ mu nadineŋ. Biyagoŋ kuyoy tuwaaŋe moŋgola me Isip kohohik foloŋ napmeŋiŋ adi nu hehitubulodawene kedem hatidok Bepaŋdi napmeune koom bugut. ⁶Yoŋ adi fiye kadaka nai halune gulet lufom agaŋ tilak. Tiŋa diniyeti bee moŋgotna yout mu tiŋa hogok indigoŋ hatiyaŋeene gulet 5 dampawaak. ⁷Wapmihi tamhiye adi pilap mu liweneeŋ eŋ hidi’walaŋhi metam feedi mu kumuŋa kaipmuŋ tomboyoula hatidok Bepaŋdi biyagoŋ hinek timenŋ napmeune bugut. ⁸Ale hidi moonŋ, Bepaŋdi napmeune bugut. Adigoŋ Felo’walaŋ beu tiŋa yoli kadokoŋila Isip kwet wapum yendiniŋ me bombooŋgi hatidok napmeguk. ⁹Unduŋ doktiŋa pilap hinek wooŋ baatne nineŋ, ‘Mihige Yosep adi dutok mede indiŋ yolak, “Bepaŋdi Isip kwet hogohogok wondiniŋ me bombooŋgi napmeguk, ale du nadihimihimile mu tiŋa pilap hinek pilale nu’walaŋkade baan. ¹⁰Tiŋa na itoulatneŋ Goseŋ kwetneŋ yamaaŋgoŋ itouluwaaŋ. Du daa eŋ mihige laageye eŋ kale dompa makaugeye tiŋa nemenemek hakaamulak hogohogok wanakaŋ. ¹¹Du uŋoŋ itoulune gabudokoluwaat. Woŋ adi fiye kadakadi gulet 5 tomboyoula halune daa be bee maagemaageye eŋ nemenemek hatigamiŋiŋ hogohogok hidi hambeep hinek tineeneŋ doktiŋa unduŋ tibaanŋ.” ’ ’ ”

¹²Unduŋ yoŋa indiŋ tomboyoula mewoi yeninguk, “Nu nagoŋ hinek hidut mede yonadi tilat u yadi hide dauhikdi hinek nabiŋiŋ, tiŋa kwayane Benyamindi maanŋ kalak. ¹³Tiŋa Isip kwetneŋ kwanai loloŋnit namuŋgiŋ kaŋ tihatilat ube bee nemek noli kanadi tigiŋ u wanaŋ baatne mede kahat timineeŋ. Tiŋa pilap hinek nagila buneeŋ.” ¹⁴Unduŋ yoŋa kwayaŋ Benyamindut kitoboo tiŋa makat kookumuk. ¹⁵Unduŋ tiŋa daliye hogohogok wanaŋ yoboona makat kobulabulaye tiyemguk. Unduŋ tiyembuune daliye adi kwayahik Yosepdi mede mede togiŋ.

¹⁶Unduŋ tubune Felo’walaŋ yolineŋ mede indiŋ usuaguk, Yosep’walaŋ daliye buŋit. Mede u Felo eŋ tipilapilaye metamŋiyedi nadiŋa wele momooŋ nadigiŋ. ¹⁷Tiŋa Felodi Yosep indiŋ niŋguk, “Dakeye indiŋ yenimbeŋ, ‘Hidi nanaŋeehik kale woosi foloŋ boiŋa Kanaaŋ kwetneŋ kotigoŋ udaneŋ wooŋ ¹⁸beehik eŋ wapmihi tamhiye yanagila nu’walaŋkade buneeŋ. Kaŋ Isip kwetneŋ duhuduhu wapum hatak uŋaakoŋ hinek hambeene kwet uŋoŋ diniŋ nanaŋe kale hatak u naneŋ.’ ¹⁹Du adi indiŋ yenimbeŋ yoŋa ganilat. ‘Hidi wapmihi tam doktiŋa Isiphi kaali woosidi yehemaaneŋiŋ u yehemaaneŋ wooŋ behik nagı buneeŋ.

20 Tiņa undugon nemenemekhik nolidok nadibedi mu tineerj. Isip kwet wapumnerj nemek foloņj momooņ hinek mintalak uyek hiditok gigit tibaak.’ ”

21 Kaņ Isilae mihinjiye adi undugon hinek tigiņ. Tiņa Yosep adi Felodi yoguk tuwot kaali eņ talik foloņj dumuņ nakilitiņa uundok wanaņ yemguk. 22 Tiņa guletdok dahidahi molomoloom kubukubugon yemguk eņ Benyamindok adi guletdok dahidahi 5 eņ siliwa muneerj 300 miņguk. 23 Unduņ tiņa yeguk e beudok adi donki 10 foloņ Isiphi nemek momohi aditok tiulidokogin eņ donki taamuhi 10 foloņ pandiņ, bomboņ noli eņ talik buņila nanandok dumuņ belet heki umaerj boiune beenja ugiņ. 24 Unduņ tiņa daliye yeniņkula indin yeniņguk, “Hidi talipmeņ uņila tosiwe mu tineerj.”^m 25 Daliye Isip bikabuņa uge uge Kanaerj wosuwarj behik Yakobo kaņ mede kahat indin timingiņ, 26 “Yosep adi kaipmuņ hatilak, biyagon kuyon adi Isip kwet diniņ me bombooņgi hatilak!” Iņgoņ e, beehik adi medehik nadiune foloņj mu tubune wele kwaambuņ tuguk. 27 Unduņ hatulune adi gicine tiņa Yosepdi mede yeniņguk tuwolit niņdapmagin. Kaņ Yosepdi beu nagila uundok kaali wosidi yehihamantiin kameemiņguk u busuwaune beehik Yakop adi u kaņ welemomooņ hinek nadiguk. 28 Tiņa yoguk, “Kedeem hinek mihine Yosep kaipmuņ hatilak, tigaane nu mu kaņ kumumbaatnerj ale pilap wooņ kawaat.”

Fiye 46:1-34 Yakop Isipde Uguk.

46 ¹Kaņ Isilae adi ne’walaņ nemenemek hogohogok tiulidokooņ moņgodapmaerj Isipde moņgola uguk. Wooņ Beasiba yopmaņ usuwaerj Beu Aisak’walaņ Bepaņ muni heemiņguk. ²Kaņ Bepaņdi timin lihine foloņ Isilae indin niņguk, “Yakop, Yakop!” Adibo yoguk, “Nu yoņ eerj.”

³Kaņ yoguk, “Nu baha’walaņ Bepaņ. Ale du Isipde wene munta mu tibeņ. Nu uņoņ gehitubulodawene kisaņ ulihakaerj me bop wapum fee tibaerj. ⁴Nu dukut Isip kwetnerj noņgoņ wooņ hatibaat, hatigane kotigoņ gehitubuudanewaat. Yosep negoņ kohoņdi dauge tiņafooņ kufulaawaak.” ⁵Unduņ nimbuune Yakop adi Beasiba bikabuņa pilalune mihinjiye beehik eņ wapmihihije eņ taamuhiye wanakaņ kale wosidi kaali hamaneyagin foloņ yapmeune login. Biyagon kuyon, Felodi Yakop nagitdok kale wosidi kaali hamaneyagin kameune buguk foloņ login. ⁶Tiņa yalakihiye eņ nemenemek Kanaerj kwetnerj hatilune mintayemgin kaleehije u wanaņ moņgola uge uge Isip kwetnerj usuwagin. Yakop eņ yalakiņiye hogohogok ⁷mihiniņ wabiņiye eņ laaniye wanaņ hogohogok Isip kwetnerj yanagila uguk.

^m 45:24 Mede uņakoņ ala mede noli gineņ indin hatak: Welemulap mu tineerj.

⁸ Kanj yonjadi Isilae yalakinjiye Isip kwetnej usuwagin adi'walaŋ wouhik habet. Yakop mihinjiye hinek: Luben Yakop mihinjin tuo. ⁹ Luben mihinjiye: Hanok, Pallu, Heslon eŋ Kami. ¹⁰ Simeon mihinjiye: Yemuel, Yamin, Ohad, Yakin, Sohar, eŋ Shaul. Kanaan tam'walaŋ mihi. ¹¹ Lewi mihinjiye: Gelson, Kohat, eŋ Melat. ¹² Yuda mihinjiye: Elo, Onan, Sila, Peles tiŋa Sela. Ingoŋ oŋ, Elo eŋ Onan adi Kanaan kwetnej kumungumuk. Peles mihinjiyat: Heslon eŋ Hamul. ¹³ Isaka mihinjiye: Tola, Pua, Yasup eŋ Simlon. ¹⁴ Sebulun mihinjiye: Seled, Elon eŋ Yaleel. ¹⁵ Yoŋ adi Leadi Padan Alam kwetnej hatinila Yakopdok yanagilinguk. Wabinjin Daina maan. Kunakunathik kiulune 33 tuguk. ¹⁶ Gad mihinjiye: Sephon, Haggi, Suni, Esbon, Eli, Alodi eŋ Aleli. ¹⁷ Ase mihinjiye: Imna, Iswa, Iswi eŋ Belia. Wihik Sela. Belia mihinjiye: Hebe eŋ Makiel. ¹⁸ Yakop'walaŋ wapmihi 16 yoŋ adi Silpadi yanagikuk. Silpa adi Labandi wabinjin Leadok tipilapilaye wabi miŋguk. ¹⁹ Yakop taamuŋin Lesel'walaŋ mihinjiyat: Yosep, eŋ Benyamin. ²⁰ Yosep mihinjiyat: Manase eŋ Eflaim adi yadi Isip kwetnej mintagumuk. Isipniŋ me lolonit Potifela adi'walaŋ wabinjin Asenat yanagikuk. ²¹ Benyamin mihinjiye: Bela, Beke, Asbel, Gela, Naaman, Ehi, Los, Mupim, Hupim eŋ Ad. ²² Yakop'walaŋ mihinjiye 14 yoŋ adi Leseldi yanagikuk. ²³ Dan mihinjin: Husin. ²⁴ Naftali mihinjiye: Yasiel, Guni, Yesel, eŋ Silem. ²⁵ Yakop'walaŋ mihinjiye 7 yoŋ adi Bilhadi yanagikuk. Bilha adi Labandi wabinjin Leseldok tipilapilaye wabinjin miŋguk. ²⁶ Metam Yakob ne'walaŋ yalakinjiye mintagin hogohogok yehikunatneene 66 tuguk. Yakop mihinjiye'walaŋ tamhiye'walaŋ kunakunat adi injaŋ mu tomboyoulinit. ²⁷ Yosep'walaŋ mihiyat Isip kwetnej mintagumuk adi lufom hogok. Biyagoŋ hinek Yakop'walaŋ meenimeenjiye Isip kwetnej budapmagin kunakunathik 70.

²⁸ Taalipmenj unjila Yakop adi Yuda niŋkulune Yosep nimbeene timenj uguk. Adi wooŋ nimbuune Goseŋ kwetnej wek yoŋa unduŋ tuguk. ²⁹ Yosep adi yobune kalis tiulidokomimbuune looŋ beu Isilae kawene Goseŋ kwetnej uguk. Wooŋ kanj tobooŋa kisaŋ kookuk. ³⁰ Kanj Isilaedi Yosep indin niŋguk, "Du kaipmuŋ hatilune gabulat doktiŋa kedeŋ walane lodaune kumumbaŋ." ³¹ Kanj Yosepdi daliye eŋ beu'walaŋ meenimeenjiye indin yeniŋguk, "Nu Felo wooŋ kanj indin nimbit, 'Datneye eŋ baatne'walaŋ meenimeenjiye adi Kanaan kwetnej hatigin ala nu'walaŋkade bugin. ³² Tiŋa adi yadi dompa yabudoko tiŋila makau kwanai maan tiin. Unduŋ doktiŋa dompa eŋ makauhiye wanaŋ yanagila bugin.' ³³ Kanj Felodi hanihehamaŋeŋ, 'Hidi maŋgoŋ kwanai tiin' ³⁴ haninadiune indin nineeŋ, 'Tipilapilayegeye indi yadi beetniye dabugoŋ. Ala kuyahinengoŋ kale kwanai tububihila tugumundi tiyam.' Hidi unduŋ yoneŋ kanj Gosen kwetnej hatidok hanindapmawek. Isiphi me dompa makau kwanai tiin meeniŋ undihidok adi nadiyembuune maadimaadikengoŋ tilak."

Fiye 47:1-12 Yakopdi Felo Kahan Timiŋguk.

47 ¹Yosep adi unduŋ yoŋa wooŋ Felo indin niŋguk, “Baatne eŋ daatneye eŋ kale makauhiye eŋ nemenemekhiye hogohogok wanaŋ budapmaiŋ Gosen kwetneŋ hatiŋ.” ²Tiŋa daliye walahi 5 yehidaaneŋ Felo namanda foloŋ yapmeune yakin. ³Kaŋ Felodi Yosep daliye indin yeninadiguk, “Hidi maŋgoŋ kwanai tiŋila hatiŋ?” Unduŋ yeninadiune indin niŋgin, “Tipilapilayemegeye indi beetniye adi undihigoŋ dompa yabudoko kwanai tiyam.” ⁴Tiŋa tomboyoula Felo indin niŋgin, “Indi yadi kwet iŋoŋ hogok buŋambu hatineene bugumun. Kanaaŋ kwetneŋ fiye kadaka wapum hinek hatak doktiŋa tipilapilayemegeye indi dompaniye adi nanaŋe map tigiŋ. Unduŋ doktiŋa tipilapilayemegeye indi Gosen kwetneŋ hatidok yoyam.”

⁵Kaŋ Felodi Yosep indin niŋguk, “Baha daakeye adi du’walaŋkade kedem bugiŋ. ⁶Tiŋa du adi’walahi me kale kwanai tiŋa nadihinakiŋ neŋnobi nadiyemilaŋ kaŋ yehidaneŋ nu’walaŋ kale yabudokodok yapmewaaŋ.”

⁷Unduŋ tiŋa mindaŋ Yosepdi beu Felo titiŋeneune kakaŋdok nagila loguk. Kaŋ Yakopdi Felo kahaŋ timiŋguk. ⁸Kaŋ Felodi Yakop ninadiguk, “Du guletge deedigoŋ?”

⁹Yakopdi Felo mede indin tubuudanemiŋguk, “Kwet foloŋ buŋambu hatihati naine gulet 130 agaŋ dapmaguk. U nai muniŋgoŋ iŋgoŋ oŋ folofigita eŋ bulaaniŋgoŋnit. Tiŋa baatne eŋ papaneye’walaŋ kwet foloŋ buŋambu hatihatihik diniŋ gulet nai kweheyehi iŋgoŋ nu wondok tuwolit mu tubumintalat.” ¹⁰Yakop adi unduŋ yoŋa Felo kahaŋ timiŋa uguk. ¹¹Yosep adi beu daliye yokwet tubuminta yemiŋa Isip kwet diniŋ faakiiniŋ nehitoŋ gigit titindok yenindapmaguk. Kwet woŋ adi momooŋ hinek. Felodi yoguk wondok tuwot hinek Lamesesi kwet yemguk. ¹²Tiŋa Yosep adi beu daliye eŋ beu diniŋ meenimeeniye hogohogok eŋ wapmihihiedok tuwolit nanaŋe daneyemguk.

Fiye 47: 13-26 Yosepdi Map Wapum ginaŋ Metam Yabudokoguk.

¹³Kaŋ kwetkwet belet eŋ nanaŋe lohigiŋ. Biyagoŋ hinek fiye kada wapum halune Isip eŋ Kanaaŋ kwetneŋ meeniŋ hatigiŋ adi nanaŋe map kisaŋ tiŋa kumuŋ gweheye tiŋa tigiŋ. ¹⁴Yosep adi yadi Isip eŋ Kanaaŋ kwetneŋ nanaŋedok muneŋ moŋgo bugiŋ hogohogok u moŋgola bopneguk. Tiŋa muneŋ u Felo’walaŋ yolineŋ moŋgola uguk. ¹⁵Unduŋ titauuyei Isip eŋ Kanaaŋ kwetneŋ wanaŋ muneŋ dapmaune meeniŋdi Yosep’walaŋ buŋa yogiŋ, “Du nanaŋe nimbeŋ! Indi maŋgoŋde dauge foloŋgoŋ kumunim ale unduŋ niibikabaleeŋ hataŋ? Biyagoŋ hinek muneŋnik agaŋ dapmaguk.”

¹⁶Yobune Yosepdibo yoguk, “Muneŋhik nobu dapmawek kaŋ kaleehik moŋgola buneriŋ, kaŋ nu wondok kibikooŋ nanaŋe hambit.” ¹⁷Unduŋ

yobune adi kaleehiye wosi, dompa, makau eŋ doŋki moŋgola buune kibi nanaje yemguk. Gulet wondok adi unduŋ tiŋa kale hekidi sidokoune nanaje yemtoiguk. ¹⁸Gulet u dapmaune gulet niŋ foloŋ kotigoŋ buŋa niŋgiŋ, “Bombooŋginik, indi du’walaŋ namandake foloŋ mebinik deeti kame heebinim. Muneŋ agaŋ dapmaguk eŋ kaleenik hogohogok agaŋ dutok gigit tubudapmaguk. Unduŋ doktiŋa inde eŋ diniyetidok kwetnik hogok hatnimilak. ¹⁹Indi inde bee kwetnik u maŋgoŋde dauge foloŋ kadakanim? Unduŋ doktiŋa indi inde bee diniyeti kwetnik nanaje dok nihituaune Felodok tipilapilaye kwanai timineem. Indi kumuŋ liwe tineene kwet hogok halaakneŋ ale nanaje youli nimbuune fiye diniyeti tineem.”

²⁰Unduŋ yobune Yosepdi Isip kwetneŋ fiye diniyeti kwet hogohogok tuwadapmaune Felodok gigit tubudapmaguk. Fiye kadaka wapum hinek halune map kisaŋ tigiŋ tiŋa Isiphi feedi diniyeti kwethik tuwadok yodapmagiŋ kaŋ kwet u Felodok tubudapmaguk. ²¹Tiŋa Yosepdi Isip kwet fukuŋ fukuŋ, wohiŋkade eŋ komaŋkade meeniŋ hatitaugiŋ hogohogok Felo’walaŋ tipilapilaye kwanai titindok yehene dapmaguk. ²²Me bepaŋ yalayaŋ kwanai me heki’walaŋ kwet hogok adi mu tuwaguk. Adi yadi Felo’walaŋ tuwahik moŋgokagiŋ, doktiŋa Felodi kwanaihikdok tuwaŋiŋ yemluguk woondi nanaŋeehik sidokoluguk. Unduŋ doktiŋa kwehik tuwadok mu yodapmagiŋ. ²³Kaŋ Yosepdi metam indiŋ yeniŋguk, “Nu kamiŋ hidee eŋ kwehik hehituwawene Felodok tubudapmaiŋ. Ale nanaje youli i moŋgola diniyeti tineŋ. ²⁴Ala folooŋ mintaune ugamaali bop 5 tilat yeŋke bop kubugoŋ e Felodok kameyaneŋ eŋ hidetok e bop 4 moŋgokaneŋ. Woŋ adi kwanai diniyeti kotigoŋ tubune mintaune hidee eŋ mehimehiye eŋ wapmihihaye hide nanandok unduŋ tiyaneŋ.”

²⁵Adibo yogiŋ, “Du hatihatiniŋ doktiŋa nihitubulodalaŋ, ale indi hatineem tuwot bomboŋginik du niibiune kedebaune Felo tipilapilaye timineem.”

²⁶Yosep adi unduŋ tiŋa Isip me kwehineŋ yodoko mede indiŋ kameune hakukdi hatak.ⁿ Nanaje heki ugamaale 5 bopneŋ uŋaniŋ 1 e Felodok boiyaneŋ. Me bepaŋ yalayaŋ’walaŋ heheŋ tiyagiŋ heki’walaŋ kwehik hogok Felodok gigit mu tuguk.

Fiye 47:27-31 Yakop Kumuŋ Naiŋiŋ Dulaguk.

²⁷Unduŋ mintaune Isilae me adi biyagoŋ hinek Gosen kwetneŋ hogok itouyagiŋ. Tiŋa kwet u kahileŋ mintaulihaka kisaŋ tigiŋ. ²⁸Kaŋ Yakop adi Isip kwetneŋ gulet 17 tomboyoula hatibuune guletiŋiŋ 147 dapmaguk. ²⁹Unduŋ tubune kumuŋ naiŋiŋ dulaune mihiniŋiŋ Yosep nihamaneune

ⁿ 47:26 U indi’walaŋ nai kobuk hatiyam wendok mu yolak. Woŋ adi me pepa i youkuk adi’walaŋ nai gineŋ wondok yoguk.

buune indin ninguk, “Du wele momoon ej silon tinambeene kan indin tibaan. Kohoge baane faalipmen kameen yofolok tinamben. Du Isip kwetnen inon mu nehiwenewa. ³⁰Nu ye baatne papaneye yehitomboyoula kumumbeene Isip kwetnenin nanagila woon adi’wala mewenen kwetnen nehiwenewa.”

Adibo yoguk, “Yolan wondok tuwot tibaat.”

³¹Kan yoguk, “Yofolok tinamben.” Kan yofolok timinguk. Kan Yakop adi kuyan folon mali kwambundaan ilan Bepan niutumbaguk.

Fiye 48:1-22 Yakopdi Yosep Mihiniyat Yehi Kahaḡneguk.

48 ¹Hatigane Yosep mede kahat indin timingin, “Nadilaḡbe? Baha yagit tilak.” Kan mihiniyat Manase ej Efilaim yeheneune ugin.

²Kan Yakop ningin, “Abe nadilaḡ! Mihige Yosep gaabe bujak.” Kan Yakop adi fafaḡeen gulupnin bikabuḡa pilale ikuk.

³Tiḡa Yosep indin ninguk, “Bepan, Saḡinin Moloom adi Kanaan kwet wapumen, Lusi yokwetnen unon mintanamuḡa nehikahaḡneen ⁴indin naninguk, ‘Nadilaḡbe? Nu gehikahaḡnewene kisaḡ ulihakawaan. Tiḡa du me bop wapum fee tibaan kan yalakigeye adi kwet i yembeene aditok hinek fafaḡenin halaak.’ ⁵Undun doktiḡa nu Isip kwetnen mu buluwene mihigeyat lufom mintagumuk adi yadi nutok gigit tideemek. Efelaim ej Manase adi yadi Luben ej Simeon hatinamaamuk aditok tuwolit hatinamdeemek. ⁶Kan wabige mihigeye mindan mintagamneen adi datok gigit hatigamuneen. Adi kwet yenindapmanjiten unon hatineen. Ala adi yadi nehi’walaḡ wouhik mu mintawaak. Dahiyat’walaḡ wouhik hogok miingon mintawaak. ⁷Nu yadi Mesopotamia kwetnenin buge buge Efalata yokwet tubudulaluwene Lesel Kanaan kwetnen kumumbuune Efalata yokwetnen Betelehem kuyon unon wenefulagut.”

⁸Tiḡa Isilae adi Yosep mihiniyat yabuḡa yonadiguk, “Meyat i needigon?”

⁹Kan Yosepdi beu indin ninguk, “Mihineyat kwet inon hatiluwene biyagon hinek Bepandi namguk.”

Adibo yoguk, “Yeenimbuune budemek kan yehikahaḡnewit.” ¹⁰Isilae adi aḡan me gawadaan hinek tuguk doktiḡa dawi sububa tuguk, undun doktiḡa nemek kedemgon mu yabukiyondaguk. Tiḡa yenimbuune hebeen folon woon yalune yoboona yehisingongomeguk. ¹¹Tiḡa Yosep indin ninguk, “Nu namanadaake kotigon kawaat u mu nadisugut, inon ya Bepandi nadinambuune yalakigeyat maan yabulat.” ¹²Kan Yosepdi baan folonin yeheneen fon kwet folon yambiyale duwookeneen namanda kwet folon tubuwopmobut tuguk. ¹³Undun tiḡa Yosep adi kohon didimenin Efalaim nagila Isilae’walaḡ kohon kapmaadinenkade kameguk, aḡan kohon kapmadidi Manase nagila Isilae’walaḡ kohon didimeninjenkade kameguk. ¹⁴Kan Isilaedi kohon kikalakapmen

kihiwalerja kohon didimenij mona Efalaim mebi folonj kameguk. Enj kohonj kapmaadi e tuo Manase mebi folonj kameguk. ¹⁵Unduŋ tiŋa yehikahaŋneen indij yoguk,

“Baatne papaneyat Abalaham enj Aisak adi Bepaŋ’walaŋ namanda folonj hatigumuk.

Bepaŋ adigonj hinek kahaŋ tiyembek.

Fologfigita mebimebi ginaŋnij nehitudulodaguk,

¹⁶Aŋelo woondi mihiyat i yehikahaŋneune nu’walaŋ wotnenedi adi folonj haali wooŋ halaak.

Tiŋa baatne papaneyat Alalaham enj Aisak adi’walaŋ wouhik maan. Kaŋ mihiyat adi kwet folonj kisaŋ ulihakadeemeek.”

¹⁷Kaŋ Yosep adi beudi kohon didimenij Efalaim’walaŋ mebi folonj kameguk u kaune tuwot mu tubune beu’walaŋ kohonj Efalaim’walaŋ mebi folonj hakuk kwehene tiŋa Manase’walaŋ mebi folonj kamewit yoŋa tuguk ¹⁸tiŋa yoguk, “Mebaŋ unduŋ moonj! Mihi tuo adi iŋak ale kohoge didimenij adi adifolonj kamewej.”

¹⁹Iŋgonj Beu adi moonj niŋa yoguk, “Mihine, nu agaŋ nadilat. Nu nadihinaka tilat Manase adi maan me loloŋnit hatibaak enj adi’walaŋ yalakiŋiye adi meeniŋ bop wapum fee tineen. Ala kwayaŋdi kabe kalakapmewaak tiŋa adi’walaŋ yalakiŋiyedi meeniŋ bop mohok fefe tiŋa hatineen.” ²⁰Unduŋ yoŋa melenai uŋaŋiŋgonj yehikahaŋneen yoguk,

“Hidi’walaŋ wouhik folonj yofolok tiyaneen

Isilae me adi yokahaŋ tineene indij yoyaneen.

Bepaŋ adi Efalaim enj Manase yehikahaŋneguk wondok tuwolit tihambaak.”

Biyagonj kuyonj adi unduŋ tiŋa yeguk e Efilaim Manasedok me wapum kameguk.

²¹Isilae adi unduŋ tiŋa Yosep indij niŋguk, “Nu adi agaŋ kumuŋdok naine dula tilak. Bepaŋ adi hidut hatige hatige hanagilune dadahiye kwehineŋ kotigonj udaneŋ uneen. ²²Biyagonj kuyonj nu kwet haanŋi niŋ Amolihi tebedi enj kwaadidi widihi yahakaliŋa yoloom tigut uye dutok hogok tomboyoula gamulat.”

Fiye 49:1-28 Yakopdi Mihiniyedok Kigili Mede Yoguk.

49 ¹Nai niŋde Yakop adi mihiniye yeniyeehemaaneen indij yoguk, “Hidi bopneneŋ, kaŋ kougonj hatitaloneeneŋ nemek mintahambaak wondok mede hanimbit.

²Mihineye, hidi bopnedapmanen, tiŋa beehik Isilae nu’walaŋkade maagihik kametnadineŋ!”

³“Luben du mihine tuo. Biyagonj hinek du yadi saŋiniŋ enj fafaŋene diniŋ foloonj timenŋ mintaguŋ. ⁴Du yadi imedi kiula fafaŋeniŋgonj miŋoobu taulak undiniŋ. Du baha nu’walaŋ gulup folonj loguŋ tiŋa

yegun e nai unjanij gulup u tubugengen tugun. Undun doktija me wapum lolonit mu hatibaaŋ.”

- 5 “Simeon en Lewi, hidi yadalit. Miikhikdi folofigita kwanai tilak.
6Walanedi hidi’walaŋ bop ginan mu tomboyoolaat. Hidi kwihita folon me widihikumungumuk en weleehik be maagihik youhep tija kale makau yehitubufigitagumuk doktija wotnegigitdi adi’walaŋ nadihebet mu ulihiwaak. 7Naadikadakahikdi weleehik kudupdalak doktija haaki timindok, en kwihitahik wapum umaan. Nu Yakop’walaŋ kwet folon hehiulitawawaat, en Isilae me heki’walaŋ lekingorhik ginenij hehidaanewaat.”
- 8 “Yuda, du yadi daake kwayagedi ganiutumba tiyaneen. Kohoge adi memikgeye’walaŋ koodihik folon halaak. Baha’walaŋ mihinije adi du’walaŋkade duwookeneneen. 9Yuda, du yadi kale layon mihiniŋ nabugon. O mihine, du kale molo, kale utnan tihatija bedigun. Du kale layon maaniŋ mihiniŋ undiniŋ foon hakweelaŋ tija undugon layon tamuniŋ undiniŋ. Neediyeŋ galaamut kedem tibek? 10Maapme diniŋ kuyan won adi Yuda’walaŋ kayon bop mu bikabuŋa waak. En talitimeŋ hatihati u yadi kayogedi yalidihija ilaan. Kan moolonge saŋiniŋ gamulakdi busuwaune kwetkwet meeniŋ hogohogok mede tilolon timineen. 11Du donkige miin wain mebi folon tehilaŋ en donkige mihiniŋ wain tajeeniŋ folon tehilaŋ. Du houlege wain ime ginan youteetan. En dahidahige wain kiliki diniŋ ime ginan fulaalaŋ. 12Dauge kiliki wain fee nalaŋ doktija gimindalak. En mage kitili noom doktija fafau tilak.”
- 13 “Sebulon, du yadi imenguanŋ gagayen itouluwaan. Du yadi muwage ime folon yawiin adi woon yali bombon be meeniŋ boin en mongokiin kwet undiniŋ u uge uge feknij Sidon kwetneŋ usuwalak.”
- 14 “Isaka, du yadi donki fafaŋeen. Kale dompa en makau gimbahan lekingon ginan deitoulaŋ. 15Haatikulege diniŋ hamuhe u kobaan. En dahat tugun kwaake won adi kedem. Du undun kan bombon mongoleene kaluanŋe khiwaale gigne tija kwanai wondok tipilapilaye kwanai tugun.”
- 16 “Dan, du yadi Isilae mebop noli hatiin undiningon. Du nokeye’walaŋ medehik nadiŋa yodapmalaŋ. 17Du yadi mingembet mimimnit en muhabo undiniŋ tija kale wosi kayon yahihili folon siune kale wosi foloniŋ ila haulak adi sigisigi mafaiŋa maan ulaak.”
- 18 “O Wapum, nu tubukedebakedebagedok woomhatilat.”
- 19 “Gad, du yadi memikgeyedi helemahelamaŋ gula gahakaliin. Kan dubo kayohik ginan tetelingon woon widihilaŋ.”
- 20 “Ase, du yadi nanaŋe kale duhuduhu hinek hakaamulak doktija nanaŋe heki kobaahi hinek u daane tibaan.”

- 21 “Naftali, du yadi kale hamap ginaŋ hatiŋ undiniŋ. Du kuyeŋ kap momooŋ toobihitaŋ.”
- 22 “Yosep, du yadi bem taŋeniŋ foloŋ mindipmuŋ fee undiniŋ. Bem yoŋ kabe foloŋ mindipmuŋ fee nit ime gagayeŋ yalune taŋeniŋ adi gimbiŋ lahula taŋambai tilak. 23 Me tebe molo heki adi mikdok busuwaŋ wele youyout tigamuŋa tebehik fiyagikiŋ iŋgoŋ 24 da’walaŋ tebe adi yadi fiit waliwali mu tiŋa yakuk. Eŋ kohogedi maŋ mu giyakuk. Du Isilai’walaŋ kadoko me eŋ kawade hakat adi’walaŋ wou foloŋ ulodiguŋ doktiŋa Yakop nu’walaŋ Saŋiniŋ Moloomdi gehitubulodaguk. 25 Baha, nu’walaŋ Bepaŋ adi gehitubukilitiguk adigoŋ gehitubulodawaak. Bepaŋ Saŋiniŋ Moloom adi uloloŋ tigamguk adigoŋ gehitubulodawaak. Adi kunumneniŋ duhuduhudi kahaŋ tigambaak. Adi kwet maaneŋ ime kainiŋ dumuŋ hatak wondi kahaŋ tigambaak. Tiŋa wapmihi mintaminta eŋ nom wanakaŋ kahaŋ tigambaak. 26 Baha nu’walaŋ kahaŋ adi kwebobe waaniŋ itak undiniŋ u kalakapmeŋ kwebobe fafaŋeniŋ diniŋ kwet gaaliki umaŋ kalakapme hinek tilak. Kahaŋ u hogohogok u yadi Yosep dufoloŋ hatneŋ. Biyagoŋ kuyonŋ, daakeye lekiŋgoŋhik ginaŋniŋ gabukahileeŋ gehitiulidokooŋ ganagiliŋit, du foloŋ halaak.”
- 27 “Benyamin, du yadi kamo miknit hinek. Du yadi haniŋ kale kelekeleye tiŋa nalaŋ. Eŋ timiŋ adi nanaje kale diki hatak u daaneelaŋ.”
- 28 Biyagoŋ hinek, mewoi i hogohogok adi Isilae mebop 12. Adi hinek kuyonŋ behikdi kahaŋ tiyemguk. Biyagoŋ kuyonŋ molomoloom yenikahaŋ tiŋa kahaŋ tiyeminguk.

Fiye 49:29-33 Yakop Kumunguk.

29-30 Unduŋ tiŋa mede yenindoko tiŋa indiŋ yeniŋguk, “Nu maanemaneye koomihi’walaŋ wene hidi baatne papaneye adi hakiŋneŋ uŋgoŋ nehiwenefalaaneŋ. Woŋ adi Kanaŋ kwetneŋ Mamele mele labulakneŋkade kwet faakii wou Makpela, Hitaitniŋ meniŋ wou Efelon adi’walaŋ hewehewe fiye ginaŋ kawade mage hatakneŋ uŋgoŋ nehiweneneŋ. Hewehewe fiye woŋ adi Hitaitniŋ me wou Efelon adi’walaŋ ala Abalahamdi meeniŋ kumuhi yehiwenefalaadok tuwaguk. 31 Abalaham eŋ tamŋiŋ Sala uŋgoŋ yehiwenefalagiŋ, eŋ Aisak eŋ tamŋiŋ Lebeka yehiwenefalagiŋ, ala nubo Lea uŋgoŋ wenefalagut. 32 Hewehewe fiye eŋ kawade mage woŋ adi Hitaitniŋ’walaŋ tuwaŋit.” 33 Biyagoŋ hinek, Yakop adi mihiŋiye mede unduŋ yeniŋkilitiŋa yenindidimedapmaanŋ kayonŋyat lufomniŋkoŋ yehihamaneune loune kumuŋ tuguk.

Fiye 50:1-14 Yakop Wenefalagiŋ.

50 ¹ Yakop kumumbuune Yosepdi beu tobooŋa koola siŋgoŋgomeguk. ² Unduŋ tiŋa tipilapilaye meniŋiye eŋ haguo

menjiye adi beu'walaŋ sigiŋ gitnem pilap mu bitakadok haguwo goomindok yeninguk. Kaŋ adi Yakop haguwo goomiŋgiŋ. ³Kwanai u hatitulune melenai 40 tuguk. Nai yagigi undugoŋ tagiŋ. Kaŋ metam Isiphi adi Yakopdok makunum melenai 70 tigiŋ.

⁴Makunum dapmaune Yosepdi Felo meenjimeenjiye indiiŋ yeninguk, “Hidi nutok nemek momooŋ niŋ tinamunee nadiiŋ kaŋ nutok kibikooŋ Felo indiiŋ nineeŋ, ⁵‘Baatne adi indiiŋ nifafaŋedok yoguk, “Nu kumumbeene dabaane Kanaaŋ kwetneŋ kawade ginaaŋniŋ naatok waamukut, uŋgoŋ nehiwenewaŋ.” Nu wondok-ku tiŋa wooŋ baatne wenefalaŋa kotigoŋ bubundok yolat.’”

⁶Kaŋ Felodibo yoguk, “Kedeem yolaŋ undugoŋ tibeŋ. Tiŋa medege yofafaŋe tuguoŋ undugoŋ wooŋ baha wenefalaaweŋ.”

⁷Kaŋ Yosep adi beu wenefalaawene uguk. Kaŋ Felo tipilapilaye menjiye eŋ talitimenŋhiye eŋ Isiphi me loloŋnit adi maŋ wanaŋ ugiŋ. ⁸Tiŋa Yosep eŋ Isilae neehi'walaŋ wapmihitam eŋ mehimehiye wanakaŋ hogohogok udapmagiŋ. Wapmihi kuyakuya eŋ kale makau heki hogok adi Gosen kwetneŋ uŋgoŋ biyabuune hatigiŋ. ⁹Kalis eŋ meeniŋ kale wosi foloŋ yawagiŋ adi maŋ ugiŋ. Unduŋ doktiŋa metam fee hinek ugiŋ.

¹⁰Kaŋ adi uge uge Goleŋ Atadi kwet, Yodan ime gagayeŋ uŋgoŋ usuwaŋ makaham kakaŋ tooŋa kisaŋ kookiŋ. Unduŋ tiŋa Yosep adi beu doktiŋa kobulabulaye melenai 7 tuguk. ¹¹Unduŋ doktiŋa Kanaaŋhi uŋgoŋ itouyagiŋdi yabunadiŋa yogiŋ, “Woŋ adi Isiphi kuyeŋ makunum tiŋiŋ oŋ.” Unduŋ yoŋa kwet wondok wou Abe Misilaim^o yogiŋ, eŋ nai indidegoŋ uŋaakoŋ yoiŋ, ala kwet woŋ adi Yodan ime guŋaandiŋ hatak.

¹²Yakop mihijiye adi ne yodakaleguk wondok tuwot tigiŋ. ¹³Adi Kanaaŋ kwetneŋ tiŋa wooŋ Mamele kwetneŋ mele labulakneŋkade Makpela kwetneŋ kawade mage hakuk, Abalahamdi Hitaitniŋ me Efelon adi'walaniŋ me yehiwenenŋdok tuwagukneŋ wenefalagiŋ. ¹⁴Yosep adi beu wenefulaŋa ne eŋ daliye eŋ noliŋiye hogohogok adut beu wenefalane noŋgoŋ ugiŋ ala kotigoŋ udaneŋ Isipde udapmagiŋ.

Fiye 50:15-21 Yosepdi daliye yeniwihiguk

¹⁵Yosep daliye adi beehik kumumbuune kaŋ yogiŋ, “Tiyauge Yosep adi nemek kadakaniŋ timiŋgumun hogohogok wondok kibibo nemek mulabumuŋ neeŋ timimbaakneŋ ala!” ¹⁶Unduŋ yoŋa adi'walaŋkade mede indiiŋ kameune uguk, “Bahadi kumumbe tiŋila indiiŋ ninindakaleguk, ¹⁷‘Yosep indiiŋ nineeŋ, “Dakeye indi kadakaniŋ hogoli hinek tigamgumun wendiniŋ yom u fiit liliwenekutnimbaaŋ.” ‘Unduŋ doktiŋa yuku ganinadiyam oŋ, baha diniŋ Bepaŋ adi'walaŋ tipilapilaye heki hatiyam doktiŋa yomnik fiit liliwenekulaaŋ.’” Kaŋ Yosepdi mede u nadiŋa

^o 50:11 Abe Misilaim mebi adi Isiphi makunum tiŋiŋ.

makat kookuk. ¹⁸Kaŋ daliye nehibo Yosep'walaŋ hebeŋ ginaŋ wooŋ namandahik tubuwopmobula yogiŋ, “Indi yadi tipilapilayegeye.”

¹⁹Unduŋ tubune Yosepdi yeniŋguk, “Munta mu tineŋ! Nu Bepaŋ kwelineŋ mu yatat! ²⁰Hidi biyagoŋ mulabumuŋ mintanamdok nadiŋa tigiŋ. Iŋgoŋ Bepaŋ adi tubuudaneune nemek momooŋ mintaguk. Meeniŋ fee'walaŋ hatihatihik kedebadok nadiune unduŋ mintaguk u nai indidegoŋ miŋgoŋ kayam. ²¹Unduŋ doktiŋa munta mu tineŋ. Nu hide eŋ wapmihihie wanakaŋ habudokooŋ hamtoiwaat.” Unduŋ yeniwihija yeniŋkwelemaguk.

Fiye 50:22-26 Yosep Kumunŋuk.

²²Yosep ne eŋ beu'walaŋ kayoŋ bopŋiye Isip kwetneŋ hatigiŋ. Yosep adi guletŋiŋ 110 dapmaguk. ²³Unduŋ hatiŋa dadaŋiye Efalaim'walaŋ laŋiye mintaune yabuguk. Tiŋa Manase'walaŋ mihiniŋ Makili wapmihiniŋiye maŋ yoboguk. ²⁴Kaŋ Yosepdi dali kwayaŋiye indin yeniŋguk, “Nu ya agaŋ kumumfaat. Bepaŋ adi yadi habudokooŋ hehitubulodawaak. Tiŋa kwet iŋaniŋ hanagila heheŋeŋ wooŋ kwet Abalaham, Aisak eŋ Yakop yenifafaŋegukneŋ uŋoŋ hamewaak.” ²⁵Unduŋ yoŋa Yosepdi Isilae mihiniŋiye adi Bepaŋ'walaŋ namanda foloŋ mede yokwambundamindok yeniŋguk. Indin yoguk, “Bepaŋdi hanagilaak nai uŋaniŋ kitiline wanaŋ tiŋa uneeŋ.” ²⁶Kaŋ Yosep adi guletŋiŋ 110 kaŋ kumunŋuk. Kumumbune sigiŋ gitnem pilap mu bitakadok haguwodi gomina Isip kwetneŋ kumuŋ bogit niŋ ginaŋ dahiŋa kameune hakuk.